

ጎዳ ዬሱስ ኪሪስቶስ ዛሎ" ዮሐንስ ፃኣፔ ኮዦ ሓይሶ ዓይያ ካሮ"

ዮሐንስ ፃኣፔ ኮዦ ሓይሶ ዬሱስ ዛሎ" ኬኤዛሂ፡- ዬሱስ ዓሲ ማዒ ዓሶ ባኣካ" ጴዴያ፥ ናንጊና ናንጋ ጾኦሲ ቃኣላኬ ጌይኬ፤ ማፃኣፔላ ኬኤዛ ጎይያና ሃና ኮዦ ሓይሶ ፃኣፔንቴሂ ዬሱስ ጴኤሻ ማዒ ሙካንዳኔ ጌይንቴ፥ ጾኦሲ ናዓሂ ማዒሂ ናባባ ዓሳ ጉሙርቃንዳጉዲና ዒዛ ጉሙርቂያና ናንጊና ናንጊ ዔያቶም ዓኣሂ ዔራንዳጉዲኬ (20፥31)።

ሓና" ኮዦ ሓይሶኮ ዓይያይዳ ናንጊና ናንጋያ ማዒ ጾኦሲ ቃኣሎ"ና ዬሱሴና ፔቴ" ማዒሂ ዓይሂ ካራ ማሂ ኬኤዛያ፥ ዬሱስ ጴኤሻ ማዒ ሙካንዳኔ ጌይንቴ ጾኣዛሂ ናያ ማዒያ ዔርዛ ዲማ ዲማ ጾኦሲ ዋልቄና ማዲንታ ዓከ ባኣዚ" ኬኤዛኔ፤ ዬካፓ ዬንሂ ጾኦሲ ዋልቆና ማዲንታ ዲቃሂ ባከንሂ ዛሎ"ና ዓይሳ ባኣዚ" ጴዴቶዋ ዔርዛ ሓይሴ ዓኣኔ፤ ዬና ዓይሳዲይ ጌዔቴ፡- ፔቴ" ፔቴ" ዓሳ ዬሱስ ጉሙርቂ፥ ዒዛ ዓሲ ማዒሂ፤ ዓቴ" ዓሳ ሃሃ ዋማይዲ ዒዒ ዒዛ ኑ ጉሙርቃዓ ጌዔያ ማዒቴያ ኬኤዛኔ፤ ዓይሂ 13-17 ዬሱስ ዓርቂንቴ ዋንቴሎ ጊንያ ሃንታዞንሂና ዋላ" ዋዚጉዴ ፔቴዋ ዒዛኮ ዓኣያታቶ ጊንሃ ሃሃ ሱዒንቶሮ ዒ ዑኬ ዋደ"ና ጊኢጊንቲሂና ደዲሺሂና ቃኣላ ዔያቶም ኬኤዛሂ ኬኤዛኔ። ጋፒንያ ዓይያንሂ፡- ዬሱሴኮ ዓርቂንቲያና ዋጎም ሺኢኪያ፤ ሱዒንቶና ሓይባ"ፓ ዔቂያ ዛሎ" ሓሃ ሓይባ"ፓ ዔቂሰካፓ ዒዛ ጊንያ ሓንታ ናኣቶ"ም ዒ ጴዴሂ ዛሎ" ኬኤዛያኬ።

ዮሐንስ ኮሺ" ዔርዛኒ ኮዔሂ፡- ኪሪስቶስ ዛሎ"ና ጴዳ ናንጊና ናንጎ ዛሎ"ኬ፤ ዬይ ጾኦሲ ኮሹዋና ዒንጊንቲ ጴዳ ናንጊና ናንጋ ዓርቃሂ ሓሂፓ ማዓዛ ዬኖ ናንጎ ዴንቃኒ ዳንዳዓዞንሂ ዬሱስ ጎይሂ፥ ጎኑዋ ሓሃ ሸምፔ ዒንጋያ ማዒሂ ዔሬዞንሂኬ፤ ዮሐንስ ፃኣፔ ኮዦ ሓይሶ ሓንጎዋቶይዳፓ ዲማሳሂ ዓያና ዛሎ"ና ዓኣ ጎኑዋ ዔርዛኒ ዓሲም ዔርታያና ቢያ ዋዴ ዛጎ ባኣዚ" ጌይያ፡- ዋኣሂ፥ ካሃ፥ ፖዒ፥ ቆልዋ ሄንቃ ዓሲ፥ ማራይ፥ ዋይኔ ጎያ ሚያ ዓኣፖ፤ ዬያጉዴ ባኮ ማላታ ማሂ ሺኢሺያኬ።

ማፃኣፔላ ዲማ ዲማ ዓርቂ ባኮ

ዓይያ ካሮ" 1፥1-18

ማስካ ዮሐንስና ቤርታዲ ዩሱፊስ ጊንዖ ሐንታያ ማዕዘንሢ
 1፡19-51
 ዩሱፊስ ማደ"ና ዓሶ ቤርታ ፔጋዲያ 2፡1—12፡50
 ጋፒንዖ ኬሎ"ና ዩሩሳላሜ ዓጮ" ኮይላ" ማዲንቲ ባኮ 13፡1—
 19፡42
 ጎዳኮ ሐይባ"ፓ ዔቂዖና ሽምፔና ዓኣያ ማዒ ጴዲያ 20፡1-31
 ሽምፔና ዓኣያ ማዒ ጌለላይዳ ጴዲ ዒንጌ ሓዳሮ 21፡1-25

ናንጊ ቃኣላ

1 ቢያ ማዢንቲ ባኮኮ ቤርታ ቃኣላ ዓኣኔ፤ ዩይ ቃኣላ" ያኦሲና
 ዎላ" ፔቲ"ኬ፤ ዩይ ቃኣላ"ኣ ያኦሲኬ። 2 ዩይ ቤርታዲ ያኦሲና ዎላ"
 ዓኣኔ። 3 ቢያ ባኣዚ" ዒዛና ማዢንቲኔ፤ ማዢንቲ ባኮይዳፓ ቢያ
 ፔቲ" ባኣዚ"ታዖ ዒዛናቱዎዖ ማዢንቲ ባኣዚ" ባኣሴ። 4 ዒዛና ናንጊ
 ዓኣኔ፤ ዩና ናንጌላኣ ዓሲኮ ፖዒኬ። 5 ፖዒ ዲሚና ፖፖዓኔ፤ ዲሚ
 ፖዒ ፔቲ"ታዖ ባሹዋሴ።

6 ያኦሲዳፓ ዳኪንቲ፥ ዮሐንስ ጌይንታ ፔቲ" ዓሲሰኬይ ዓኣኔ፤
 7 ዩያ ዓሢኮ ማርካዲያና ዓሲ ቢያ ዩሱፊስ ጉሙርቃንዳጉዲ
 ፖዖ ዛሎ" ማርካዲያ ማዒ ሙኬኔ። 8 ዒዚ ፖዖ ዛሎ" ማርካዲኒ
 ሙካንዳኣፓዓቲም ዒ ፔ ቶኦኪና ፖዒቱዋሴ። 9 ዓሲም ቢያ ፖዒ
 ፖዒ ጎኔ * ፖዒ ዓጮ" ሙካኔ።

10 ዩይ ፖዒሢ፡- ቤርታ ዓጮ"ይዳ ዓኣያኬ፤ ዓጮ" ማዢንቲሢያ
 ዒዛናኬ፤ ዓጮ" ጋዓንቲ ዒዛ ዒሪባኣሴ። 11 ዒዚ ፔኤኮ ዓጼ
 ባንሢ ሙካዛ ዓጼ ዒዛኮ ጋዓንቲ ዒዛ ጎኔኬ ጌይ ዒኪባኣሴ።
 12 ያዲ ማዕያታቲያ ዒዛ ጎናሲ ዒኬዘንሢና ዒዛኮ ሱንዖ
 ጉሙርቃዘንሢም ያኦሲ ናይ ማዓንዳ ቢታንቶ ዒንጌኔ። 13 ዔያታ
 ያኦሲዳፓ ሸይንቲያፓዓቲም ዓሲ ዜርሢዳፓ፤ ጌይዖ፡- ዓሲ ማሊሢና
 ዓዶና ዒንዶናፓ ሸይንቲባኣሴ።

14 ዩይ ቃኣላ" ዓሲ ማዕኔ፤ ያኦሲኮ ኮሹዎ ዒንጊያና ጎኦምና
 ኩሙሢ ማዒ ኑ ጊዳ" ዒ ናንጌኔ፤ ፔቲ" ናዒሢ፡ ፔኤኮ ዓዶ ኮራ
 ዓኣ ስንቲንቶጉዴያ ማዕ ስንቲንቶ ዒዛኮ ኑ ዛጌኔ።

15 ዮሐንስ፡- «ታኣኮ ጊንዖ ሙካንዳሢ ታ ጊዳ"ፓ ባሻያኬ፤ ታኣኮ
 ቤርታ ዒ ዓኣኔ ጌዒ ታ ዒንሢም ኬኤዜሢያ ሃያከ!» ጌዒ ዒላቲ
 ኬኤዜኔ።

1:6 ማቴ. 3፡1፤ ማር. 1፡4፤ ሉቃ. 3፡1-2። * 1:9 ጎኔ፡- ጌይዖ ሉኡዚቱዋሴ ጌይሢ
 ሉሊቱዋንቲ ያኦሲኮ ጎኦም ፔጋሲ ዒርዛያኬ (ዮሐ. 14፡6)።

16 ዲዛኮ ሚርጌ ኮሹሞ ዲንጊያይዳፓ ኮሹሞ ዲንጊሢ ኑሞ ቃሲ"ንቲ ቃሲ"ንቲ ዲንጊንቴኔ። 17 ጾኑሲ፡ ሙሴ ዛሎ"ና ቤርታዎጌ ኑሞ ዲንጌኔ፤ ጋዓንቴ ጾኑሲ ኮሹሞ ዲንጊያና ጎኑሞና ዬሱስ ኪሪሰቶሴ ዛሎ"ና ኑሞ ሙኬኔ። 18 ጾኑሲ ዛጌይ ፔቴ"ታዎ ጾኑሲያ ባኣሴ፤ ማዕቴያ ዓዶ ኮራ ዓኣ ዲዛኮ ፔቴ" ናዓሢ ማዕ፥ ጎዳሢ ፔጋሲ ዲዛ ዔርዘኔ።

ማሰካ ዮሐንሴኮ ማርካዲያ

(ማቴ. 3፡1-12፤ ማር. 1፡1-8፤ ሉቃ. 3፡1-18)

19 ዓይሁዶ ዓሶ ዎይሢ ዓሳ ዬራሳላሚይዳፓ ቄኤሶና ሌዊ ዓሶናይዳፓ ዮሐንሴ ኮራ ዳኪ፡- «ኔ ያናዳይ?» ጌዒ ጾኑጨሲኔ።

20 ዮሐንሴያ፡- «ታኣኒ ሜሲሔቱዋሴ» ጌዒ ማርካዲያፓዓቴሞ ሉኡቂ ኬኤዚባኣሴ።

21 ዔያታ፡- «ሂዳዎ ኔ ያናዳይ? ኔ ዔኤሊያሴዳ?» ጌዒ ዲዛ ጾኦጪዛ፡ ዲዚ፡- «ታ ዲዛቱዋሴ» ጌይ ማሂኔ፤ ዔያታ፡- «ሙካንዳኔ» ጌይንቴ፥ ጾኑሲ ማሊያ ኬኤዛሢ ኔናዳ?» ጌዔኔ።

ዲዚያ፡- «ታናቱዋሴ» ጌዔኔ።

22 ጋፒንዎይዳ ዔያታ፡- «ሂዳዎ ኔ ያናዳይ? ኑና ዳኬ ዓሶሞ ማሂ ኑ ኬኤዛንዳጉዲ፡ ኔ ኔ ዛሎ" ዎዚ ጋዓይ?» ዲዛሞ ጌዔኔ።

23 ዲዚያ ዔያቶሞ ማሃዎ፡- «ጾኑሲ ማሊያ ኬኤዛ ዲሲያሴ ዛሎ"ና፡-

ጾኑሲኮ ጎይያ ፒዚሱዋቴ ጌዒ ጌዒ

ዓሲ ናንጉዎ ዳውሎ"ይዳ ዒላታ ዓሲ ዑኡሲ ጌይንቴሢ ታናኬ» ጌዔኔ።

24 ዳኪንቴ ፔርሴ ዓሶይዳፓ ፔቴ" ፔቴ"ዘንሢ፡- 25 «ኔኤኒ ሜሲሔ ሐሢ ዔኤሊያሴ፤ ጊንሢ ሐሢ ሙካንዳኔ» ጌይንቴ ጾኑሲ ማሊያ ኬኤዛሢ ማዒባኣቴ ሂዳዎ ኔ ዓይጎሮ ዋኣዎና ማሰካይ?» ጌይ ዲዛ ጾኦጪኔ።

26 ዮሐንሴ ማሃዎ፡- «ታኣኒ ማሰካሢ ዋኣሢናኬ፤ ጋዓንቴ ዲንሢ ዔራዋይ፡ ዲንሢኮ ባኣካ" ሐሢ ዔቂ ዓኣኔ። 27 ታኣኮ ጊንፃፓ ሙካንዳሢ ዲዛኬ፤ ታኣኒ ዲዛኮ ዱርዘ ቱኮ" ሱዘ ቡላ"ኒታዎ ኮይሱዋያኬ» ጌዔኔ።

28 ዬይ ቢያ ማዕሢ ዮሐንሴ ዋኣዎና ማሰካ ቤዞ፡ ቢታኒያይዳኬ፤ ቢታኒያ ጌይንታዛ፡- ዮርዳኖሴ ዎሮ ሱካ" ዓኣ ካታማኬ።

ጾኑሲ ማራይ

29 ዚሮ ጉቴ"ሎ ዮሐንሴ ዲዛ ባንሢ ዬሱሴ ሙካንቴ ዛጋዎ፡- «ሐይሾ ዓሶኮ ጎሞ ጌኤሻንዳ ጾኑሲ ማራዓሢ ሐያኬ! 30 ታኣኮ

ገንፃ፣ ሙካንዳሢ ታ ገዳ"፣ ሳሽኬ፤ ዒ ታኦኮ ቤርታ ዓኣያኬ» ታ ዒንሢሞ ገዒሢ ሓያኬ። ³¹ ታኣኒያ ታ ቶኦኪና ዒዛ ቤርታ ዒሩዋሴ፤ ጋዓንቴ ዒዚ ዒሰራዒኤሌ ዳሮ"ሞ ፔጋዲ ዒርታንዳጉዲ ታኣኒ ዋኣዖና ማሰኪ ማሰኪ ሙኬኔ» ገዒኔ።

³² ሄሊ"ሳዖ ዮሐንሴ፡- «ዓያና ጌኤሺ ጫሪንቲዳ፣ ደኦሌ" ኬዳ"ያጉዲ ዒዛይዳ ኬዲ" ዳዓንቴ ታ ዛጌኔ፤ ³³ ታ ታ ቶኦኪና ቤርታዲ ዒዛ ዒሪባኣሴ፤ ጋዓንቴ ዋኣዖና ታ ማሰካንዳጉዲ ታና ዳኬሢ፡- «ዓያና ጌኤዛ ኬዲ" ዒዛ ዐፃ ዳዓንቴ ኔ ዛጋንዳሢ ሓሣ ዓያና ጌኤዙናኣ ማሰካንዳሢ ዒዛኬ» ታኣሞ ገዒኔ። ³⁴ ታኣኒያ ዬያ ዛጌኔ፤ ዬያሮ ዒዚ ያኦሲ ናይታሢ ታ ማርካዳኔ» ገዒኔ።

ቤርታዲ ዬሱሴኮ ገንዖ ሃንታዘንሢ

³⁵ ዚሮ ጉቴ"ሎ ዮሐንሴ ላምዖ ዒዛኮ ገንዖ ሃንታዘንሢ ዋላ" ዒኣካ ዒቂ ዓኣዖ፡- ³⁶ ዬሱሴ ዒኣና ዓኣዳንቴ ዛጊ፡- «ሓይሾ ያኦሲኮ ማራዓሢ!» ገዒኔ።

³⁷ ላምዖ ዮሐንሴኮ ገንዖ ሃንታዘንሢ ዮሐንሴ ዬያ ጋዓሢ ዋይዛዖ ዬሱሴ ገንዖ ዓኣዳኔ። ³⁸ ዬሱሴ፡ ዒያታ ዒዛ ገንዖ ሙካሢ ሽሪ ዛጋዖ፡- «ዓይጎ ዒንሢ ኮዓይ?» ጋዓዛ፡ ዒያታ፡- «ሬቢ! ኔኤኒ ናንጋሢ ዓንካዳይ?» ገዒኔ። [ሬቢ ጌይዖ፡ ዒብሪ ዓሶ ሙኡጮና «ዒርዛሢ» ጌይሢኬ።]

³⁹ ዒዚያ፡- «ሓኒ ሙኪ ዛጉዋቴ» ዒያቶም ገዒኔ፤ ዒማ"ና ዓባ" ኬዳ"ያኬ። ዬያሮ ዒያታ ዓኣዲ ዒዚ ዋካ ናንጋቴያ ዛጌኔ። ዬሶ ኬሎ" ዒዛና ዋላ" ዳንዲ ዓባ" ጌላንዳያ ሄላ"ንዳኣና ዒያታ ፔኤቂ።

⁴⁰ ዮሐንሴ ገዒሢ ዋይዚ ዬሱሴ ገንዖ ዓኣዳ፡ ገንዖ ሃንታዘንሢ፣ ፔቴ"ሢ፡ ሲሞኦኔ ጌይንታ ጳዒሮሴኮ ጌርሲ ዒንዲራሴኬ።

⁴¹ ዒንዲራሴ ቤርታዲ ፔኤኮ ጌርሲ ሲሞኦኔ ኮራ ዓኣዳዖ፡- «ኮኤኒ ሜሲሔ ዳንቁንቴሞ!» ገዒኔ። [ሜሲሔ ጌይዖ፡ ካኣቴሞም ደኦሚ ዓርቆና ጌይሢኬ።] ⁴² ዬካ፣ ዒንዲራሴ ፔኤኮ ጌርሲ ሲሞኦኔ ዬሱሴ ኮራ ዒኪ ሙኬኔ።

ዮሱሴ ዒማ"ና ዒዛ ገዥ ጌይ ዛጋዖ፡- «ኔኤኒ ዮና ናዓሢ ሲሞኦኔ ጎዖሢኬ፤ ሃይ፣ ሴካ ጋዓንቴ ኔ ኬ፣ ጌይንታንዳኔ» ገዒኔ። [ኬ፣ ጌይዖ፡ ዒብሪ ዓሶ ሙኡጽና «ላሌ» ጌይሢኬ።]

ዮሱሴኮ ፒልጶሴና ናቲናዒኤሌና ዒኤሊ"ዖ

⁴³ ዚሮ ጉቴ"ሎ ዮሱሴ ጌሊላ ዓኣዳዖ ፒልጶሴ ጎዖሢ ዳንቁ፡- «ታ ገንዖ ሙኬ» ገዒኔ። ⁴⁴ ፒልጶሴ ዒንዲራሴና ጳዒሮሴናጉዲ ቤቴሳይዳ ጌይንታ ካታሜሎይዳ ናንጋ ዓሲኬ። ⁴⁵ ፒልጶሴ

ናቲናዔኤሌ ጎዖሢ ዴንቃዮ፡- «ሙሴ ዔርዜ ዋጎ ማፃኣፖይዳ ሓሣ ያኦሲ ማሊያ ኬኤዛ ዓሶ ማፃኣፖይዳ ዒዛ ዛሎ" ፃኣፒንቲሢ፡ ዮሴፔ ናዓሢ፡ ናዚሬቲ ዓፍ" ዓሢ ዩሱሴ ኑ ዴንቄኔ» ዒዛም ጌዔኔ።

46 ናቲናዔኤሌ ጋዓንቲ ማሃዮ፡- «ናዚሬቲ ዓፍ"ይዳፓ ኮሺ ባኣዚ" ጴዳኒ ዳንዳዓያዳ?» ጋዓዛ፡ ፒልጶሴ፡- «ሂንዳ ሙኪ ዛጌ» ዒዛም ጌዔኔ።

47 ዩሱሴ ናቲናዔኤሌ ዒዛ ባንሢ ሙካንቲ ዛጋዮ፡- «ሃይሾ ፑርቲሞባኣ፡ ጎኔ ዒሰራዔኤሌ ዓሲ!» ጌዒ ዒዛ ዛሎ" ኬኤዜኔ።

48 ናቲናዔኤሌ፡- «ኔ ታና ዎዲ" ዔሬይ?» ጋዓዛ፡ ዩሱሴ ማሃዮ፡- «ፒልጶሴ ኔና ዔኤላ"ንዳሢኮ ቤርታ ቤሌሶ ሚፃሎ ዴማ" ዴዒ ዓኣንቲ ታ ኔና ዴንቄኔ» ጌዔኔ።

49 ዩማና ናቲናዔኤሌ፡- «ዔርዛሢዮ! ኔኤኒ ያኦሲ ናይኬ! ሓሣ ኔኤኒ ዒሰራዔኤሌ ዓሶኮ ካኣቲኬ!» ጌዔኔ።

50 ዩሱሴ ዒዛም፡- «ኔኤኒ ጎኔኬ ጌዔሢ <ቤሌሶ ሚፃሎ ዴማ" ታ ኔና ዛጌ» ታ ኔኤም ጌዔሢሮዳ? ዩያፓ ባሼ ባኣዚ" ኔ ሃጊ ዛጋንዳኔ።

51 ጎኔ ታ ዒንሢም ጋዓኔ፡- ጫሪንቲ ቡሊ"ንቲ ያኦሲኮ ከኢታንቻ ዓሲኮ ናዓሢ ዑፃ ኬዲ" ከሰካንቲ ዒንሢ ዛጋንዳኔ» ጌዔኔ።

2

ዩሱሴ ዋኣዖ ዑሺ ማሄሢ

1 ዩካፓ ሓይሣሳ ኬሎ"ና ጌለላ ዓፍ"ይዳ ዓኣ ቃና ጌይንታ ካታሚሎይዳ ዔፒ ዓኣንቲ፡ ዩሱሴኮ ዒንዳኣ ዒኢካ ዓኣኔ።

2 ዩሱሴና ዒዛኮ ገንዖ ሓንታዞንሢና ዔፖ ቤዞ ዔኤሊ"ንቲኔ።

3 ዔፖ ቤዞይዳ ዎይኖ ዑዣ ጋፓዛ ዩሱሴኮ ዒንዳ ዒዛ ኮራ፡- «ዑዣ ዔያቶኮ ጋፔያታንቲቱዎይ!» ጌዔኔ።

4 ዩሱሴያ ማሃዮ ዒንዳ ኮራ፡- «ዩያ ኔኤና ታኣና ማዳንዳ ባኣዚ"ቱዎሴ፤ ታኣኮ ዎዳ" ሃጊ ሄሊ"ባኣሴ» ጌዔኔ።

5 ዒማ"ና ዒዛኮ ዒንዳ ዒኢካ ዓኣ፡ ማዳ ዓሶም፡- «ዒዚ ዒንሢም ጌዔ ባኮ ቢያ ማዲዎቱ» ጌዔኔ።

6 ዓይሁድ ዓሶኮ ዑዮ ጌኤሺያ ካኣዦም ማዓ ዋኣዖ ዓርቃ፡ ላሆ" ሹቲዳፓ ኮሺ"ንቲ ኮሎሢ ያቲ ዒኢካ ዓኣኔ፤ ፔቲ" ፔቲ" ኮሎያ ያታ ላምዖና ሓይሦና ማዓ፡ ፑኡፒ ያቲ ኩማ" ዋኣሢ ዓርቃኒ ዳንዳዓያኬ።

7 ዩሱሴ ማዳዞንሢም፡- «ዩንሢ ኮሎያንሢ ዋኣሢ ኩንሡዎቱ» ጋዓዛ፡ ዔያታኣ ኩንሢኔ። 8 ዩካፓ ዩሱሴ ማዳዞንሢም፡- «ዓካሪ ዲይ ሙዖ ገኢሊሻ ዓሶ ሱኡጋሢም ዒንጉዎቱ» ጋዓዛ፡ ዔያታኣ ዔኪ ዒንጌኔ። 9 ሙዖ ገኢሊሻ ዓሶኮ ሱኡጋሢ ጫርዦ ዑዦ ማዔ

ዋኣዎ ዑኡቂ ዛጋዎ ዓንካፓ ዔያታ ዔኬቴያ ዔሪባኣሰ፤ ዋኣዎ ዱዔ፡ ማዳ ዓሳ ጋዓንቴ ዔዔራኔ። ዩያሮ ሙዎ ገኢጊሻ ዓሶ ሱኡጋሢ' ዑኡታሢ ዔኤላ"ዎ፡- 10 «ዓሲ ቢያ ቤርታዲ ዒንጋሢ ጫርሺ ዑሺኬ፤ ዔኤሊ"ንቴ ዓሳ ማሢንቴሢኮ ጊንዖ ባሰኪ ዑሺ ዒንጋኔ፤ ኔኤኒ ጋዓንቴ ኮዦ፡ ጫርዦ ዑዦ ዑሼ ጎይሣ ሃይማ ሄሊ"ሴኔ» ጌዔኔ።

11 ዩሱሴ ዩኖ ያኦሲ ዎልቄና ማዲንቴ ዓኮ ባኮ ቤርታሲ ጌሊላ ዓጮ"ይዳ ቃና ጌይንታ ካታማ ማዴኔ፤ ዩያይዲዎና ፔኤኮ ቦንቾ ፔጋሲ ዔርዘሢር ዒዛኮ ጊንዖ ሃንታዘንሢያ ዒዛ ጉሙርቄኔ።

12 ዩካፓ ዩሱሴ ፔኤኮ ዒንድና ጌርሲንሢና ሓሣ ዒዛኮ ጊንዖ ሃንታዘንሢያ ዎላ" ቂፒርናሆሜ ዓጮ" ኬዲ"፡ ዒኢካ ዳካ" ኬሊ" ዴዔኔ።

ዩሱሴ ጌኤዦ ማኣርይዳፓ ኮርማ ዓሶ ዳውሴሢ
(ማቴ. 21፡12-13፤ ማር. 11፡15-17፤ ሉቃ. 19፡45-46)

13 ዒማ"ና ዓይሁዶ ዓሶኮ ዑሣ ዓኣዲዎ ቦንቾ ኬላ" ዑኬሢር ዩሱሴ ዩፋሳላሜ ዴንዴኔ፤ 14 ዒዚ ጌኤዦ ማኣርይዳ፡ ጌማቶንታ ማራቶንታ ዶኦሎ"ንታ ሻንቻ ዓሳ ሓሣ ሚኢሾ ላኣማዘንሢያ ሚኢሾ ላኣማንቴ ዴንቄኔ። 15 ዩያሮ ሱሲ ዢራፓ ማዦዎ ዓሶ ቢያ ማራቶንታ ጌማቶንታ ዎላ" ጌኤዦ ማኣራፓ ኬሴ"ኔ፤ ሚኢሾ ላኣማ ዓሶኮዎ ሚኢሾ ላኣሌኔ፤ ዔያታ ሚኢሾ ጌሣ፡ ዴ"ጌ ሎኦዦ ያይቶዎ ሂዒ ዶይሴኔ። 16 ዶኦሎ" ሻንቻ ዓሶዎ፡- «ሓያ ቢያ ሴካ ዔኪ ዓኣዲዎቴ፤ ታዓዶኮ ማኣር ኮርሞ ማኣሪ ማሂፖቴ» ዔያቶም ጌዔኔ። 17 ዒማ"ና ዒዛኮ ጊንዖ ሃንታዘንሢያ፡- «ኔ ማኣር ዛሎ" ባካ ታሚጉዲ ታና ሚቻኔ» ጌይንቴ ያኣፒንቴሢ ጳቂሢኔ።

18 ዩካፓ ዓይሁዶ ዓሶ ዎይሣ ዓሳ፡- «ኔኤኒ ሓያ ማዳንዳ ቢታንቶ ኔኤኮ ዓኣያታሢ ዔርዘኒ ዓይጎ ያኦሲ ዎልቄና ማዲንታ ዓኪ ባኣዚ" ማዲ ኔ ኦና ዳዋንዳይ?» ጌዔኔ።

19 ዩሱሴ፡- «ሓያ ጌኤዦ ማኣር ሻሁዎቴ፤ ታኣኒ ሓይሣ ኬሊ"ዳ ጊንሣ ማሂ ማዦንዳኔ» ዔያቶም ጌዔኔ።

20 ዔያታ ማሃዎ፡- «ሓያ ጌኤዦ ማኣር ማዦን ያይዲታሚ" ላሆ" ሌዔ ጋፒሴኔ፤ ሂዳዎ ኔኤኒ ሓይሣ ኬሊ"ዳ ማዦንዳ?» ጌዔኔ።

21 ዩሱሴ ጋዓንቴ፡- «ጌኤዦ ማኣር» ጌዒ ኬኤዘሢ ፔኤኮ ዑዩ ዛሎ"ኬ፤ 22 ዩሱሴ ሓይባ"ፓ ዔቄሢኮ ጊንዖ ዒዛኮ ጊንዖ ሃንታ

2:12 ማቴ. 4፡13። 2:13 ኬሊ. ማፃ 12፡1-27። 2:17 ዓይኡ. 69፡9።
2:19 ማቴ. 26፡61፤ 27፡40፤ ማር. 14፡58፤ 15፡29።

ናኣታ" ዬያ ጳቂህኔ፤ ዬያ ዛሎ"ና ማፃኣፓ ፃኣፒንቴ ባኮና ዬሱሴ ኬኤዜ ቃኣሎ" ዔያታ ጉሙርቄኔ።

23 ዬሱሴ ዓይሁዶኮ ዑሣ ዓኣዲያ ቦንቸና ዬሩሳሌምይዳ ዓኣያ ማዴ፥ ያኣሲ ዋልቆና ማዲንቴ ዓኮ ባኮ ዔያታ ዛጌሢሮ ማርጌ ዓሲ ዒዛ ጉሙርቄኔ። 24 ዬሱሴ ጋዓንቴ ዓሶ ቢያ ዔራያ ማዔሢሮ ዔያቶ ዒ ጉሙርቄባኣሴ፤ 25 ዒዚ ዓሲ ዒና ጋርካ ዓኣ ባኣዚ" ቢያ ዔራሢሮ ዓሲ ዛላ ዒዛም ያኣኒያ ኬኤዛኒ ኮይሱዋያኬ።

3

ዬሱሴና ኒቆዲሞሴ ጎምሢና

1 ኒቆዲሞሴ ጌይንታ ፔቴ" ዓሲ ዓኣኔ፤ ዒዚ ፔርሴ ዓሶ ዛላ"ፓ ማዔያታያ ዓይሁዶ ዓሶኮ ሱኡጌኬ። 2 ዬይ ዓሢ ዲሚና ዬሱሴ ኮራ ሙካዶ፡- «ዔርዛሢያ! ያኣሲ ዒዛና ዋላ" ማዔሢዳፓዓቴም ሓያ ኔኤኒ ማዲ ያኣሲ ዋልቆና ማዲንታ ዓኮ ባኮ ማዲኒ ዳንዳዓይ ያኣኒያ ባኣሴ፤ ዬያሮ ኔኤኒ ያኣሲ ኮራፓ ሙኬ፥ ዔርዛያ ማዔሢ ኦኡኒ ዔራኔ» ጌዔኔ።

3 ዬሱሴያ፡- «ጎኔ ታ ኔኤም ጋዓኔ፡ ዓሲ ላሚ ሎፓ ሾይንቲባኣያ ያኣሲ ካኣቴም ዛጋኒ ዳንዳዐዋሴ» ጌዔኔ።

4 ኒቆዲሞሴ ማሃዶ፡- «ሂዳዶ ዓሲ ጋርቹሰካፓ ጊንሣ ዋይቲ ሾይንታኒ ዳንዳዓይ? ላሚ ዒንዶ ጎጾ ጌሊ ሾይንታኒ ዳንዳዓ?» ጌይ ያኣጩኔ።

5 ዬሱሴ ማሃዶ፡- «ጎኔ ታ ኔኤም ጋዓኔ፡ ዓሲ ዋኣሢና ዓያና ጌኤሽናይዳፓ ሾይንቲባኣያ ያኣሲ ካኣቴምይዳ ጌላኒ ዳንዳዐዋሴ።

6 ዓሲዳፓ ሾይንቲሢ ዓሲኬ፤ ዓያናይዳፓ ሾይንቲሢ ዓያናኬ።

7 ዬያሮ ላሚ ሾይንታንዳያ ዒንሢም ኮይሳኔ» ታ ኔኤም ጌዔሢሮ ዲቃቲ ሄርሺፖ። 8 ዢባሬ ኮዔ ዛላ ዢባርሻኔ፤ ዑኡዘ ኔ ዋይዛኔ፤ ጋዓንቴ ዓንካፓ ሙካቲ ሃሣ ዓንኮ ዓኣዳቲያ ኔ ዔሩዋሴ፤ ዓያናፓ ሾይንታሢ ቢያ ዬያጉዲኬ» ጌዔኔ።

9 ኒቆዲሞሴ፡- «ዬይ ዋይቲ ማዓኒ ዳንዳዓይ?» ጌይ ዒዛ ያኣጩኔ።

10 ዬሱሴ ዒዛም፡- «ኔኤኒ ዒሰራዔኤሌ ዓሶ ዔርዛሢ ማዓዶ ዬያ ኔ ዔሩዋዓዳ? 11 ጎኔ ታ ኔኤም ጋዓኔ፡ ኦ ዔራ ባኮ ኬኤዛኔ፤ ኦ ዛጌ ባኮዋ ኦ ማርካዳኔ፤ ዒንሢ ጋዓንቴ ኦኡኮ ማርካዲያ ዔኩዋሴ። 12 ሳዓ ዓኣ ባኣዚ" ታ ዒንሢም ኬኤዛኣና ዒንሢ ጉሙርቄዋያ ማዔቴ ጫሪንቺ ባኣዚ" ታ ዒንሢም ኬኤዜም ዋይቲ

ዒንሢ ጉሙርቃንዳይ? **13** ጫሪንጫፓ ኬዳ"* ዓሲ ናዓሢዳፓ ዓታዛ ሌካ ጫሪንጫ ኬሰኬይ ያኑኒያ ባኣሲ።

14 «ዓሲ ናንጉዋ ዳውሎ"ይዳ ሙሴ ሾኦዢ ሚያና ዴጊዲ ዓርቁሢጉዲ ዓሲኮ ናዓሢ ሱዲንጉንዳያ ኮይሳኔ። **15** ዓይጎሮ ጌዔቴ ዒዛ ጉሙርቁ ጎናሲ ዔኬዘንሢ ሲያ ናንጊና ናንጊ ዴንቃንዳጉዲኬ» ጌዔኔ።

16 ሐሢ ዩሱሴ፡- «ያኦሲ ዓጮ" ሚርጌ ናሽኬሢሮ ፔኤኮ ፔቴ" ናዓሢ ዒንጌኔ፤ ዩያሮ ዒዛኮ ናዓሢ ጉሙርቃሢ ሲያ ናንጊና ናንጋያ ማዓንዳጎጋጥቴም ባይቃዓኬ። **17** ያኦሲ ፔኤኮ ናያ ዓጮ" ባንሢ ዳኬሢ፤ ዓጮ" ዒዛ ናያና ዳቃንዳጉዲ ማዓንዳጎጋጥቴም ዓጮ" ዒ ፑርታና ዋጋንዳጉዲቱዋሴ።

18 «ዒዛ ጉሙርቁ ጎናሲ ዓኬይ ፑርታና ዋጊንጎዓኬ፤ ዒዛ ጉሙርቁ ዔኬዋኣሢ ጋዓንቴ ያኦሲ ናዓሢ ጉሙርቁ ዔኬባኣሢሮ ሐሢ ዓኣንቴ ፑርታና ዋጊንቴያኬ። **19** ፖዒ ዓጮ" ሙኬኔ፤ ዓሳ ጋዓንቴ ዔያቶኮ ማዳ" ፑርታ ማዔሢሮ ፖዒዳፓ ባሽ ዴሚ ናሽኬኔ፤ ዋጊንቴ ፑርቶ ዋጋኣ ዩያኬ። **20** ፑርታ ባኣዚ" ማዳሢ ሲያ ፖዒ ዒዔኔ፤ ፔኤኮ ፑርቶ ማዳ" ዔርቱዋጉዲ ፖያ ባንሢ ሙካኒ ኮውዋሴ። **21** ጎኔ ማዔ ባኣዚ" ማዳሢ ጋዓንቴ ሃንጋ ፖዒ ባንሢ ሙካኔ፤ ሃንጋ ፖያ ባንሢ ዒ ሙካሢ ያኦሲ ዓይሢያ ጎይያ ማዳንቴ ዒዛኮ ማዳ ዔርታንዳጉዲኬ» ጌዔኔ።

ማሰካ ዮሐንሴኮ ዩሱሴ ዛሎ" ማርካዲያ

22 ዩካፓ ዩሱሴ ዒዛኮ ጊንያ ሐንታ ናኣቶ"ና ዋላ" ዪሁዳ ዓጮ" ዓኣዲ ዒኣካ ዔያታ ዋኣያና ዓሶ ማሰኪ ማሰኪ ዳካ" ኬሊ" ዴዔኔ። **23** ሳላሜ ጌይንታ ዓጮ" ኮይሎ"ይዳ ሄኖኔ ጎያ ሴዛ ሚርጌ ዋኣሢ ዓኣሢሮ ዮሐንሴ ዋኣያና ዓሶ ማሰካኔ፤ ዓሳኣ ዒዛ ባንሢ ዓኣዲ ዓኣዲ ዋኣያና ማሰታኔ። **24** ዩማና ዮሐንሴ ሓጊ ቱኡዘ ማኣራ ቱኡቲባኣሲ።

25 ዒዛኮ ጊንያ ሃንታዘንሢ ፔቴ" ዓይሁዴ ዓሲሰኬያና ተ ባኣካ" ዑያ ጌኤሺያ ካኣዢ ዛሎ" ማርማ ዔቁኔ። **26** ዮሐንሴኮ ጊንያ ሃንታዘንሢ ዮሐንሴ ኮራ ሙካያ፡- «ዔርዛሢ! ዩይ ዮርዳኖሴ ዋሮ ሱኮይዳ ኔኤና ዋላ" ዓኣሢ፤ ኔኤኒ ዒዛ ዛሎ" ማርካዲሢ፤ ሓይሾ ዒዚያ ዋኣሢና ማሰካኔ፤ ዓሳ ሲያ ሴካ ዒዛ ባንሢ ዓኣዳኔ» ጌዔኔ።

* **3:13** ጫሪንጫፓ ኬዳ፡- ጋዓዛ «ጫሪንጫይዳ ናንጋ ዓሲ ናዓሢዳፓ ዓታዛ» ጋዓ ሚናኣ ማፃኣፔ ዓኣኔ። **3:14** ፓይ. ማፃ 21፥9። **3:24** ማቴ. 14፥3፤ ማር. 6፥17፤ ሉቃ. 3፥19-20። † **3:25** ፔቴ" ዓይሁዴ ዓሲሰኬያና፡- ጋዓዛ ፔቴ" ፔቴ" ሚናኣ ማፃኣፓ «ፔቴ" ፔቴ" ዓይሁዴ ዓሲና» ጋዓኔ።

9 ዬና ሳማሪያ ዓጮ" ለአሌላ ዬሱሴ ኮራ:- «ኔኤኒ ዓይሁዴ ዓሲታዎ ዋዲ" ታና ሳማሪያ ዓጮ" ለአሌሎ «ዋኣሢ ታና ዑሼ!» ጌይ ያኦጫይ?» ጌዔኔ። ዬያ ዒዛ ጌዔሢ ዓይሁዴ ዓሲና ሳማሪያ ዓጮ" ዓሲናኮ ዋላ" ፔቱሞ ባኣሢሮኬ።

10 ዬሱሴ:- «ጾኦሲ ዒንጋ ባኮና «ዋኣዎ ታና ዑሼ» ኔና ጋዓሢኮ ያኦሞ ኔ ዔሬያ ማዔቲ ዒዛ ሺኢቃኒ ኔና ኮይሳንቲኬ፤ ዒዚያ ኔኤሞ ናንጊ ዋኣሢ ዒንጋንዳያታንቲኬ» ጌዔኔ።

11 ዒዛ ማሃዎ:- «ጎዳሢዮ! ኔኤኮ ዋኣሢ ዱዎ ባኣዚ" ባኣሴ፤ ዋኣዎ ዔታኣ ኮሺ" ዔታዳያኬ፤ ሂዳዎ ናንጎ ዋኣዎ ዓንካፓ ኔ ዴንቃንዳይ? 12 ኔኤኒ ሓያ ኑሞ ዋኣዎ ዔቶ" ዒንጌ፡ ኑ ዓዳሢ፡ ያይቆኦቤይዳፓ ባሼዳ? ዒዛና ዒዛኮ ናኣቶ"ና ዒዛኮ ቆልማኣ ሃኖ ዋኣዎ ዔታፓ ዑሽኬኔ» ጌዔኔ።

13 ዬሱሴ ዒዛሞ ማሃዎ:- «ሓኖ ዋኣዎይዳፓ ዑሽካሢ ቢያ ላሚ ዋኣሢ ዴኤባንዳኔ፤ 14 ታኣኒ ዒንጋ ዋኣዎይዳፓ ዑሽካሢ ናንጊና ፔቲ"ታዎ ዴኤቢንታዓኬ፤ ዓይጎሮ ጌዔቲ ታ ዒንጋ ዋኣዎ ዑሽካ ዓሢዳፓ ናንጊና ናንጊ ዋኣሢ ዓልቃያ ማዓንዳኔ» ጌዔኔ።

15 ለአሌላ:- «ጎዳሢዮ! ሓይፓ ሴካ ዋኣሢ ታና ዴኤቡዋጉዲና ሓይካኣ ታ ዴዓኒ ሙኩዋጉዲ ሓዳራ ታኣሞ ዬኖጉዴ ዋኣዳሎ ዒንጌ» ጌዔኔ።

16 ዬሱሴያ:- «ዴንዲ ኔኤኮ ዓኒ ዔኤሊ" ዔኪ ሙኩ» ጌዔኔ።

17 ለአሌላ:- «ዓኒ ታኣኮ ባኣሴ» ጌይ ማሄኔ፤ ዬሱሴ ጊንሣ ዒዛሞ:- «ዓኒ ታኣኮ ባኣሴ ጌይፃ ኔኤኮ ጎኔኬ፤ 18 ያዲ ማዔቲያ ኔኤኮ ዶንጎ ዓኒንሢ ዓኣኔ፤ ሓሢ ኔኤና ዋላ" ዓኣሢ ኔኤኮ ዓኒቱዋሴ፤ ዬያሮ ኔኤኒ ጎኔ ጌሰቲኔ» ጌዔኔ።

19 ለአሌላ ዒዛሞ:- «ጎዳሢዮ! ኔኤኒ ያኦሲ ማላሢ ከኤዛያታሢ ሓሢ ታ ኔና ዔሬኔ፤ 20 ኑ ዓዶንሢ ሓያ ዴካ"ሢ ዑፃ ካኣሽካኔ፤ ዒንሢ ጋዓንቲ «ዓሲ ዚጊ ካኣሽካኒ ኮይሳሢ ዬሩሳላሜይዳኬ» ጋዓኔ» ጌዔኔ።

21 ዬሱሴ ሃሣ ዒዛሞ:- «ኔ ሓና ለአሌላ ያኦሲ ዓዳሢሞ ሓያ ዴኮ" ዑያይዳ፤ ሃሣ ዬሩሳላሜይዳ ዚጊ ካኣሽከሢ ዛላ ዒንሢ ሜታዲንዱዋ ወዴ ሙካንዳሢ ዔሪታና ጉሙርቁ፤ 22 ዒንሢ ሳማሪያ ዓሳ ዒንሢሮ ዒንሢ ዔሩዋ ያኦሲ ዚጊ ካኣሽካኔ፤ ኑኤኒ ጋዓንቲ ዴቂንታ ዓይሁዴይዳፓ ማዔሢሮ ኑ ዔራ ያኣዛሢ ዚጊ ካኣሽካኔ።

23 ጋዓንቲ ጎኔና ዚጊ ካኣሽካዘንሢ:- ያኦሲ ዓዳሢሞ ዓያና ጌኤሺና ሓሣ ጎኑሞና ዚጊ ካኣሽካንዳ ወዴ ሙካንዳኔ፤ ዬይ ሓሢ ሙኪናኣኮኬ፤ ያኦሲ፡ ዓዳሢያ ኮዓሢ ዬያጉዴ ዚጊ ካኣሽከያኬ።

24 ያኦሲ ዓያናኬ፤ ጎኑሞና ዒዛሞ ዘጊ ካእሽካዞንሢያ ዓያናና ዘጊ ዒዛ ካእሽካንዳያ ኮይሳኔ» ጌዔኔ።

25 ለአሌላኦ፡- «ዓያና ጌኤሽ ካእቱሞሞ ዓርቄ፥ ሜሲሔ ሙካንዳሢ ታ ዔራኔ፤ ዒዚ ሙካን ቢያ ባእዚ" ኑሞ ኬኤዛንዳኔ» ጌዔኔ።

26 ዩሱሴ ዒማ"ና፡- «ሓሢ ሓይ ኔኤና ጌሰታሢ፥ ታ ዒዛኬ» ጌዔኔ።

27 ዩማና ዒዛኮ ጊንያ ሃንታዞንሢ ዴንዴ ቤዛፓ ማዒ ሙካንቴ ዩሱሴ ለአለና ዋላ" ጌሰታሢሮ ዲቃቲ ሄርሼኔ፤ ማዕቶሞ፡- «ኔኤኒ ዔናኦሬ፥ ዓይጎ ኮዓይ? ሓሢ ዒዛና ዋላ" ኔ ዓይጋ ጌሰታይ?» ጌዒ ያኦጩ ዓሲ ባኦሴ።

28 ዩካፓ ለአሌላ ዋኦያ ዴዓኒ ዔኪ ሙኬ ጉዞ ሓሺ"፥ ካታሞ ዴንዲ ዓሰሞ፡- 29 «ታ ማዴ ባኮ ቢያ ታኦሞ ኬኤዜ ዓሲሰኬያ ሃኒ ሙኪ ዛጉዋቲ! ጎንጉቴ ዒዚ ሜሲሔ ማዓንዳሞ?» ጌዔኔ። 30 ዩያሮ ዓሳ ካታማ"ፓ ኬሰኪ ዩሱሴ ዓኦ ቤዞ ባንሢ ዴንዴ።

31 ዒማ"ና ዒዛኮ ጊንያ ሃንታ ናኦታ" ዩሱሴ ኮራ፡- «ዔርዛሢያ! ካሦ ሙዔ» ጌይ ዒዛ ሽኢቄኔ።

32 ዒዚ ጋዓንቴ፡- «ዒንሢ ዔራሞያ፥ ታኦኒ ሙዓ ሙኡዚ" ታኦኮ ዓኦኔ» ዔያቶሞ ጌዔኔ።

33 ዩያሮ ዒዛኮ ጊንያ ሓንታዞንሢ፡- «ዓሲ ዒዛሞ ሙኡዚ" ዔኪ ሙኬያናንዳሞ?» ዋሊ ኮይላ" ጌዔኔ።

34 ዩሱሴ ዔያቶሞ፡- «ታኦኮ ሙዓ ታና ዴኬሢኮ ዓይሢያ ኩንሥሢና ማዶ"ዋ ማዲሢኬ። 35 ዒንሢ፡- «ሓጊ ያይዶ ዓጊኒ ዓቲ"ኔ፤ ዩካፓ ማኦሊ" ቡሪንታንዳኔ» ጋዓያቲዋይ? ታ ሓሢ ዒንሢሞ ሂንዳ ዴ"ግ ጌይጋፓ ማኦላ" ሃሢ ቡሪሢሞ ሄሊ"ሢ ዛጉዋቲ፤ ጋዓኔ። 36 ማኦሎ" ቡራሢ ዒ ማኦሎ" ቡራሢ ዛሎ" ዔካንዳኔ፤ ናንጊና ናንጊሞ ማዓ ዓኦፒያ ቡኩሳንዳኔ፤ ዩያሮ ዜርቃሢያ፥ ማኦሎ" ቡራሢያ ዋላ" ዋዛዳንዳኔ። 37 ዩያ ጎይያና «ፔቲ"ይ ዜርቃኔ፥ ሜሊ"ሢ ሃሢ ማኦሎ" ቡራኔ» ጌይንቴ ማላታ ጎኔኬ። 38 ዒንሢ ላቢ"ባኦ ማኦሊ" ቡራንዳጉዲ ታ ዒንሢ ዳኬኔ፤ ሜሊ" ዓሳ ማዶ"ና ላቤ"ኔ፤ ዒንሢ ጋዓንቴ ዔያቶኮ ላቢ"ያ ዓኦፖ ቡኩሲ ዔኬኔ» ጌዔኔ።

39 ለአሌላ፡- «ታ ማዴ ባኮ ቢያ ታኦሞ ኬኤዜኔ» ጌዒ ዒዛ ማርካዴሢሮ ዩኖ ካታሜሎይዳ ሚርጌ ሳማሪያ ዓጪ ዓሲ ዩሱሴ ጉሙርቄኔ። 40 ዩያሮ ሳማሪያ ዓጪ" ዓሳ ዒዛ ኮራ ሙካን ዔያቶና ዋላ" ዒ ዴዓንዳጉዲ ዒዛ ሽኢቃዛ፥ ዒዚያ ላሞያ ኬሊ" ዒኢካ ጌኤቄኔ።

41 ዲ ኬኤዛ ቃኣሎ" ዛሎ"ና ሜሌ" ሚርጌ ዓሲ ዲዛ ጉሙርቄኔ።
42 ዓሳ ላኣሌሎም፡- «ዓካሪ ኦኡኒ ዲዛ ጉሙርቄሢ ኔኤኒ ኦም ኬኤዛ ቃኣሎ"ና ሌሊቱዋንቴ ኦ ኦ ቶኦኪና ዋይዜሢሮና ጎኔና ዲዚ ዓጮ" ጳቂሻያ ማዔሢ ኦ ዔሬሢሮኬ» ጌዔኔ።

በታንቶ ዓኣ ፔቴ" ዓሲሰኬያኮ ናይሰኬያ ዩሱሴ ፓሣሢ

43 ዩሱሴ ሳማሪያይዳ ላምዖ ኬሊ" ፔኤቁሰካፓ ጌሊላ ዓኣዴኔ።
44 ዲዚ ፔ ቶኦኪና፡- «ዖኦሲ ማለሢ ኬኤዛ ዓሲ ፔ ዓጮ"ይዳ ቦንቹንቴዋሴ» ጌይ ቤርታ ኬኤዛኔ። 45 ጋዓንቴ ጌሊላ ዓጮ" ዲ ዴንዳዛ ጌሊላ ዓሳ ኮሺና ዲዛ ሾኦቹንሢ ዔኬኔ፤ ዓይጎሮ ጌዔቴ ዓይሁዳኮ ዑሣ ዓኣዲዖ ቦንቹ ኬሎ"ና ዩሩሳላሜ ዴንዲ ዲዚ ዲኢካ ማዴ ባኮ ቢያ ዔያታ ዛጌሢሮኬ።

46 ዩካፓ ዩሱሴ ዋኣዖ ጫርሺ ዑሺ ማሄ ቤዛ፡ ጌሊላ ዓጮ"ይዳ ዓኣ፡ ቃና ካታሜሎ ላሚ ዴንዴኔ፤ ዲማ"ና ቂፒርናሆሜይዳ ፔቴ" ናይ ሃርጊንቴ፡ ካኣቲ ማኣራ ፑኡፒ ማዒ ማዳ ዓሲሰኬይ ዓኣኔ።

47 ዲዚያ ዩሱሴ ዩሁዳ ዓጮ"ፓ ጌሊላ ሙኬሢ ዋይዛዖ ዩሱሴ ባንሢ ቂፒርናሆሜ ሙኪ ኮሺ" ሓርጊንቴ ሃይቃኒ ዑኬ ዲዛኮ ናይሰኬያ ፓሣንዳጉዲ ዩሱሴ ሸኢቄኔ። 48 ዩሱሴያ፡- «ዲንሢ ዖኦሲ ዋልቄና ማዲንታ ዓኮ ባኮና ማላታና ዛጊባኦታቶ ፔቴ"ታዖ ጉሙርቄዋያቲ!» ዲዛም ጌዔኔ።

49 ዩይ ፑኡፖ ዓሣሢ፡- «ጎዳሢዮ! ታኣኮ ናዓሢ ሓይቁዋንቴ ሃዳራ ዑከና ሄሌ"» ዲዛም ጌዔኔ።

50 ዩሱሴ ዲዛም፡- «ኔ ማኣሪ ዴንዴ፤ ናዓ ኔኤኮ ፖዔኔ» ጋዓዛ፡ ዓሢ ዩሱሴ ኬኤዛ ቃኣሎ" ጉሙርቄ ማኣሪ ዴንዴኔ። 51 ዲ ማኣሪ ዴንዳንቴ ዲዛኮ ማዳ ዓሳ ጎይፃ ዲዛና ካኣማዖ፡- «ናዓ ኔኤኮ ፖዔኔ» ጌይ ኬኤዛኔ።

52 ዲዚያ ናማ ኮሺ ማዔ ዋዶ" ዖኦጫዛ፡ ዔያታ፡- «ዚጊኖ ዓባ" ሳዛፓ ሺራኣና ቆሣ ሸሜኔ» ጌዔኔ። 53 ዓዳሢያ፡- «ናዓ ኔኤኮ ፖዔኔ» ዩሱሴ ጌዔሢ ዲማ" ዋዶ" ማዔሢ ዔሬኔ፤ ዩያሮ ዩኖ ኬሎ"ይዳፓ ዓርቃዖ ዲዛንታ ዲዛኮ ማኣሮ ዓሳኣ ቢያ ዩሱሴ ጉሙርቄኔ።

54 ዩይ ዖኦሲ ዋልቄና ማዲንቴ ዓኮ ባካ ዩሱሴ ዩሁዳይዳፓ ጌሊላ ሙካዖ ማዴ ላምዓሳ ዓኮ ባኮኬ።

5

ዩሱሴ ፔቴ" ዋቦ ዓሢ ፓሣሢ

1 ዩካፓ ዓይሁደኮ ቦንሾ ኬሎ" ማዕሢር ዩሱሴ ዩሩሳላሜ ደንዴኔ። 2 ዩሩሳላሜይዳ ማራታ ጌላ ካሮ" ዓጮ፥ ዔብሬ ዓሶ ሙኡቸና ቤኤቴ ዛኣታ* ጌይንታ ፔቴ" ዴዔ ዋኣሢ ዓኣንቴ ዒዞ ቤዛ ደንጎ ጎይሢ ዋላ" ካኣማኔ። 3 ሚርጌ ሃርጊንቴ ዓሲ፥ ዓኣፒ ባይቄ ዓሲ፥ ዋሶ ዓሲ ሐሣ ሃንታኒ ዳንዳዑዋ ዋሶ ዓሲ ዩንሢ ጎይፆንሢ ካኣማ ካራ" ላሂ፥ [ዋኣፆ ዓጊፆንዳያ ሄላ"ንዳኣና ካፓኔ፤ 4 ፔቴ" ፔቴ"ና ጎዳኮ ኪኢታንቻሢ ዴዔ ዋኣፆሎ ኬዲ" ዓጊሣኔ፤ ዋኣፆ ዓጊፆኣና ቤርታዲ ዋኣፆይዳ ጌላሢ ፔኤኮ ዓኣ፥ ዓይጎ ዶርዶይዳፓ ቢያ ፖፖዓኔ።] 5 ዒኢካ ሃይሢታሚ" ሳሊ" ለዔ ጉቤ ሐርጊንቴ፥ ፔቴ" ዓሲሰኬይ ዓኣኔ። 6 ዩሱሴ ዩይ ዓሢ ዒኢካ ላሂ ዓኣንቴ ዛጋዖ፥ ሚርጌ ዋይይዳፓ ዓርቂ ሃርጊንቴያታሢ ዔራ፡- «ፖዓኒ ኔ ኮዓ» ጌዔኔ።

7 ሐርጊንቴ ዓሢ፡- «ጎዳሢዮ! ዋኣፆ ዓጊፆኣና ታና ዔኪ ዋኣፆሎይዳ ጌልዛ ዓሲ ባኣሴ፤ ታኣኒ ጌላንዳኔ ጋዓኣና ሜሌ"ሢ ታና ቢሪ ኬዳ"ኔ» ጌዔኔ።

8 ዩሱሴያ፡- «ዔቂፓፓ ኔና ኬዲ ዔኪ ሙኮና ሃላሢ ኬዲ ዔኪ ደንዴ» ዒዛሞ ጋዓዛ፤ 9 ዓሢ ቤዛማና ፖዓዖ ሃላሢ ኬዲ ደንዴኔ። ዩይ ያዲ ማዕሢር ዓይሁደ ዓሶኮ ሃውሾ ኬሎ"ናኬ፤ 10 ዩያር ዓይሁደ ዓሶ ዋይሢ ዓሳ ዩያ ፖዔ ዓሢ ኮራ፡- «ሃኖ" ሃውሾ ኬሎ"ታሢር ኔኤኮ ሃላሢ ኔ ኬዳንዳጉዲ ዋፓ" ዓይሡዋሴ» ጌዔኔ።

11 ዒዚ ጋዓንቴ፡- «ታና ፖዒሴ ዓሢ ኔኤኮ ሃላሢ ኬዲ ዔኪ ዓኣዴ» ታኣሞ ጌዔኔ» ጌይ ዔያቶሞ ኬኤዜኔ።

12 ዔያታ ማሃዮ፡- «ሃላሢ ኔኤኮ ኬዲ ዓኣዴ ኔና ጌዔሢ ያናዳይ?» ጌይ ዒዛ ያኣጩኔ።

13 ዩሱሴ ዩኖ ቤዛፓ ዴሮ" ባኣኮ" ዓኣዴሢር ዒዛ ፖዒሴሢ ያና ማዕቴያ ዒ ዔሪባኣሴ።

14 ዩካፓ ዩሱሴ ዓሢ ጌኤዢ" ማኣርይዳ ዴንቃዮ፡- «ሃይሾ ኔ ፖዔኔ! ሐያይዳፓ ባሽ ባኣዚ" ኔና ሄሎ"ዋጉዲ ሃካፓ ሴካ ጎሜ ማዲፖ"» ጌዔኔ።

15 ዓሢ ዓኣዳዖ ዒዛ ፖዒሴሢ ዩሱሴ ማዕሢር ዓይሁደኮ ዋይሢ ዓሶሞ ኬኤዜኔ። 16 ዩያ ባኮ ሃውሾ ኬሎ"ና ማዴሢር ዓይሁደኮ ዋይሢ ዓሳ ዩሱሴ ዒዲ ኬሚሢ ዓርቂኔ። 17 ዩሱሴ ጋዓንቴ፡- «ታ ዓዴ ቢያ ኬሊ" ማዳኔ፤ ታኣኒያ ሃሣ ማዳኔ» ጌይ ዔያቶሞ ማሄኔ።

* 5:2 ቤኤቴ ዛኣታ፡- ጋዓዛ ፔቴ" ፔቴ" ሚናኣ ማፃኣፓ «ቤኤቴሳይዳ» ሃሣ ገንሣ «ቤኤቴሂሲዳ» ጋዓኔ፤ ዓኮ ቡሊ"ዮ ማፃኣፓይዳ ጋዓንቴ «ቤኤቴ ዛኣታ» ጌይንቴ። ዩኖኮ ቡሊ"ዮ፡- «ዓቶሞ ጎዖ ማኣሪ» ጌይሢኬ። 5:10 ኔሄ. 13፥19፤ ዔር. 17፥21።

18 ዓካሪ ዓይሁዶስ ዋይሣ ዓሳ ዒዚ ሃውሾ ኬሎ"ና ማዶ ማዶሢር ሌሊቱዋንቴ፡- «የኦሲ ታኣኮ ዓዶኬ» ጌይ ፔና ያኦሲና ዋላ" ሄኮ ማሄሢር ባሼና ዒዛ ዋዳኒ ኮዔኔ።

የኦሲ ናዓሢኮ ዓኣ ቢታንቶ

19 ዬሱሴ ዔያቶም፡- «ጎኔ ታ ዒንሢሞ ጋዓኔ፤ ዓዴ ማዳንቴ ዛጌሢ ማዳሢዳፓ ዓታዛ ናዓሢ ፔ ቢታንቶና ዓይጎ ባኣዚ"ያ ማዳቀሴ። ዓዴ ማዳ ባኮ ናዓሢያ ዬያጉዲ ማዳኔ። 20 ዓዴ ፔኤኮ ናዓሢ ናሽካሢር ዒ ማዳ ባኮ ቢያ ዒዛ ጳዋኔ፤ ዒንሢ ሄርሺ ዲቃታንዳጉዲ ሓያይዳፓ ባሼ ማዶዋ ዒዛ ጳዋንዳኔ። 21 ዓዴ፡ ሓይቄዘንሢ ዔቁሳሢና ሽምፖ ዔያቶም ዒንጋሢጉዲ ናዓሢያ ኮዔ ዓሲም ሽምፖ ዒንጋኔ። 22 ዓዴ የ ዑያይዳኣ ዋጉዋሴ፤ ጋዓንቴ ዋጊያ ቢታንቶ ቢያ ናዓሢም ዒንጌኔ። 23 ዬያ ዒ ማዶሢ ዓሳ ቢያ ዓዶ ቦንቺ ናዓሢያ ቦንቻንዳጉዲኬ። ናዓሢ ቦንቻዋኣሢ ናዓሢ ዳኬ፤ ዓዶዋ ቦንቻዓኬ» ጌዔኔ።

24 ዬሱሴ ሃሣ፡- «ጎኔ ታ ዒንሢሞ ጋዓኔ፤ ታኣኮ ቃኣሎ" ዋይዛሢና ታና ዳኬሢያ ጉሙርቃሢኮ ናንጊና ናንጊ ዓኣኔ፤ ዒዚያ ሃይቢይዳፓ ናንጊ ባንሢ ፔንቄያፓዓቲም ናንጊና ሜታዳንዳጉዲ ዋጊንታዓኬ። 25 ጎኔ ታ ዒንሢሞ ጋዓኔ፤ ሃይቄ ዓሳ ያኦሲኮ ናዓሢ ዑኡዘ ዋይዛንዳ ዋዴ ሙካንዳኔ፤ ዬና ዋዳ"ኣ ሃሢኬ፤ ዋይዛዘንሢያ ቢያ ሽምፔና ናንጋንዳኔ። 26 ዓይጎር ጌዔቴ ዓዴ ፔ ቶኦኪና ሽምፖ ዒንጋያ ማዔሢጉዲ ናዓሢያ ሽምፖ ዒንጋያ ማዓንዳጉዲ ማሄኔ። 27 ናዓሢ ዓሲ ናይ ማዔሢርዋ ዋጌ ዒ ዋጋንዳጉዲ ቢታንቶ ዒዛም ዒንጊንቴኔ። 28 ዬያ ባኮ ዲቃቲ ሄርሺፖቴ! ዓይጎር ጌዔቴ ሓይቄ ዓሳኣ ቢያ ያኦሲኮ ዑኡዘ ዋይዛ ዋዴ ሙካንዳኔ። 29 ኮሺ ማዴዘንሢ ሓይቦ"ይዳፓ ዔቁ፤ ሽምፔና ናንጋንዳኔ፤ ፑርታ ማዴዘንሢ ጋዓንቴ ሓይቦ"ይዳፓ ዔቁ፤ ሜታዳንዳጉዲ ዋጊንታንዳኔ» ጌዔኔ።

30 ዬሱሴ ሃሣ፡- «ታኣኒ ታ ቢታንቶና ዓይጎ ባኣዚ"ያ ማዳኒ ዳንዳዑዋሴ፤ ጋዓንቴ ታ ዓዶይዳፓ ታ ዋይዜሢ ዋጋኔ፤ ታና ዳኬሢኮ ማሊያ ማዓንዳኣፓዓቲም ታ ማሊያ ታ ኩንሡዋኣሢር ዋጋ" ታኣኮ ፒዜኬ።

31 «ታኣኒ ታኣር ታ ዛሎ" ማርካዴቴ፤ ማርካዴፃ ታኣሲ" ጎኔቱዋሴ» ጌዔኔ።

ዬሱሴ ዛሎ" ማርካዴ ዓሶ

32 «ሃሣ ዬሱሴ ታኣም ማርካዴይ ሜሌ" ዓኣኔ፤ ዒዚ ታ ዛሎ" ማርካዴ ማርካታ ጎኔ ማዔሢ ታ ዔራኔ። 33 ዒንሢ ዮሐንስ

ባንሢ ዓሲ ዳኬያና ዓዚ ጎኔ ማርካዴ። 34 ሐያ ታ ጋዓሢ
 ዓንሢ ደቃንዳጉዲ ማዓንዳጎታቸውም ታኣም ዓሲ ማርካዳንዳያ
 ኮይሳሢርቱዋሴ። 35 የሐኪሴ ዓኤታያ ሃሣ ፖዓ ፖዒ ጉዴያኬ፤
 ዓንሢያ ዳካ" ዋዴሮ ዓዛ ፖያና ዋዛዳኒ ኮዔ። 36 ታኣኮ ጋዓንቲ
 የሐኪሴ ማርካዴሢዳጎ ባሼ ማርካ ዓኣ፤ ታኣኮ ማርካ" ታ ዓዴ
 ታ ማዳንዳጉዲ ዓንጌ ማዶ"ኬ፤ ዬይ ታ ማዶ ማዶ" ዓዴ ታና
 ዳኬያ ማዒያ ዛሎ" ማርካዳ። 37 ታና ዳኬ ዓዴ ፔ ቶኦኪና
 ታ ዛሎ" ማርካዴ፤ ዓንሢ ጋዓንቲ ዓዛኮ ዑኡዞ ፔቲ"ታየ
 ዋይዚባኣሴ፤ ሃሣ ዓዛ ዓንሢ ዛገባኣሴ። 38 ዓዚ ዳኬሢ ዓንሢ
 ጉሙርቂባኣሢር ዓዛኮ ቃኣላ" ዓንሢኮ ዓና" ዴዓዓኬ። 39 ዓንሢ፡
 ጌኤዡ ማፃኣፖይዳጎ ናንገና ናንገ ዴንቃንዳያ ዓንሢም ማላሢር
 ዬያ ማሢ ማሢ ዓንሢ ዛጋ፤ ዬያታ ታ ዛሎ" ማርካዳዘንሢ።
 40 ዬይ ያዲ ማዔቲያ ዓንሢ ሸምፖ ዴንቃኒ ታ ባንሢ ሙካኒ
 ኮዑዋሴ» ጌዔ።

41 ዬሱሴ ሃሣ፡- «ታኣኒ ቦንቾ ዓሲዳጎ ኮዑዋሴ። 42 ጋዓንቲ
 ዓንሢ ዋዚጉዴ ዓሲታቲያ ታ ዓንሢ ዓራ፤ ያኦሲ ናሹሞዋ ዓንሢኮ
 ዓና" ባኣያ ማዔሢ ታ ዓራ። 43 ታኣኒ ታ ዓዶ ሱንያና ሙኬ፤
 ዓንሢ ጋዓንቲ ታና ጎኔኬ ጌይ ዓከባኣሴ፤ ሜሌ" ፔ ሱንሢና
 ሙኬቲ ጋዓንቲ ዓንሢ ዬያ ጎኔኬ ጌይ ዓዔካንዳ። 44 ዓንሢ
 ሴካና ሃንጎና ዋሊ ቦንቾ ዓሳ፤ ፔቲ" ያኣዛሢዳጎ ጴዳ ቦንቾ ጋዓንቲ
 ኮዑዋ ዓሳ፤ ዋዴ" ታና ዓንሢ ጉሙርቃኒ ዳንዳዓይ? 45 ታ
 ዓንሢ ታ ዓዶ ቤርታ ዋጎና ዓይሢሳንዳያ ዓንሢም ማሎጎ፤ ዓንሢ
 ዋጎና ዓይሢሳንዳሢ ዓንሢ ዓዛ ጉሙርቃ ሙሴኬ። 46 ሙሴ
 ዓንሢ ጉሙርቃያ ማዔያታቲ ዓዚ ታ ዛሎ" ፃኣፔያታሢር ታናኣ
 ዓንሢ ጉሙርቂያናንዳ። 47 ዓዚ ፃኣፔሢ ዓንሢ ጉሙርቂባኣቲ ታ
 ኬኤዛሢ ዓንሢ ዋይቲ ጉሙርቂ ዓካንዳይ?» ጌዔ።

6

ዬሱሴ ዶንጎ ሺዮ ዓሶ ሙኡዜሢ

(ማቴ. 14፡13-21፤ ማር. 6፡30-44፤ ሉቃ. 9፡10-17)

1 ዬካፓ ዬሱሴ ዒብራዶሴ ጌይንታ ጌሊላ ባዞ" ሱኮ ፒንቄ።
 2 ሚርጌ ዓሳ ዬሱሴ ሃርጊንቲ ዓሶ ፖዒሢሢርና ያኦሲ ዋልቆና
 ማዶንታ ዓኮ ባኮ ማዴም ዛጌሢር ዓዛ ጊንያ ሙኬ። 3 ዬሱሴ
 ሌካ ዳኮ" ኬሰካየ ዓኢካ ዓዛኮ ጊንያ ሃንታዘንሢና ዋላ" ዴዔ።
 4 ዒማ"ና ዓይሁዶ ዓሶኮ ዑሣ ዓኣዲያ ቦንቾ ኬላ" ዑኬ።

5 ዬሱሴ ሚርጌ ዳሬ ዒዛ ባንሢ ሙካሢ ዳግ ጌይ ዛጋዖ፡ ፒልጶሴ ኮራ፡ «ሐያ ቢያ ዓሶም ጊዳንዳ ሙኡዚ" ዓንካገ ኑ ሻንቃንዳይ?» ጌዔኔ። 6 ዬሱሴ ዬያ ጌዔሢ ፒልጶሴ ዋዚ ጋዓቴያ ዋይዛኒ ማዓንዳኣገዓቴም ዒ ማዳንዳ ባኮ ፔ ቶኦኪና ዔዔራያኬ።

7 ፒልጶሴያ፡- «ፔቴ" ፔቴ"ሢም ዳካ" ዳካ" ቡንዲሢታዖ ዒንጊንታንዳጉዲ ፔቴ" ዓሲ ላምዖ ያኤታ ኬሊ" ማዳም ዒንጊንታንዳ ሚኢሹጉዴያና ካሣ ዔያቶም ሻንቆናቴያ ጊዳዓኬ» ጌይ ዒዛም ማሄኔ።

8 ዒዛኮ ጊንዖ ሓንታ ናኣቶ"ይዳገ ፔቴ"፤ ሲሞኦኔ ጌይንታ ጸደርሴኮ ጌርሲ፡ ዒንዲራሴ፡- 9 «ዶንጎ ዔልዓ ካሣና ላምዖ ሞሎና ዓኣ፡ ፔቴ" ናይሰኬይ ሃካ ዓኣኔ፤ ጋዓንቴ ዬንሢ ሃያ ቢያ ዴር"ም ዓይጎ ማዓንዳይ?» ጌዔኔ።

10 ዬሱሴ፡- «ዓሶ ዴይሡዋቴ» ዔያቶም ጌዔኔ። ዬኖ ቤዛ ቡጩታሢሮ ዓሳ ዴዔኔ፤ ዒኢካ ዓኣ፡ ዓቴንቆ ዓሶኮ ፓይዳ" ዶንጎ ሺያ ማዓያኬ። 11 ዬካገ ዬሱሴ ካሦ ዔካዖ ጋላቴ፡ ዴዔ ዓሶም ዒንጋንዳጉዲ ፔኤኮ ጊንዖ ሃንታ ናኣቶ"ም ዒንጌኔ። ዬያጉዲ ሞላሢያ ሃሣ ዒዛ ጎይዖ ዒንጌም ቢያሢ ኮይሳሢጉዴያ ሙዔኔ። 12 ቢያሢ ሙይ ሚሽኬሰካገ ዬሱሴ ጊንዖ ሃንታዘንሢም፡- «ፔቴ"ታዖ ዲኢኒ ዓቴዋጉዲ ዶንቦ ቡኩሶዋቴ» ጌዔኔ። 13 ዔያታኣ ዓሳ ሙዒ ሚሽኬ፡ ዶንጎ ካሦ ዶንቦ ቡኩሶ ታጾ ላምዖ ዴኤፒ ሌማቴ ኩንሢኔ።

14 ዓሳ ዬሱሴ ዖኦሲ ዋልቄና ማዳንታ ዓኮ ባኮ ማዴሢ ዛጋዖ፡ «ጎኔና ሓይ፡ ዓጮ" ሙካንዳኔ ጌይንቴ፤ ዖኦሲ ማሊዖ ኬኤዛሢኬ» ጌዔኔ። 15 ዒማ"ና ዓሳ ዋልቄና ዓርቂ ዒዛ ካኣታሳኒ ማላሢ ዔራዖ ዬሱሴ ዓሶገ ዴማዲ፡ ፔኤር ጌሜሪ ባንሢ ዓኣዴኔ።

ዮሱሴ ባዘ"ይዳ ሓንቴሢ
(ማቴ. 14፡22-33፤ ማር. 6፡45-52)

16 ሳዓ ዓማ"ዘ ዒዛኮ ጊንዖ ሓንታዘንሢ ጌሊላ ባዘ" ባንሢ ኬዴ"ኔ፤ 17 ዬካገ ዋኣዖና ፒንቆ ጎንጎ ቶጌ፡ ቂፒርናሆሜ ባንሢ ዓኣዲሢ ዓርቂኔ፤ ዬማና ሳዓ ዓማ"ንቴ ዬሱሴ ሃጊ ዔያቶ ኮራ ሙኪባኣሴ። 18 ዒማ"ና ዴኤፒ ጉዶ ዠባሬ ዠባርሻሢሮ ባዘ" ዋኣዖ ዓገፃኔ። 19 ዬሱሴኮ ጊንዖ ሃንታ ናኣታ" ዶንጎ ሃሣ ላሆ" ሺያ ታኣኪሢ ማዓንዳያ ዋኣዖ ጊዶ" ጎንጎ ዔኪ ዓኣዴሰካገ ዬሱሴ ባዘ" ዑዖይዳ ቶኪና ሃንቴ ሃንቴ ዔያቶ ባንሢ ሙካሢ ዛጋዖ ዔያታ ዲቃቴ ዒጊጩኔ። 20 ዒዚ ጋዓንቴ፡- «ታናኬ! ዒጊጩፖቴ!» ጌዔኔ። 21 ዔያታ ዋዛዲ፡ ዋኣዖና ፒንቆ ጎንጎ ጋር ዒዛ ዔኪ ጌልዛዛ ቤዘማና ዋኣዖና ፒንቆ ጎንጌላ ዔያታ ዓኣዲ ቤዘ ሄሌ"ኔ።

22 ዚሮ ጉቴ"ሎ ባዘ"ኮ ሶ ሱኮ"ይዳ ዓቴ" ዓሳ ባዘ"ይዳ ፔቴ" ዋኦያና ፒንቆ ጎንጊ ዓሳንቴ ዛጌኔ፤ ዩሱሴኮ ጊንያ ሃንታ ናኣታ" ፔኤሮ ዴንዴሢና ዩሱሴ ዔያቶና ዋላ" ዋኦያና ፒንቆ ጎንጊ ጋሮ ጌሊባኣሢ ዔሬኔ። 23 ጋዓንቴ ሜሊ" ዋኣሢና ፒንቆ ጎንጊ ዲብራዶሴፓ ዔቂ ዩሱሴ ያኦሲ ጋላቲ ዳሮ" ካሦ ሙኡዜ ቤዘ ሙኬኔ። 24 ዴራ" ዩሱሴ ማዕቴያ ዒዛኮ ጊንያ ሃንታዞንሢ ዒኣካ ባኣሢ ዛጋያ ዩንሢ ዋኦያና ፒንቆ ጎንጊሢ ቶጊ ዩሱሴ ኮዒ፥ ቂፒርናሆሜ ዓኣዴኔ።

ዩሱሴኮ ሽምፖ ካሣ ማዒያ

25 ባዘ"ኮ ሱኮ"ይዳ ዒዛ ዔያታ ዴንቃያ፡- «ዔርዛሢያ! ሓይካ ኔ ዋዳኣ ዋዳ ሙኬይ?» ጌዔኔ።

26 ዩሱሴ ዔያቶም፡- «ጎኔ ታ ዒንሢሞ ጋዓኔ፤ ዒንሢ ታና ኮዓሢ ካሦ ሙይ ሚሽኬሢሮ ማዓንዳኣፓዓቴም ያኦሲ ዋልቆና ማዲንቴ ዓኮ ባኮ ዛጌሢሮቴዋሴ። 27 ባይቃ ካሣም ማዲፖቴ፤ ባሼና ዓሲ ናዓሢ ዒንሢሞ ዒንጋ፥ ናንጊና ናንጊ ሽምፖም ማዓንዳ ካሦም ማዲፖቴ፤ ያኦሲ፥ ዓዳሢ ፔኤኮ ናዓሢ' ዒዛሮ ማዔሢ ዔርዛ ማላቶ ዒዛይዳ ዓይሢኔ» ጌዔኔ።

28 ዓሳኣ፡- «ሂዳዎ ኑኡኒ ያኦሲ ማዶ" ማዲኒ ዓይጎ ማዲንዳያ ኑና ኮይሳይ» ጌዔኔ።

29 ዩሱሴ፡- «ዒንሢ ማዲንዳጉዲ ያኦሲ ኮዓ ማዶ" ዒዚ ዳኬሢ ጉሙርቂ ዔከሢኬ» ጌይ ዔያቶም ማሄኔ።

30 ዔያታ ዒዛ ኮራ፡- «ኑኡኒ ዛጊ ኔና ጉሙርቂ ዔካንዳጉዲ ዓይጎ ያኦሲ ዋልቁና ማዲንታ ዓከ ባኣዚ" ኔ ዳዋንዳይ? ሃሣ ዓይጎ ኔ ማዲንዳይ? 31 <ዔያታ ሙዓንዳጉዲ ጫሪንጫፓ ካሣ ዔያቶም ዒንጌ» ጌይንቲ ፃኣፒንቴሢጉዲ ኑኡኮ ዓዶንሢ ዓሲ ናንጉዋ ዳውሎ"ይዳ ማና" ጌይንታ ካሦ ሙዔኔ» ጌዔኔ።

32 ዒማ"ና ዩሱሴ ዔያቶም፡- «ጎኔ ታ ዒንሢሞ ጋዓኔ፤ ጫሪንጫፓ ኬዴ" ካሦ ዒንሢሞ ዒንጌሢ ሙሴቴዋሴ፤ ጎኑም ካሦ ጫሪንጫፓ ዒንሢሞ ዒንጋሢ ታኣኮ ዓዳሢኬ፤ 33 ዒዚ ዒንጋ ካሣ ጫሪንጫፓ ኬዳ"ያ ሓሣ ዓጪም ሽምፖ ዒንጋያኬ» ጋዓዛ፥ 34 ዓሳ፡- «ጎዳሢያ! ዩያጉዴ ካሦ ቢያ ዋዴ ኑም ዒንጌ» ጌዔኔ።

35 ዩሱሴ ዔያቶም፡- «ሽምፖኮ ካሣ ታናኬ፤ ታ ኮራ ሙካሢ ፔቴ"ታያ ናይዲንታዓኬ፤ ታና ጉሙርቂ ዔካሢያ ፔቴ"ታያ ዴኤቢንታዓኬ፤ 36 ዒንሢ ጋዓንቴ ታና ዛጌያታያ ጉሙርቂ ዔከባኣሢሮ ታ ዒንሢሞ ሃያ ጋዓኔ። 37 ዓዴ ታኣም ዒንጋሢ ቢያ ሃንጋ ታ ባንሢ ሙካንዳኔ፤ ሃንጋ ታ ባንሢ ሙካሢያ ሴካ ዙሎ" ታ ኬሳ"ዓኬ። 38 ዓይጎሮ ጌዔቴ ታኣኒ ጫሪንጫይዳፓ

ኬዴ"ሢ ታና ዳኬሢኮ ማሊያ ኩንሢኒ ማዓንዳኣፓዓቲም ታ ማሊያ ኩንሢኒቱዋሴ። 39 ታና ዳኬሢኮ ማሊያ፡- ዒ ታኣም ዒንጌዘንሢዳፓ ቢያ ፔቲ"ታኣ ባይዙዋ? ጋፒንያ ኬሎ"ና ናንጊና ናንጊ ሼምፖ ዴንቃንዳጉዲ ሓይቢፓ ታ ዒያቶ ዒቂሳንዳኔ። 40 ሂዮ፤ ታ ዓዳሢኮ ማሊያ ናዓሢ ዘገ ዒዛ ጉሙርቂ ዒኬሢ ቢያ ናንጊና ናንጊ ሼምፖ ዴንቃንዳጉዲ ኬ፤ ታኣኒያ ጋፒንያ ኬሎ"ና ዒዛ ናንጊና ናንጊ ሼምፖ ዴንቃንዳጉዲ ሓይቢፓ ዒቂሳንዳኔ» ጌዒኔ።

41 ዬሱሴ፡- «ጫሪንጮይዳፓ ኬዴ" ካሣ ታናኬ» ጌዒሢሮ ዓይሁዶ ዓሳ ዒዛ ዑፃ ጉንዲሚሢ ዓርቄ። 42 ዒያታ ዒዛ፡- «ሓይ ዮሴፔ ናዓሢ፤ ዬሱሴቱዋዓዳ? ዓዶና ዒንዶና ዒዛኮ ኦ ራራዘንሢቱዋዓዳ? ሂዳፖ ሃሢ ዒዚ «ጫሪንካፓ ታ ኬዴ"ኔ» ዋይቲ ጋዓይ?» ጌዒኔ።

43 ዬሱሴ ዒያቶም ማሃፖ ታ ዛሎ" ዋላ" ጉንዲሚፖቴ፤ 44 ታና ዳኬ፤ ዓዴ ዒኪ ሙኪባኣ ዓሲ ማዒቲ ታ ባንሢ ሙካኒ ዳንዳዓ ዓሲ ያኣኒያ ባኣሴ፤ ሃንጋ ታ ባንሢ ሙካሢያ ጋፒንያ ኬሎ"ና ናንጊና ናንጊ ዴንቃንዳጉዲ ሃይቢዳፓ ታ ዒቂሳንዳኔ። 45 ያኣሲ ማሊያ ኬኤዛ ዓሲ ማፃኣፖይዳ፡- «ዓሳ ቢያ ያኣሲዳፓ ዒሬያ ማዓንዳኔ» ጌይንቲ ፃኣፒንቴኔ፤ ዬያሮ ዓዶይዳፓ ዋይዚ ዒሬሢ ቢያ ሃንጋ ታ ባንሢ ሙካንዳኔ። 46 ዬይያዲ ማዓዛ ዓዶ ዛጌ ዓሲ ዓኣኔ ጌይሢቱዋሴ። ዓዶ ዛጌሢ ያኣሲ ኮራፓ ሙኬሢ ሌሊኬ። 47 ጎኔ ታ ዒንሢም ጋዓኔ፤ ታና ጉሙርቂ ዒካሢኮ ናንጊና ናንጊ ዓኣኔ። 48 ታኣኒ ሼምፖኮ ካሣኬ፤ 49 ዒንሢኮ ዓዶንሢ ዓሲ ናንጉዋ ዳውሎ"ይዳ ማና" ጌይንታ ካፃ ሙዒኔ፤ ጋዓንቲ ዒያታ ሃይቄኔ፤ 50 ጫሪንጮይዳፓ ኬዴ" ካሣ ሓያታሢሮ፤ ሓያ ካሦ ሙዒሢ ፔቲ"ታፖ ሃይቃዓኬ። 51 ጫሪንጮፓ ኬዴ"፤ ናንጊና ባይቁዋ ካሣ ታናኬ፤ ሃሮ" ካሦይዳፓ ሙዒሢ ቢያ ናንጊና ናንጋንዳኔ፤ ዓጮ"ም ሼምፖ ማዓንዳጉዲ ታኣኒ ዒንጋ ካሣ ታናኬ ጌዒኔ።

52 ዬማና ዓይሁዶ ዓሳ፡- «ሓይ ዓሢ ዒዛ ኦ ሙዒንዳጉዲ ዋዲ" ኦም ፔና ዒንጋኒ ዳንዳዓይ?» ጌይሢና ዋላ" ማርሜ።

53 ዬያሮ ዬሱሴ ዒያቶም፡- «ጎኔ ታ ዒንሢም ጋዓኔ፤ ዓሲ ናዓሢ ዒንሢ ሙዒባኣቲ ሃሣ ሱጉፃዋ ዒንሢ ዒዛኮ ዑሽኪባኣቶ ዒንሢኮ ናንጊ ሼምፓ ባኣሴ። 54 ታና ሙዒሢና ሱጉፃዋ ታኣኮ ዑሽካሢኮ ቢያ ናንጊና ናንጊ ሼምፓ ዓኣኔ፤ ታኣኒያ ጋፒንያ ኬሎ"ና ዒዛ ናንጊና ናንጊ ዴንቃንዳጉዲ ሓይቢዳፓ ዒቂሳንዳኔ። 55 ዓይጎሮ ጌዒቲ ታኣኒ ጎኔ ሙኡዚ"፤ ሱጉፃኣ ታኣኮ ጎኔ ዑሽኬ። 56 ታና ሙዒሢና ሱጉፃዋ ታኣኮ ዑሽካሢ ቢያ ታኣና ናንጋንዳኔ፤ ታኣኒያ ዒዛና ናንጋንዳኔ። 57 ናንጊና ባይቁዋ፤ ዓዴ ታና ዳኬም ታኣኒያ ዒዛና ናንጊና ባይቁዋ።

7

ዩሱሴ ወልሾ ዴማ" ቦንቹንታ ቦንቸሮ ዩሩሳሌማ ዓኣዲህ

1 ዩካፓ ዩሱሴ ጌሊላ ዓጮ"ይዳ ሴካ ሃንጋ ሃንታኔ፤ ዪሁዳ ዓጮ"ይዳ ጋዓንቲ ሃንታኒ ኮይባኣሴ፤ ዓይጎሮ ጌዔቲ ዓይሁዶ ዓሶ ዎይህ ዓሳ ዒዛ ዎዳኒ ኮዓሢሮኬ። 2 ዬኖ ዎዶ"ና ዓይሁዶ ዓሶኮ ወልሾ ዴማ" ዴዒ ቦንቸ ኬላ" ዑኬኔ። 3 ዬያሮ ዩሱሴኮ ጌርሲንሢ ዒዛ ኮራሙካዎ፡- «ኔኤኮ ጊንዖ ሃንታዞንሢ ኔኤኒ ዖኦሲ ዎልቄና ማዳ ዓኮ ባኮ ዛጋንዳጉዲ ሃካፓ ኬሰኪ ዪሁዳ ዓጮ" ዓኣዲ፤ 4 ዓይጎሮ ጌዔቲ ፔጌና ዔርታኒ ኮዓ ዓሲ ማዶ" ፔኤሲ" ዓኣቺ ማዲዎሴ፤ ኔኤኒያ ሓያ ባኮ ቢያ ማዳ ዎዶ"ና ኔና ኔ ዓጮ"ዎ ፔጋሲ ዔርዛንዳያ ኮይሳኔ» ጌዔኔ። 5 ዬያ ዔያታ ጌዔሢ ዒዛኮ ጌርሲንሢታዖ ዒዛ ጉሙርቂ ዔኪባኣሢሮኬ።

6 ዩሱሴ ዔያቶዎ፡- «ታ ዎዶ" ሃጊ ሄሊ"ባኣሴ፤ ዒንሢ ዎዶ" ጋዓንቲ ቢያ ዎዶ ጊኣጌያኬ። 7 ዓጮ" ዒንሢ ዒፃኒ ዳንዳዑዎሴ፤ ታና ጋዓንቲ ዒፃኔ፤ ዓይጎሮ ጌዔቲ ታኣኒ ዓጮ"ኮ ማዶ" ፑርታ ማዒሢ ማርካዳሢሮኬ። 8 ዒንሢ ጋዓንቲ ቦንቸ ኬሎ"ሮ ዓኣዲዎቲ፤ ታኣኮ ዎዶ" ሃጊ ሄሊ"ባኣሢሮ ዬኖ ቦንቸ ኬሎ" ቤዞ ታዓኣዳዓኬ» ጌዔኔ። 9 ዬያ ጌዒጋፓ ዒዚ ጌሊላይዳ ዓቲ"ኔ።

ዩሱሴኮ ቦንቸ ኬሎ" ቤዞ ዓኣዲዖ

10 ጋዓንቲ ዒዛኮ ጌርሲንሢ ቦንቸ ኬሎ" ቤዞ ዓኣዲሢኮ ጊንዖ ዒዚ ዓኣሺንቲ ዬኖ ቤዞ ዴንዴኔ። 11 ዬኖ ቤዞይዳ ዓይሁዶ ዓሶ ዎይህ ዓሳ፡- «ዬይ ዓሢ ዎካዳይ?» ጌዒ ጌዒ ዒዛ ኮዓኔ።

12 ዴራ" ዒዛ ሚርጌና ዶንካኔ፤ ዒማ"ና ፔቲ" ፔቲ"ዞንሢ፡- «ዒዚ ኮሺ ዓሲኬ» ጋዓዛ፤ ዛላ"፡- «ያዲቲዎሴ፤ ዒዚ ዴሮ" ዳዳቢሻኔ» ጋዓኔ። 13 ያዲ ማዒቶዎ ዓይሁዶ ዓሶኮ ዎይህ ዓሶ ዒጊጪሢና ዖኣኒያ ዒዛ ዛሎ" ፔጌና ጌሰቲባኣሴ።

14 ዬኖ ቦንቸ ኬሎ"ኮ ሄካሰካ ዩሱሴ ጌኤዡ ማኣሪ ዓኣዲ ዔርዚሢ ዓርቄኔ። 15 ዓይሁዶ ዓሶ ዎይህ ዓሳ፡- «ሓይ ዓሢ ዓሲዳፓ ዔሪባኣያታዖ ሃያ ቢያ ዎዲ" ዔራኒ ዳንዳዔይ?» ጌዒ ጌዒ ዲቃቲ ሄርሺኔ።

16 ዬያሮ ዩሱሴ፡- «ታ ዔርዛ ባካ ታና ዳኬ፤ ታ ዓዶይዳፓ ዒንጊንቲያ ማዓንዳኣፓዓቲዎ ታጊዳፓቲዎሴ። 17 ታና ዳኬሢኮ ዓይሢዖ ኩንሢኒ ኮዓያ ዓኣቶ ሃይ ታኣኮ ዔርዚዖ ዖኦሲዳፓ ዒንጊንቲቲያ ሃሣ ታኣኒ ታ ቶኦካ"ፓ ዔኪ ኬኤዛያ ማዒቲያ ዴማሲ

ዔራንዳኔ። 18 ፔ ቶኦካ"ፓ ከኤዛሢ ፔ ቦንቾ ኮዓኔ፤ ዳከሢ ቦንቾም ማዳሢ ጋዓንቴ ጎኑም ዓኣያኬ፤ ሉኡዙሞዋ ዒዛይዳ ባኣሴ። 19 ሙሴ ዒንሢም ዋጌ ዒንጊባይ? ጋዓንቴ ዒንሢዳፓ ዋጎ ኩንሣይ ያኣኒያ ባኣሴ። ዒንሢ ዓይጎሮ ታና ዋዳኒ ኮዓይ?» ጌዔኔ።

20 ዴራ"ኣ፡- «ሐይ ኔ፤ ፑርቶ ዓያና" ዓርቄሢ ሃይ! ያ ኔና ዋዳኒ ኮዓይ?» ጌዔኔ።

21 ዬሱሴ ዔያቶም፡- «ታኣኒ ፔቴ" ማዶ ማዶኔ፤ ዒንሢ ቢያሢ ዬኖ ማዶ"ሎ ዲቃቲ ሄርሼኔ። 22 ሙሴ ዓቲንቴ ቤርቲ ቲቂሢ ዋጌ ዒንሢም ዒንጌኔ፤ ዬይ ዋጋ" ዒንጊንቴሢ ዒንሢኮ ዓዶንሢዳፓ ማዓንዳኣፓዓቴም ሙሴይዳፓቱዋሴ፤ ዓካሪ ዒንሢ ሃውሾ ከሎ"ናታዖ ዓሲኮ ዓቲንቴ ቤርቲ ቲቲቃኔ። 23 ዓካሪ፡ ሙሴ ዋጋ" ዓቲዋጉዲ ዓሲ ሃውሾ ከሎ"ና ዓቲንቴ ቤርቲ ቲቂንታያ ማዔቴ ታኣኒ ሃውሾ ከሎ"ና ዓሲ ሼምፖ ዳቂሼሢረ ዓይጎሮ ታ ዑፃ ዒንሢ ጎሪ"ንታይ? 24 ዓሲ ዛጌ፤ ዲማሲ ዋጊያይዳፓ ፒዜ ዋጌ ዋጉዋቴ» ጌዔኔ።

ሜሲሔ ዛሎ" ዔቂ ማርሞ

25 ዬራሳላሜ ዓሶይዳፓ ፔቴ" ፔቴ"ዘንሢ፡- «ዓይሁዶ ዓሶኮ ሱኡጋ ዋዳኒ ኮዓ ዓሢ ሃያቱዋዓዳ? 26 ሐይሾ ዒዚ ሃሢ ፔጌና ከኤዛኔ፤ ዔያታ ዒዛ ኮይላ" ፔቴ"ታዖ ዔኤቢ ጌይባሴ፤ ሐይ ዓሢ ሜሲሔ ማዔሢ ዋይሢ ዓሳ ጎናሲ ዔዔሬሞ? 27 ጋዓንቴ ኑኡኒ ሃይ ዓሢ ዓንካፓታቴ ዔራኔ፤ ሜሲሔ ሙካኣና ዓንካፓታቴያ ዔራንዳያ ያኣኒያ ባኣሴ» ጌዔኔ።

28 ዬያሮ ዬሱሴ ጌኤዢ ማኣሮይዳ ዔርዛዖ ዑኡዘ ፔኤሲ" ዴግዲ፡- «ታና ዒንሢ ዔራኔ፤ ታኣኒ ዓንካፓ ሙከቲያ ታና ዒንሢ ዔራኔ፤ ጋዓንቴ ታኣኒ ታ ቢታንቶና ሙኪባኣሴ፤ ታና ዳከሢ ጎኑም ዓኣያኬ፤ ዒንሢ ዒዛ ዔራዋሴ። 29 ታኣኒ ጋዓንቴ ዒዛ ኮራፓ ሙከሢረ ሃሢ ዒዚ ታና ዳከሢረ ታ ዒዛ ዔራኔ» ጌዔኔ።

30 ዒማ"ና ዔያታ ዒዛ ዓርቃኒ ኮዔያታንቴ ዋደ" ዒዛኮ ሃጊ ሄሊ"ባኣሢረ ያኣኒያ ዒዛ ዓርቂባኣሴ። 31 ጋዓንቴ ዴ"ይዳፓ ሚርጌ ዓሲ ዒዛ ጉሙርቂ ዔካዖ፡- «ሜሲሔ ሙካ ዋደ"ና ሐይ ዓሢ ማዶ ያኣሲ ዋልቆና ማዳንቴ ዓኮ ባኮይዳፓ ባሽ ማዳንዳ?» ጌዔኔ።

ዬሱሴ ዓርቃንዳጉዲ ጌኤዢ ማኣሮ ካፓ ዓሶኮ ዳኪንቲያ

32 ዴራ" ዬሱሴ ዶንካሢ ፔርሴ ዓሳ ዋይዜኔ፤ ዬያሮ ቄኤሶኮ ሱኡጎና ፔርሴ ዓሶና ዬሱሴ ዓርቃኒ ጌኤዢ ማኣሮ ካፓ ዓሶ ዳኬኔ። 33 ዬማና ዬሱሴ፡- «ዒንሢና ዋላ" ዳካ" ዋዴ ታ ዴዓንዳኔ፤ ዬካፓ ታና

ዳኬህ ባንህ ታዓዳንዳኔ፤ ³⁴ ባንህ ታና ኮዓንዳኔ፤ ጋዓንቲ ባንህ ታና ዳንቃዓኬ፤ ታኦኒ ዓኣ ቤዞ ባንህ ሙካኒ ዳንዳዒንዱዋሴ» ጌዔኔ።

³⁵ ዬያሮ ዓይሁዶ ዓሶ ዎይህ ዓሳ ዎሊ ኮይለ፡- «ኦኦኒ ዒዛ ዴንቁዋጉዲ ሃይ ዓህ ዓንኮ ዓኣዳኒዳይ? ጎዖንቲ ገሪኬ ዓጮ" ዓሶ ባኣካ" ላኣለንቲ ዓኣ፡ ዓይሁዶ ዓሶ ባኣኮ" ዓኣዲ ገሪኮ ዓሶ ዒርዛኒዋ? ³⁶ ለንህ ታና ኮዓንዳኔ፤ ጋዓንቲ ባንህ ታና ዳንቃዓኬ፤ ታኦኒ ዓኣ ቤዞ ባንህ ሙካኒ ዳንዳዒንዱዋሴ» ጌይፃ ዒዛኮ ዎዚ ጌይህዳይ?» ጌዔኔ።

ናንገና ናንገ ዋኣህ

³⁷ ቦንቾ ኬሎ"ኮ ጋፒንዖ ማዔ፡ ዴኤፖ ኬሎ"ና ዬሱሴ ዒቂጋፓ ዑኡዞ ዴግዲ፡- «ዋኣህ ዴኤቤይ ዓኣቶ ሃኒ ታኮራ ሙኪ ዑሽኮንጎ፤ ³⁸ ታና ጉሙርቂ ዒካህኮ ጌኤዢ ማፃኣፓ ጋዓህጉዲ ናንገና ናንገ ዋኣህ ጋራፓ ዓልቃንዳኔ» ጌዔኔ።

³⁹ ዬያ ዒ ጌዔህ ዒዛ ጉሙርቃዞንህ ዒካንዳ ዓያኖ ዛሎ"ኬ። ዓይጎሮ ጌዔቲ ዬሱሴ ሃይቂ ለካ ዒውታ ዎዳ" ሄሊ"ባኣህሮ ዓያኖ ጌኤዢ ሃገ ዒንገንቲባኣያኬ።

ዴሮ"ኮ ባኣካ" ማዢንቲ ፓቂንቲዖ

⁴⁰ ዴሮ"ኮ ባኣኮ"ይዳፓ ፔቲ" ፔቲ"ዞንህ ዬያ ቃኣሎ" ዎይዞዖ፡- «ሙካንዳኔ ጌይንቲ ዖኦሲ ማሊዖ ኬኤዛህ ጎኔና ሃያኬ» ጌዔኔ።

⁴¹ ዛለ" ሃሃ፡- «ሓይ ሜሲሔኬ» ጌዔኔ። ዓቲ" ዓሳ ጋዓንቲ፡- «ሜሲሔ ሙካህ ጌለላ ዓጮ"ይዳፓዳ? ⁴² ሜሲሔ ዳውቲ ዜርፃፓ ሸይንታንዳህና ዳውቲ ካታዎ ቤኤቲላሄሜይዳፓ ሙካንዳህ ጌኤዢ ማፃኣፓይዳ ፃኣፒንቲባኣዓዳ?» ጌዔኔ።

⁴³ ዬያሮ ዒዛ ዛሎ"ና ዴሮ" ባኣካ" ፓቂንቲህ ማዢንቲ። ⁴⁴ ፔቲ" ፔቲ"ዞንህ ዒዛ ዓርቃኒ ኮዔንቲ ዖኦኒያ ዒዛ ዓርቂባኣሴ።

ዓይሁዶ ዓሶ ዎይህ ዓሶኮ ዬሱሴ ጉሙርቂ ዒኩዋዖ ሃሺ"ዖ

⁴⁵ ዬካፓ ጌኤዢ ማኣሮ ካፓዞንህ ቁኤሶ ሱኡጎና ፔርሴ ዓሶና ባንህ ዓኣዴኔ፤ ዬና ፑኡፖ ዓሳ፡- «ዒዛ ባንህ ዓይጎሮ ዒኪ ሙኪባኣይ?» ዒያቶ ኮራ ጌዔኔ።

⁴⁶ ጌኤዢ ማኣሮ ካፓዞንህዖ፡- «ሓይ ዓህ ኬኤዛህጉዲ ዖኦኒያ ኬኤዚ ቤቂባኣሴ» ጌይ ማሄኔ።

47 ፔሮስ ዓሳ ጋዓንቲ፡- «ዲንሢያ ሃሣ ደቢንቲያ? 48 ዋይሃ ዓሶና ፔሮስ ዓሶናይዳፓ ዒዛ ጉሙርቄ ዓሲ ዓኣኖ? 49 ሃይ ሙሴ ዋጎ ዔሩዋ ዴራ" ጎኔና ጋዳንቂንቲያኬ» ጌዔኔ።

50 ዒማ"ና ሓያኮ ቤርታ ዩሱሴ ኮራ ዓኣዴ፥ ፔሮስ ዓሶ ዛላ"ፓ ማዔ፥ ኒቆዲሞሴ፡- 51 «ኦኡኮ ዋጎ ጎይያና ፔቲ" ዋጌና ዓርቂንቲ ዓሢኮ ጌኤዞ ዋይዙዋየ ሃሣ ዓይጎ ማዴቲያ ዔሩዋየ ዋጌ ዋጊንታ?» ጌዔኔ።

52 ዔያታ ማሃየ፡- «ኔኤኒያ ጌሊላ ዓጮ"ይዳፓዳ? ያኦሲ ማሊሢ ኬኤዛይ ጌሊላ ዓጮ"ይዳፓ ዔቂንዲዋኣሢ ማፃኣፖ ኮሺ" ማሂ ዛጌ ዔሬ" ዒዛሞ ጌዔኔ። [53 ዩካፓ ፔቲ" ፔቲ"ሢ ፔኤኮ ማኣሪ ማኣሪ ዴንዴኔ።

8

ዓቲንቆና ዘኦዛ ኮኦሚ ዓርቂንቲ ላኦሌሎ

1 ዩካፓ ዩሱሴ ዛይቲ ሪሚቲ ዴካ ጌይንታ ቤዞ ዴንዴኔ። 2 ዚሬሎ ጉቲ" ዓማ" ጌኤዢ ማኣሪ ዒ ማዒ ሙካንቲ ዴራ" ቢያ ዒዛ ባንሢ ሙካዛ፥ ዒዚ ዴዒ ዔርዚሢ ዓርቂኔ። 3 ሙሴ ዋጎ ዔርዚ ዓሶና ፔሮስ ዓሶና ዓቲንቂና ዘኦዚይዳ ኮኦማንቲ ዴንቁ ላኦሊሰኬኖ ዔኪ ሙኪ ዴሮ"ኮ ባኣካ" ዔቂሳዖ፥ 4 ዩሱሴ ኮራ፡- «ዔርዚሢ! ሓይሹ፥ ሃና ላኦሊላ ዓቲንቂና ዘኦሰካ ኮኦሚ ዓዲንቲኔ፤ 5 ሓኖጉዴ ላኦላ ሹቸና ዴይንቲ ሓይቃንዳጉዲ ሙሴ ኦኡኮ ዋጎይዳ ኦና ዓይሄኔ፤ ኔኤኒ ዒዞ ዛሎ" ዋዚ ጋዓይ?» ጌዔኔ። 6 ዩያ ዔያታ ጌዔሢ ዒዛ ዋጎና ዓይሢሳንዳ ደቢንቲ ዴንቃኒ ኮዓሢሮኬ፤ ዩሱሴ ጋዓንቲ ሂርኪ ጌይ ፔኤኮ ኬኤሎ"ና ሳዓ ፃኣፒሢ ዓርቂኔ።

7 ላሚ ላሚ ዒዛ ዔያታ ያኦጮዛ ዒዚ ዴ"ግ ጋዓየ፡- «ዲንሢ ባኣካ"ፓ ጎሚ ባኣሢ ቤርታዲ ዒዞ ሹቸና ዴይንጎ» ጌዔኔ። 8 ዩካፓ ላሚ ሃሣ ሂርኪ ጋዓየ ሳዓ ፃኣፔኔ። 9 ዔያታ ዩያ ዋይዚ ጨዋይዳፓ ዓርቃየ ቢያሢ ፔቲ" ፔቲ" ኬሰኪ ኬሰኪ ዴንዴሢሮ ዩሱሴ ላኦሊሎና ዋላ" ሌሊ ዓቲ"ኔ። 10 ዩካፓ ዩሱሴ ዴ"ግ ጋዓየ፡- «ዔኣኦሬ፤ ኔና ዓርቂ ዔኪ ሙኬ ዓሳ ዋካዳይ? ኔ ጌዳ" ዋጌ ዓሲ ባኣዓዳ?» ጌዔኔ።

11 ዒዛ ማሃየ፡- «ጎዳሢኦ! ያኦኒያ ባኣሴ» ጌዔኔ።

ዬሱሴያ፡- «ታኣ ኔ ዑፃ ዋጋዓኬ፤ ዓኣዳ፥ ላሚ ጎሜ ማዲፖ»
 ቢዘሞ ጌዔኔ።፡*
 ጌዔኔ።፡

ዬሱሴ ዓጮ"ኮ ፖዔ ማዔሢ

12 ላሚ ሃሣ ዬሱሴ፡- «ታኣኒ ዓጮ"ኮ ፖዔኬ፤ ታ ጊንፆ ሃንታሢ ቢያ ናንጊ ፖዔ ዴንቃንዳኔ፤ ዳሚዳኣ ሃንቲንዱዋሴ» ጌዔ ኬኤዜኔ።

13 ፔርሴ ዓሳ፡- «ኔኤኒ ኔ ዛሎ" ኔኤር ማርካዳሢር ኔኤኮ ማርካታ" ጎኔቱዋሴ» ጌዔኔ።

14 ዬሱሴ ዔያቶሞ፡- «ታኣኒ ታ ዛሎ" ማርካዳያ ማዔያታቱያ ዓንካፓ ታ ሙኩቶ ሃሣ ታ ዓንኮ ዓኣዳቶ ታ ዔራሢር ታኣኮ ማርካዳያ ጎኔኬ፤ ዒንሢ ጋዓንቲ ዓንካፓ ታ ሙኩቶ ሃሣ ዓንኮ ታ ዓኣዳቶዋ ዔራ ባኣዚ" ባኣሴ። 15 ዒንሢ ዓሲ ማለሢጉዲ ዋጋኔ፤ ታኣኒ ጋዓንቲ ዬያጉዲ የ ዑያይዳኣ ዋጉዋሴ። 16 ታኣኒ ዋጌቱያ ታኣኮ ዋጊያ ፒዜኬ፤ ዓይጎር ጌዔቲ ታኣኒ ታኣር ሌሊ ዋጉዋሴ፤ ታና ዳኬ ዓዴያ ታኣና ዋላ"ኬ። 17 ላሞየ ዓሲኮ ማርካታ" ጎኔ ማዔሢ ዒንሢኮ ዋጎይዳ ፃኣፒንቲኔ። 18 ታ ዛሎ"ኮ ፔቲ" ማርካሢ ታናኬ፤ ሃንጎ ማርካሢ ታና ዳኬ፥ ታ ዓዳሢኬ» ጌዔኔ።

19 ዬካፓ ዔያታ፡- «ኔኤኮ ዓዴ ዓንካዳይ?» ጌዔ ዒዛ ያኦጮዛ፤ ዬሱሴ ማሃያ፡- «ታና ማዔቲያ ታኣኮ ዓደዋ ዒንሢ ዔራዋሴ፤ ታና ዒንሢ ዔራያታቶ ታ ዓደዋ ዒንሢ ዔራንዳያኬ» ዔያቶሞ ጌዔኔ።

20 ዬሱሴ ዬያ ቃኣሎ" ኬኤዜሢ ጌኤኾ ማኣራ፥ ሚኢሾ ዔኮ ሳኣዲኖ ዓጮ ዴዒ ዔርዚቤቃኬ። ዬይ ያዲ ማዔቲያ ዋዳ" ዒዛኮ ሃጊ ሄሊ"ባኣሢር ያኔኒያ ዒዛ ዓርቂባኣሴ።

የኣሲ ጉሙርቂሢ ዓቲሢ ዛላ ኬኤዚንቲ ላቲ"ሢ

21 ላሚ ዬሱሴ ሃሣ፡- «ታኣኒ ዓኣዳንዳኔ፤ ዒንሢያ ታና ኮዓንዳኔ፤ ጋዓንቲ ዒንሢ ዒንሢኮ ጎሞና ዋላ" ሓይቃንዳኔ፤ ታኣኒ ዴንዳ ቤዘዋ ዒንሢ ሙካኒ ዳንዳዑዋሴ» ጌዔኔ።

22 ዓይሁዶ ዓሲኮ ዋይሣ ዓሳ፡- « ታኣኒ ዴንዳ ቤዘ ዒንሢ ሙካኒ ዳንዳዑዋሴ» ዒዛኮ ጌይያ ፔና ዋዋዲኒሞ?» ዋሊ ኮይላ" ጌዔኔ።

23 ሄሊ"ሳየ ሃሣ ዬሱሴ፡- «ዒንሢ ሃካፓኬ፤ ታኣኒ ሎፓኬ፤ ዒንሢ ሓያ ዓጮ"ፓኬ፤ ታኣኒ ሃያ ዓጮ"ፓቱዋሴ፤ 24 ላዒንሢኮ ጎሞና

* **8:11** ቤርታኣ ማፃኣፓ ሚርጌሢ፡- ሓኖ" ቤዜሎ (7፡53-8፡11) ጌዳ" ቃሴ"ዋሴ፤ ፔቲ" ፔቲ" ማፃኣፓ ዮሐ. 21፡24ኮ ጊንፃ ጌልዛኔ፤ ሃሣ ሚሊ" ማፃኣፔ ሉቃ. 21፡38ኮ ጊንፃ ጌልዛኔ፤ ፔቲ" ማፃኣፔ ዮሐ. 7፡36ኮ ጊንፃ ጌልዛኔ። **8:12** ማቲ. 5፡14፤ ዮሐ. 9፡5።

8:13 ዮሐ. 5፡31።

ዋላ" ቢንሢ ሃይቃንዳኔ ታ ጌዔሢ ይያርኩ፤ ታኣኒ ታና ተ ማዔሢ ጉሙርቁዋያ ማዔቲ ቢንሢ ቢንሢኩ ጎሞና ዋላ" ሓይቃንዳኔ» ጌዔኔ።

25 ዔያታ ማሃዎ፡- «ኔኤኒ ያናዳይ?» ቢዛ ኮራ ጋዓዛ፤ ዩሱሴ ዔያቶም፡- «በርታፓ ዓርቃዎ ቢንሢኩ ከኤዛሢ፤ ታኣኒ ቢዛኩ፤ 26 ታኣኒ ቢንሢኩ ከኤዛንዳያና ዋጋንዳ፤ ሚርጌ ባኣዚ" ዓኣኔ፤ ማዔቲያ ታና ዳኬሢ ጎኑሞ ዓኣያኬ፤ ታኣኒያ ዓጮ"ሞ ከኤዛሢ ቢዛይዳፓ ዋይዜሢ ሌሊኩ» ጌዔኔ።

27 ዔያቶም ጋዓንቲ ዓዶ ዘሎ" ቢ ከኤዜሢ ዔርቲባኣሴ። 28 ዩሱሴ ዩሱሴ ዔያቶም፡- «ዓሲኮ ናዓሢ ቢንሢ ሱፃኣና ታኣኒ ለዓናና ናንጋያ» ማዔሢ ቢንሢ ዔራንዳኔ፤ ዩያጉዲ ዓዴ ታና ዔርዜ ባኮ ታ ከኤዛንዳፓዓቲም ታ ቢታንቶና ሌሊ ዓይጎ ባኣዚ"ያ ታ ማዲዋኣሢ ዩኖ ዋዶ"ና ቢንሢ ጸቂሣንዳኔ። 29 ታና ዳኬሢ ታኣና ዋላ"ኬ፤ ታኣኒ ቢያ ከሊ" ማዲሢ ቢዛ ዋዛሳ ባኣዚ" ማዔሢር ታና ታኣር ሌሊ ቢ ሃሺ"ባኣሴ» ጌዔኔ።

30 ዩሱሴ ዩያ ከኤዛዛ ሚርጌ ዓሲ ቢዛ ጉሙርቁኔ።

ጎሜ ዓይላ"ቶፓ ከሰከሢ

31 ዩሱሴ ቢዛ ጉሙርቃ ዓይሁዶ ዓሰም፡- «ቢንሢ ታ ዔርዚያና ዳዲ ናንጌቲ ጎኔና ቢንሢ ታና ዔሪ፤ ታ ዓሲ ማዓንዳኔ፤ 32 ጎኑሞ ቢንሢ ዔራንዳኔ፤ ጎኑሞዋ ቢንሢ ዓይላ"ቶይዳፓ ከላ"ንዳኔ» ጌዔኔ።

33 ዔያታ ጋዓንቲ፡- «ኦኤኒ ዓብራሃሜ ዜርሢኬ፤ ፔቲ"ታዎ ያኦኮዋ ኦ ዓይሌ" ማዒ ዔሩዋሴ፤ ዓካሪ ኔኤኒ ለቢንሢ ዓይሉ"ሞይዳፓ ከሰከንዳኔ ኦና ጋዓሢ ዋይቲዳይ?» ጌዔኔ።

34 ዩሱሴ ዔያቶም፡- «ጎኔ ታ ቢንሢኩ ጋዓኔ፤ ጎሜ ማዲሢ ቢያ ጎሜኮ ዓይሌ"ኬ፤ 35 ዓይሌ" ቢያ ዋዴና ማኣሪዳ ናንጌ ዓቲዋሴ፤ ሾዎና ናይ ጋዓንቲ ቢያ ዋዴ ማኣራ ናንጌ። 36 ዩያር ሾዎና ናዓሢ ቢንሢ ዓይላ"ቶፓ ከሴ"ቲ ጎኔና ቢንሢ ዓይላ"ቶፓ ከሰኬያ ማዓንዳኔ። 37 ቢንሢ ዓብራሃሜ ዜርያ ማዔሢ ታ ዔራኔ፤ ጋዓንቲ ታኣኮ ቃኣሎ" ቢንሢ ዔኩዋያታሢር ታና ዋዲኒ ኮዓኔ። 38 ታኣኒ ታ ዓዶ ኮራፓ ዛጌ ባኮ ቢንሢኩ ከኤዛኔ፤ ቢንሢ ጋዓንቲ ቢንሢ ዓዶ ኮራፓ ዋይዜ ባኮ ማዲኔ» ጌይ ማሄኔ።

39 ዔያታ ማሃዎ፡- «ኦኤኮ ዓዳሢ ዓብራሃሜኬ» ቢዛም ጋዓዛ፤ ዩሱሴ ዔያቶም፡- «ዓብራሃሜ ናይ ቢንሢ ማዔያታቲ ዓብራሃሜ ማዲሢጉዲ ማዴያናንዳኔ፤ 40 ታኣኒ ያኦሲዳፓ ዋይዜ ጎኑሞ

† 8:24 ታኣኒ ታናኬ፡- ጌይፃ ዓዛኮ ሱንፃኬ። 8:24 ኬሲ. ማፃ 3:14። 8:33 ማቲ. 3:9፤ ሊቃ. 3:8።

ዲንሢሞ ከኤዜኔ፤ ዲንሢ ጋዓንቴ ታና ዋዳኒ ኮዓኔ፤ ዓብራሃሜ ዬያይዲባኣሴ። 41 ዓካሪ ዲንሢ ማዳሢ ዲንሢኮ ዓዳሢ ማደ"ኬ» ጋዓዛ፥ ዔያታ ማሃዖ፡- «ኦኤኒ ዓሌ" ናይቱዋሴ፤ ኦኤኮ ፔቴ" ዓዴ ዓኣኔ፤ ዒዚያ ጾኦሲኬ» ጌዔኔ።

42 ዬሱሴ ዔያቶም፡- «ጾኦሲ ዲንሢኮ ዓዴ ማዔያታቴ ታና ዲንሢ ናሽኬያ ናንዳኔ፤ ዓይጎር ጌዔቴ ታኣኒ ሓይካ ዓኣሢ ጾኦሲ ኮራፓ ሙኪኬ፤ ታና ዳኬሢያ ዒዛ ማዓንዳኣፓዓቴም ታኣኒ ታ ቢታንቶና ሙኪባኣሴ። 43 ታኣኒ ጋዓ ባካ ዲንሢሞ ዋይቲ ጌሉዋይ ጌዔቶ ታ ቃኣሎ" ዲንሢ ዋይዚ ዔካኒ ኮዑዋኣሢሮኬ። 44 ዲንሢ ዲንሢኮ ዓዳሢ፥ ፃላሄ ናኣቶ"ኬ፤ ዲንሢኮ ማሊፃ ዲንሢ ዓዳሢ ዓፃዳ ባኮ ከንሥሢኬ፤ ዒዚ ቤርታፓ ዓርቃዖ ሸምፖ ዋዳያኬ፤ ጎኑም ዒዛይዳ ባኣሢሮ ጎኑምና ዋላ" ፔቴ"ታዖ ካኣሚ ዒዛኮ ባኣሴ፤ ዒዚ፡ ሉኡቃያ ሃሣ ሉኡዙሞኮዋ ዓዴ ማዔሢሮ ሉኡቂ ዒ ኬኤዛ ዋደ"ና ፔ ማሊፃፓ ዔኪ ከኤዜኔ። 45 ታኣኒ ጋዓንቴ ጎኑም ኬኤዛያ ማዔሢሮ ዲንሢ ታና ጉሙርቁዋሴ፤ 46 ሂንዳ ዲንሢዳፓ፡- «ኤኤኒ ጎሜናኬ» ታና ጋዓንዳሢ ዖናዳይ? ጎኑም ታ ኬኤዛያ ማዔቴ ዓካሪ ዲንሢ ዓይጎር ታና ጉሙርቁዋይ? 47 ጾኦሲዳፓ ማዔሢ ዒዛኮ ቃኣሎ" ዋይዛንዳኔ፤ ዓካሪ ዒዛኮ ቃኣሎ" ዲንሢ ዋይዙዋኣሢ ዒዛይዳፓ ዲንሢ ማዒባኣሢሮኬ» ጌዔኔ።

ዬሱሴ ዓብራሃሜኮዋ ቤርታ ዓኣያ ማዔሢ

48 ዓይሁዶ ዓሳ፡- «ኤኤኒ ሳማሪያ ዓጨ ዓሲኬ፤ ፑርታ ዓያናኣ ኔ ጊዳ" ዓኣኔ፤ ኦኤኮ ጌይፃ ፒዜቱዋዳደ?» ዒዛም ጌዔኔ።

49 ዬሱሴ ዔያቶም፡- «ታ ጊዳ" ፃላሄ ዓያና ባኣሴ፤ ታኣኒ ታኣኮ ዓዴ ቦንቻኔ፤ ጋዓንቴ ዲንሢ ታኣኮ ቶኦኪ ባይዛኔ። 50 ማዔቶዋ ታኣኒ ታ ቦንቻ ኮዑዋሴ፤ ታኣኒ ቦንቹንታንዳጉዲ ኮዓያና ዬኖ ዛሎ" ታኣም ዋጋይ ሜሌ" ዓኣኔ። 51 ጎኔ ታ ዲንሢሞ ጋዓኔ፡- «ታኣኮ ቃኣሎ" ካፓሢ ፔቴ"ታዖ ሃይቃዓኬ» » ጌዔኔ።

52 ዓይሁዶ ዓሳ ጊንሣ፡- «ፑርቶ ዓያና" ኔ ጊዳ" ዓኣሢ ዓካሪ ኦ ዔሬኔ፤ ዓብራሃሜታዖ ሃይቄኔ ሃሣ ጾኦሲ ማሊፃ ኬኤዛ ዓሳኣ ሃይቄኔ፤ ኤኤኒ ጋዓንቴ «ታኣኮ ቃኣሎ" ካፓሢ ፔቴ"ታዖ ሃይቃዓኬ» ጋዓኔ፤ 53 ጎኔና ኤኤኮ ሃይቄ፥ ዓደ፥ ዓብራሃሜፓ ባሻ? ጾኦሲ ማሊፃ ኬኤዛ ዓሳ ሃይቄኔ፤ ሂዳዖ ኤኤኒ ኔና ዖናኬ ጋዓይ?» ጌዔኔ።

54 ዬሱሴ ማሃዖ፡- «ታኣኒ ታ ቦንቻ ኮዔቴ ታ ቦንቻ ማኣዳ"ያቱዋሴ፤ ታና ቦንቻሢ ታ ዓደኬ፤ ዒዚያ፡- «ኦ ጾኦሲ» ዲንሢ ጋዓሢኬ። 55 ጋዓንቴ ዲንሢ ዒዛ ዔራዋሴ፤ ታኣኒ ዒዛ ዔሬሬኔ፤ ታኣኒ ዒዛ ዔራዋሴ ጌዔቶ ዲንሢጉዲ ሉኡዚ ማዔያ ናንዳንቴኬ፤ ጋዓንቴ ታኣኒ ዒዛ ዔራሢሮ ቃኣሎ"ዋ ታ ዒዛኮ ካፓኔ። 56 ዲንሢ

ዓዳሢ፡ ዓብራሃሜኮ ማሊፃ ታ ሙኬም ዛጊ ዋዛዳኒኬ፤ ዒዚያ ዛጊ ዋዛዳኒ» ጌዔኔ።

⁵⁷ ዒማ"ና ዓይሁዶ ዓሳ፡- «ኔኤኮ ሃጊ ደንጊታሚ" ለዔ ኩሚባአሢ፡ ኔናሃሢ ዓብራሃሜ ዛጊያ!» ዒዛ ኮራ ጌዔኔ።

⁵⁸ ዩሱሴ፡- «ጎኔ ታ ዒንሢሞ ጋዓኔ፤ ዓብራሃሜ ሾይንቱዋንቲ ታኣኒ ዓኣኔ» ዒያቶም ጌዔኔ።

⁵⁹ ዩያሮ ዒዛ ዓይሁዶ ዓሳ ሹቻ ዱዓኒ ሹቹ ዔካዛ፡ ዩሱሴ ጋዓንቲ ዔያታ ዒዛ ዴንቁዋጉዲ ፔና ዓኣቺ ጌኤዡ ማኣራፓ ኬሰኪ ዴንዴኔ።

9

ዩሱሴ ዓኣፒ ባይቄያ ማዒ ሾይንቲ ዓሢኮ ዓኣፖ ቡሊ"ሢ

¹ ዩሱሴ ጎይያና ዓኣዲቤቃ ዓኣፒ ባይቄያ ማዒ ሾይንቲ ዓሲ ዴንቄኔ። ² ዒዛኮ ጊንፆ ሃንታ ናኣታ" ዩሱሴ ኮራ፡- «ዔርዛሢሃ! ሃይ ዓሢ ዓኣፒ ባይቄያ ማዒ ሾይንቲሢ ፆ ጎሚ ዛላናዳይ? ፔ ጎሚናም ዒዛ ሾዔ ዓሶ ጎሚናዳይ?» ጌይ ፆኣጩኔ።

³ ዩሱሴ ዒያቶም ማሃዖ፡- «ሓይ ዓኣፖ ባይቄሢ ፔ ዛላና ሃሃ ዒዛኮ ሾዔ ዓሶ ጎሚ ዛላናቱዋሴ፤ ጋዓንቲ ፆኣሲ ማዳ" ዒዛይዳ ፔጋዲ ዔርታንዳጉዲኬ። ⁴ ሄላ" ዓኣንቲ ታና ዳኬሢኮ ማዶ" ማዳንዳያ ታና ኮይሳኔ፤ ፆኣኒያ ማዳኒ ዳንዳዑዋ ዱሚ ኬሊ" ሙካንዳኔ። ⁵ ታኣኒ ዓጮ"ይዳ ዓኣና ዓጮ"ኮ ፖዔኬ» ጌዔኔ።

⁶ ዩያ ጌዔሢኮ ጊንፆ ሳፆይዳ ጩታፆ ጩጩና ሲላሎ ዲርኪ፡ ደቃሎና ዓኣፖ ባይቄሢኮ ዓኣፖ ቲሽካዖ፡- ⁷ «ዴንዲጋፓ ሴሌሆሚ ቦቆሎይዳ ማሰቲ» ዒዛም ጌዔኔ። ሴሌሆሚ ጌይፆ፡- «ዳኪንቲያ» ጌይሢኬ፤ ዩያሮ ዓሢ ዴንዲ ማሰታፆ ዛጊ ዛጊ ማዒ ሙኬኔ።

⁸ ዒዛኮ ዓሺኖና ቤርታ ዒ ሺኢቃንቲ ዛጌ ዓሶና፡- «ሓይ ዓሢ ዴይ ዔኤቢ ዒንጎም ጌይ ሺኢዲፆ ሺኢቃሢቱዋዓዳ?» ጌዔኔ።

⁹ ፔቲ" ፔቲ" ዓሳ፡- «ሂዮ፡ ዒዛኬ» ጋዓዛ፡ ሃንጎ ዓሳ ሃሃ፡- «ዒዛ ማማላኔ፡ ዒዛቲዋሴ!» ጌዔኔ፤ ዒዚ ጋዓንቲ፡- «ታ ዒዛኬ» ጌዔኔ።

¹⁰ ዓሳኣ፡- «ሂዴቶ ኔኤኮ ዓኣፓ ዋይቲ ቡሊ"ንቲይ?» ዒዛ ኮራ ጌዔኔ።

¹¹ ዒዚያ፡- «ዩሱሴ ጌይንታ ዓሢ ሲላሊ ዲርኪ ታኣኮ ዓኣፖ ቲሽካዖ (ሴሌሆሚ ዴንዲ ማሰቲ) ታኣም ጋዓዛ፡ ታኣኒ ዓኣዲ ማሰቲሰካፓ ዛጋኒ ዳንዳዔኔ» ጌይ ማሄኔ።

¹² ዔያታ፡- «ይይ ዓሢ፡ ሃሢ ዓንካዳይ?» ዒዛ ኮራ ጋዓዛ፡ ዒዚያ፡- «ዒዚ ሃሢ ዓንካ ዓኣቲያ ታ ዔሩዋሴ» ዒያቶም ጌዔኔ።

ፔርሴ ዓሳ ዓሢኮ ዓኣፓ ቡሊ "ንቲ ጎይታ ዓራኒ ኮዓሢ

13 ዩካፓ ዓሳ ዓኣፓ ባይቄ ዓሢ ዔኪ ፔርሴ ዓሳ ኮራ ዓኣዴኔ።

14 ዩሱሴ ሲላሎ ዲርኪ ዓሢኮ ዓኣፓ ቡሊ" ኬላ" ዓይሁዶ ዓሶኮ ሃውሾ ኬሎ"ናኬ፤ 15 ፔርሴ ዓሳ፡- «ኔኤኒ ወይቲ ዛጋኒ ዳንዳዔይ?» ጌይ ዓሢ ላሚ ያኤጫዛ፡ ዒዚ ማሃዖ፡- «ዒዚ ታኣኮ ዓኣፓይዳ ደቃሌ ቲሽካዛ፡ ታኣኒ ማሰቲ፤ ዩያር ታ ዛጋኒ ዳንዳዔይ» ጌዔኔ።

16 ዩማና ፔርሴ ዓሶይዳፓ ፔቲ" ፔቲ"ዘንሢ፡- «ሓይ ዓሢ ዓይሁዶ ዓሶኮ ሃውሾ ኬሎ" ቦንቹዋኣሢር ዒዚ ያኣሲዳፓቲዋሴ» ጋዓዛ፡ ዛላ" ጋዓንቲ፡- «ያዲ ማዔቲ ጎሜና ዓኣ ዓሲ ሃያ ያኣሲ ዋልቄና ማዲንታ ዓኮ ባኮ ወዲ" ማዲኒ ዳንዳዔይ?» ጌዔኔ። ዩያ ዛሎ"ና ዔያቶ ባኣካ" ፓቂንቲሢ ማገገንቲ።

17 ዩያር ዓኣፓ ባይቄ ዓሢ፡- «ኔኤኒ ኔኤኮ ዓኣፓ ዳቂሼኔ፡ ጋዓ ዓሢ ዛሎ" ኔ ወዚ ጋዓይ?» ጌይ ዔያታ ዒዛ ላሚ ያኤጫዛ፡ ዒዚ ማሃዖ፡- «ያኣሲ ማለሢ ኬኤዛ ዓሲኬ» ጌዔኔ።

18 ዩይ ዓሢ ዓኣፒ ባይቄያ ማዔሢና ዓኣፓ ገንፃፓ ዒዛኮ ቡሊ"ንቲሢ ዒዛ ሾዔ ዓሶ ዔኤሊ" ያኤጫንዳያ ሄላ"ንዳኣና ዓይሁዶ ዓሶ ወይሢ ዓሳ ዩያ ጎኔኬ ጌይባኣሴ። 19 ዩያር ዒዛ ሾዔ ዓሶ ኮራ፡- « <ዓኣፒ ባይቄያ ማዒ ሾይንቲ፤ ዒንሢ ጋዓ ናዓሢ ዒንሢኮ ሃያዳ? ሓሢ ዒ ወይቲ ዛጋኒ ዳንዳዔይ?» ጌይ ዔያታ ያኤጫኔ።

20 ሾዔ ዓሳ ዔያቶም ማሃዖ፡- «ሓይ ኦኤኮ ናዓሢ ማዔሢና ዓኣፒ ባይቄያ ማዒ ዒዛኮ ሾይንቲያ ኦ ዔራኔ፤ 21 ጋዓንቲ ሃሢ ዒ ወይቲ ዛጋኒ ዳንዳዔቲያ ሃሢ ዓኣፓ ዒዛኮ ወይቲ ቡሊ"ንቲቲያ ኦ ዔራዋሴ፤ ዒዛ ያኤጫዋቲ፤ ዒዚ ፔኦም ዔራያ፡ ዒናዴ ዓሲ ማዔሢር ዒዚ ፔ ዛሎ" ኬኤዛኒ ዳንዳዔይ» ጌዔኔ። 22 ዒዛ ሾዔ ዓሳ ዩያ ጌዔሢ ዓይሁዶ ዓሶኮ ወይሢ ዓሶ ዒጊጩሢርኬ፤ ዓይጎር ጌዔቲ፡- «ዩሱሴ፡ ሚሲሔኬ» ጋዓ ዓሲ ዓኣቶ ዓይሁዶ ዓሶኮ ቡኪንቶ ቤዛፓ ዳውሳኒ ዩና ወይሢ ዓሳ ዋላ" ጌሰቲ ዔቂሴሢርኬ። 23 ዩያር ዓሢ ሾዔ ዓሳ፡- «ዒዚ ፔኦም ዔራ፡ ዒናዴ ዓሲ ማዔሢር ዒዛ ያኤጫዋቲ» ጌዔኔ።

24 ዩኖ ዛሎ"ና ዔያታ ዩያ ዓሢ ላሚ ዔኤላ"ዖ፡- «ኔኤኒ ሂንዳ ያኣሲ ቦንቹ ጎኦም ኬኤዜ፤ ዩይ ዓሢ ጎሜና ዓኣ ዓሲ ማዔሢ ኦ ዒዛ ዔራኔ» ዒዛም ጌዔኔ።

25 ዓሢያ፡- «ዒዚ ጎሜና ዓኣ ዓሲ ማዔሢ ታ ዔራዋሴ፤ ታኣኒ ዔራማ ታኣኒ ዓኣፒ ባይቄያታያ ሃሢ ዛጋኒ ዳንዳዔማ ሌሊኬ» ጌይ ዔያቶም ማሄኔ።

26 ዔያታ፡- «ዒ ኔኤም ዓይጎ ማዴይ? ዓኣፓ ኔኤኮ ዒ ቡሊ"ሢ ወዲዳይ?» ዒዛ ኮራ ጌዔኔ።

27 ዲዚያ ማሃያ፡- «ቤርታ ታ ዲንሢሞ ኬኤዛዛ ዲንሢ ጋዓንቴ ዋይዛኒ ኮይባኣሴ፤ ሂዳዎ ዲንሢ ዓይጎር ላሚ ዋይዛኒ ኮዓዖ? ዲንሢያ ሃሣ ዲዛ ዔሪ፥ ዲዛ ዓሲ ማዓኒ ኮዓዖ?» ዔያቶ ኮራ ጌዔኔ።

28 ዔያታ ዲዛ፡- «ዲዛ ዓሲ ማዔሢ ኔናኬ! ኦኡኒ ጋዓንቴ ሙሴ ዓሲኬ፤ 29 ዖኦሲ ሙሴና ጌሰቴሢ ኦ ዔራኔ፤ ሃይ ዓሢ ጋዓንቴ ዓንካፓታቴያ ኦ ዲዛ ዔራዋሴ» ጌዔ ጫሽኬኔ።

30 ዓሢያ ዔያቶም፡- «ሓይ ዓሢ ዓንካፓ ማዔቴያ ዲንሢኮ ዔራዋዎ ዓቲፃ ታና ዲቃሢ ሄርሺሳኔ! ጋዓንቴ ታኣኮ ዓኣፖ ቡሉ"ሢ ዲዛኬ። 31 ዖኦሲ ጎሞ ዓሶም ዋይዙዋኣሢ ዔርቴያኬ፤ ጋዓንቴ ዖኦሲ ዲጌጫያና ዲዛኮ ማሊዎዋ ኩንሣይ ዓኣቶ ዬያም ዖኦሲ ዋዋይዛኔ።

32 <ዓኣፒ ባይቄያ ማዔ ሾይንቴ ዓሲኮ ዓኣፒ ቡሉ"ኔ> ጎያያ ሳዓ ማዘንቴማፓ ዓርቃዎ ዋይዘንቴ ቤቂባኣሴ። 33 ሓይ ዓሢ ዖኦሲዳፓ ማዔባኣያታቶ ዓይጎዋ ማዳኒ ዳንዳዒንዳዋያታንቴኬ» ጌዔኔ።

34 ዔያታ፡- «ኔ ጎሚና ማዔ ሾይንቴሢ ሃይ! ኔ ኦና ዔርዛኒዳ?» ጋዓዖ፥ ዔያታ ዲዛ ፔኤኮ ቡኪንቶ ቤዛፓ ኬሴ"ኔ።

ዒኔ ዓኣፒ ባይሱሞ

35 ዓሢ ዔያታ ፔኤኮ ቡኪንቶ ቤዛፓ ኬሴ"ሢ ዬሱሴ ዋይዘኔ፤ ዬካፓ ዓሢና ካኣማዖ፡- «ዓሲኮ ናዓሢ ኔ ጉሙርቃ?» ዲዛ ኮራ ጌዔኔ።

36 ዲዚ፡- «ጎዳሢዮ! ዲዛ ታ ጉሙርቃንዳጉዲ ዲዚ ያናታቴያ ታኣም ኬኤዘ» ጌዔኔ።

37 ዬሱሴ ማሃያ፡- «ሓያኮ ቤርታ፥ ዋዳ ኔ ዲዛ ዛጌኔ፤ ሃሢ ሃይ ኔኤና ዋላ" ጌሰታሢ ዲዛኬ» ጌዔኔ።

38 ዲዚያ፡- «ጎዳሢዮ! ታኣኒ ጉሙርቃኔ» ጌይ ጉሞዓቲ ዲዛም ዘጌኔ።

39 ዬሱሴ፡- «ዓኣፓ ዛጉዋኣሢ ዛጋንዳጉዲ፥ ዓኣፓ ዛጋሢያ ዓኣፒ ባይቄያ ማዓንዳጉዲ ታኣኒ ሓያ ዓጮ"ይዳ ዋጋኒ ሙኬኔ» ጌዔኔ።

40 ዬማና ዬሱሴ ኮራ ዓኣ፥ ፔርሴ ዓሳ፡- «ሂዳቴ ኦኡኒ ዓኣፒ ባይቄ ዓሲኬ ጌይሢዳ?» ዲዛ ኮራ ጌዔኔ።

41 ዬሱሴ ዔያቶም ማሃያ፡- «ዓኣፒ ባይቄያ ዲንሢ ማዔቶ ጎሚ ዲንሢም ማዓዓታንቴ ሃሢ ኦ ዴንቃኔ ዲንሢ ጋዓሢሮ ጎሚ ዓሲ ማዔ ዲንሢ ናንጋንዳኔ» ጌዔኔ።

10

ዬሱሴኮ ኮሺ ሄንቃያ ማዔያ

1 ሄሊ"ሳዎ ዩሱሴ፦ «ጎኔ ታ ዲንሢም ጋዓኔ፤ ማራቶ ባርቶኮ ካሮ"ናቱዋንቴ ሜሌ" ዛላና ጌላ ዓሲ ወሲ ሃሣ ሱላኬ። 2 ካሮ"ና ጌላሢ ጋዓንቴ ማራቶ ሄንቃሢኬ። 3 ካሮ" ካፓሢ ዩያም ካሮ" ቡላ"ንዳኔ፤ ማራታኣ ዒዛኮ ዑኡዘ ዋይዘንዳኔ፤ ዒዚያ ፔኤኮ ማራቶ ሱ"ንዖና ሱ"ንዖና ዒኤላ"ንዳኔ፤ ሃሣ ዒያቶ ዒኪ ሄንዖዋ ዓኣዳንዳኔ። 4 ዒዚ ፔኤኮ ማራቶ ቡላ"ዎ ቤርታ ቤርታ ዓኣዳንዳኔ፤ ማራታኣ ዒዛኮ ዑኡዘ ዒራሢሮ ዒዛ ጊንዖ ዓኣዳንዳኔ። 5 ቢሪ ማዒሢኮ ጋዓንቴ ዑኡዘ ዒያታ ዒራዋኣሢሮ ዩያይዳፓ ዣኣሊ ባይቃንዳኣፓዓቱም ዒዛ ጊንዖ ዳንዲንዲዋሴ» ጌዒኔ።

6 ዩሱሴ ዩያ ማላቶ ዒያቶም ኬኤዛዛ ዒያታ ጋዓንቴ ዒዚ ዒያቶም ኬኤዜሢ ዒሪባኣሴ።

7 ዩያሮ ዩሱሴ ላሚ ዒያቶም፦ «ጎኔ ታ ዲንሢም ጋዓኔ፤ ታኣኒ ማራቶኮ ካሮ"ሢኬ፤ 8 ታኣኮ ቤርታ ሙኬዘንሢ ወዘና ሱሎ"ናኬ፤ ማራታ ጋዓንቴ ዒያቶም ዋይዘባኣሴ። 9 ካራ"ሢ ታናኬ፤ ታ ዛሎ"ና ጌላሢ ዳቃንዳኔ፤ ጌላንዳኔ፤ ኬሰካንዳኔ፤ ሄንቆ ቤሲያ ዳንቃንዳኔ። 10 ወዛሢ ሙካሢ ወኡቃኒና ሹካኒ ሃሣ ባይዘኒ ሌሊኬ፤ ታኣኒ ጋዓንቴ ሙኬሢ ናንጊ ዒያታ ዳንቃንዳጉዲና ፓጩ ባኣዚ"ባኣ፤ ኩሙሢ ናንጊ ናንጋንዳጉዲኬ» ጌዒኔ።

11 ሃሣ ዩሱሴ፦ «ኮኩ ሄንቃሢ ታናኬ፤ ኮኩ ሄንቃሢ ፔኤኮ ሼምፓሢ ማራቶ ዛሎ" ዓኣሢ ዒንጋንዳኔ። 12 ማራታ ዒዛሮ ማዒባኣያ፤ ሚኢሹ ዳንቃኒ ሄንቃሢ ጋዓንቴ ያኣያሢ ሙካሢ ዛጋዖ ማራቶ ሃሺ" ጳሽካንዳኔ፤ ያኣያሢያ ማራቶይዳፓ ዓርቂ ዋዳንዳኔ፤ ዣኣሊሲያ ዣኣሊሳንዳኔ፤ 13 ሄንቃያታዖ ጳሽኬሢ ሚኢሹ ዳንቃኒ ሄንቃሢሮና ሃሣ ማራቶማኣ ዒ ማሎዋኣሢሮኬ። 14 ኮኩ ሄንቃሢ ታናኬ፤ ታኣኒ ታኣኮ ማራቶ ዒራኔ፤ ታ ማራታኣ ታና ዒራኔ። 15 ታኣኒ ዒያቶ ዒራሢ ታና ታ ዓዴ ዒራሢና ታኣኒያ ታ ዓዴ ዒራሢ ጎይዖ ጉዴያናኬ፤ ታኣኒ ታ ማራቶ ዛሎ"ሮ ታኣኮ ሼምፓሢ ዓኣሢ ዒንጋንዳኔ። 16 ሓያ ቆልሞ ባኣካ" ማዒባኣ ሜሌ" ዓቱ" ማራይታኣኮ ዓኣኔ፤ ዒያቶዋ ታዒኪ ሙካንዳያ ታና ኮይሳኔ፤ ዒያታኣ ታኣኮ ዑኡዘ ዋይዘንዳኔ፤ ፔቱ" ባርታይዳ ዓኣ ቆሎዋ ማዓንዳኔ፤ ሄንቃሢያ ሃሣ ፔቱ" ማዓንዳኔ» ጌዒኔ።

17 ዩሱሴ ላሚ ሃሣ፦ «ታ ማሢ ዒካንዳ፤ ታኣኮ ሼምፔሎ ዓኣሢ ታ ዒንጋኒ ናሽካያ ማዒሢሮ ታ ዓዴ ታና ናሽካኔ። 18 ታኣኮ ሼምፔሎ ታኣሮ ታ ናሽኪ ዓኣሢ ዒንጋፓዓቱም ታ ጊዳ"ፓ ዒካንዳይ ዖኣኒያ ባኣሴ፤ ታኣኮ ሼምፔሎ ዓኣሢ ታ ዒንጋኒና ማሢ ጊንሣ ዒካኒ ቢታንቶ ታኣኮ ዓኣኔ፤ ዩይ፦ ታ ዓዴ ታ ማዳንዳጉዲ ዓይሣሢኬ» ጌዒኔ።

ማዲያን ማዕቶ ታና ጉሙርቂፖቴ። 38 ይያ ታ ማዲያ ማዕቶ ጋዓንቴ ታና ዒንሢ ጉሙርቂባኣቴያ ዓዴ ታኣና፥ ታኣኒያ ዓዴና ማዕቢ ኮሺ" ዔራኒ ዒዛ ዎልቆና ማዲንቴ ዓኮ ባኮ ጉሙርቂዎቴ» ጌዔኔ።

39 ዔያታ ላሚ ሃሣ ዒዛ ዓርቃኒ ኮዔኔ፤ ዒዚ ጋዓንቴ ቶሊ" ዴንዴኔ።

40 ዬካፓ ላሚ ዮርዳኖሴ ዎሮና ፒንቂ ዮሐኒሴ ቤርታ ዓሶ ዎኣፆና ማሰካ ቤዘ ሙካዖ ዒኢካ ዴዔኔ። 41 ዒማ"ና ሚርጌ ዓሲ ዒዛ ኮራ ሙኪ፡- «ዮሐኒሴ ዓይጎዎ ፆኦሲ ዎልቄና ማዲንታ ዓኪ ባኣዚ" ማዲባኣሴ፤ ጋዓንቴ ዮሐኒሴ ሃያ ዓሢ ዛሎ" ኬኤዜ ባካ ቢያ ጎኔኬ» ጌዔኔ። 42 ዒኢካ ሚርጌ ዓሲ ዒዛ ጉሙርቂኔ።

11

ዓላዜሬኮ ሓይቦ"

1 ቢታኒያ ጌይንታ ጉርዴሎይዳ ናንጋ፥ ዓላዜሬ ጎዖ ዓሲሰኬይ ሃርጊንቴኔ፤ ቢታኒያ ጎዖዛ ማይራሞና ዒዛኮ ጌሮ ማርታና ናንጋ ጉርዳኬ። 2 ዬና ማይራማ ጎዳኮ ዑፃ ሳሙቃ ቲዦ ዋሂ፥ ዒዛኮ ቶኮዎ ዒዛኮ ቶኦኮ" ጋፓኖና ዑጩዜሎኬ፤ ሃርጊንቴሢ ዒዛኮ ጌርሲ ዓላዜሬኬ። 3 ዬንሢ ዎሊኮ ጌኤዶና ሚሾና ማዕዘንሢ፡- «ጎዳሢየ! ኔ ናሽካ ኔኤኮ ላጋሢ ሓርጊንቴኔ» ጌይ ዔያታ ዬሱሴ ባንሢ ዔኤሊ"ሢ ዳኬኔ።

4 ዬሱሴ ዬያ ዎይዛዖ፡- «ዬይ ሃርጋ ዎዲያቱዋሴ፤ ጋዓንቴ ፆኦሲ ቦንቾም ማዓንዳጉዲና ፆኦሲ ናዓሢያ ዬያ ዛሎ"ና ቦንቾንታንዳጉዲኬ» ጌዔኔ።

5 ዬሱሴ ማርታና ጌሮ ማይራሞና ሃሣ ዔያቶኮ ጌርሲ ዓላዜሬያ ሚርጌ ናሽካያኬ። 6 ማዔቲያ ዓላዜሬ ሓርጌሢ ዎይዜዖ ዒ ዓኣ ቤዘይዳ ላምዖ ኬሊ" ፔኤቄኔ። 7 ዬካፓ ዒዛኮ ጊንፆ ሃንታዘንሢ ኮራ፡- «ዪሁዳ ዓጮ" ላሚ ኑ ዓኣዶም» ጌዔኔ።

8 ዒዛኮ ጊንፆ ሃንታዘንሢያ ማሃዖ፡- «ዔርዛሢየ! ዓይሁዶ ዓሳ ዳካ" ኬሊ"ኮ ቤርታ ዳይ ኔና ዎዳኒ ኮዔኔ፤ ሃሢ ኔ ላሚ ዒኢካ ዓዓኣዳኒ ጋዓ?» ጌዔኔ።

9 ዬሱሴ ዔያቶም ማሃዖ፡- «ዓባ" ኬሰኪ ጌላንዳሢኮ ጋራ ታፂ ላምዖ ፓቂንታ ዎዳ" ቢያ ፖዔቱዎይ? ዓካሪ ሓያ ዓጮ" ፖይይዳ ሃንታሢ ዛጋያታሢሮ ዳቂንቴዋሴ። 10 ጋዓንቴ ዳሚና ሃንታሢ ፖዒ ባኣያታሢሮ ዳቂንታኔ» ጌዔኔ። 11 ዬሱሴ ዬያ ጌዔሰካፓ፡- «ኦኦኮ

ላጋሢ ዓለዜሬ ገንዔ፤ ታኢ ጋዓንቴ ገንዓሰካፓ ዒዛ ጴቻኒ ዓኣዳንዳ፤» ጌዔ።

12 ዒዛኮ ገንዖ ሃንታዞንሢ፡- «ጎዳሢዮ! ገንዔያ ማዔቴ ዒዚ ፖዔ፤ ገይሢኸ» ዒዛሞ ጌዔ።

13 ዬሱሴኮ ዬያ ገይዖ ዓለዜሬ ሃይቄ፤ ገይዖኸ፤ ዔያቶሞ ጋዓንቴ ገንዖ ዛላ ከኤዚንቴያ ማሌ። 14 ዬያሮ ዬሱሴ ፔጌና ዔያቶሞ፡- «ዓለዜሬ ሃይቄ፤ 15 ዒንሢ ጉሙርቃንዳጉዲ ታኣኮ ዒኢካ ባኣያ ማዒዖ ዒንሢ ዛሎ"ሮ ማርጌ ታኣሞ ኮሺ ማዔ፤ ሃሢ ጋዓንቴ ኦኤኒ ዒዛ ባንሢ ዓኣዶሞ» ጌዔ።

16 ዬማና ሱንዓ «ሜንቴ» ገይንታ፡ ቶኦማኣሴ ሃንጎዋቶ ኮራ፡- «ኦኤኒያ ዬሱሴና ዋላ" ሃይቃኒ ዓኣዶሞ» ጌዔ።

ዬሱሴ ሓይቢፓ ዔቂሳያና ናንጊና ናንጊ ዒንጋያ ማዒዖ

17 ዬሱሴ ዓለዜሬ ዓኣ ቤዞ ሄላ"ኣና ዓለዜሬ ዱኡኪንቴንቴ ያይዳሳ ከሊ" ማዔያኸ። 18 ቢታኒያ ዬሩሳሌሚያፓ ሃካሢ ሃይሦ ሺያ ታኣኪሢ ማዓያኸ። 19 ማርታና ጌሮ ማይራሞናኮ ጌርሲ ሃይቄሢሮ ዶዲሻኒ ማርጌ ዓይሁዴ ዓሲ ዔያቶ ኮይላ" ሙኪ ዓኣ።

20 ማርታ ዬሱሴኮ ሙኪዖ ዋይዛዖ ጎይሢ ዔካኒ ዴንዴ፤ ማይራሞ ጋዓንቴ ጋራ ዓቲ"። 21 ማርታ ዬሱሴ ኮራ፡- «ጎዳሢዮ! ኔኤኒ ዋንዴ ሃይካ ዓኣቴ ታ ጌርሲ ሃይቄንዱዋያታንቴኸ፤ 22 ሓሢታቴያ ኔኤኒ ሺኢቃ ባኮ ቢያ ያኦሲ ኔኤሞ ዒንጋንዳሢ ታ ዔራ፤» ጌዔ።

23 ዬሱሴ ማሃዮ፡- «ጌርሲ ኔኤኮ ሃይባ"ፓ ዔቃንዳ፤» ጌዔ።

24 ማርታ ዒማ"ና፡- «ጋፒንዖ ዋዶ"ና ሃይባ"ፓ ዔቃንዳሢ ታ ዔራ፤» ጌዔ።

25 ዬሱሴ ማሃዮ፡- «ሃይቢፓ ዔቂሳሢና ናንጊና ናንጊ ዒንጋሢ ታናኸ፤ ታና ጉሙርቃሢ ሃይቄቴታዖ ናንጊና ናንጋንዳ፤ 26 ታኣና ናንጋሢ ሃሢ ታና ጉሙርቃሢ ቢያ ፔቴ"ታዖ ሃይቃዓኸ፤ ዬያ ኔ ጉሙርቃ?» ጌዔ።

27 ዒዛኣ፡- «ሂዮ፡ ጎዳ! ኔኤኒ ሃያ ዓጮ" «ሙካንዳ፤» ገይ ኦ ካፓ፡ ያኦሲ ናኣዚ"፤ ሜሲሔ ማዒሢ ታ ኔና ጉሙርቃ፤» ዒዛሞ ጌዔ።

28 ማርታ ዬያ ጌዔሢኮ ገንዖ ዴንዲ ጌሮ ማይራሞ ኮራ፡- «ዔርዛሢ ሙኪ ኔና ዔኤላ"፤» ገይ ዴሚና ዒዛ ዔኤላ"፤። 29 ማይራሞ ዬያ ዋይዛዖ ዑኸ ዔቂ ዒዚ ዓኣ ቤዞ ዴንዴ። 30 ዬሱሴ ዒማ"ና ማርታ ዋንዴ ዒዛ ጎይሢና ዔኸ ቤዞይዳፓ ሃጊ ሃንጋ ጉርዶ ጌሊባኣሴ። 31 ዒዛ ዶዲሻኒ፡ ማኣሮይዳ ዋላ" ዓኣ፡ ዓይሁዴ ዓሳ ማይራሞ ዑኸና ዔቂ ከሰካሢ ዛጋዖ ዓለዜሬኮ ዱኡፓ ቤዞ ዓኣዲ ዬኤካንዳያ ዔያቶሞ ማሌሢሮ ዒዛ ገንዖ ከሰከ።

32 ማይራማ ዬሱሴ ዓላ ቤዘ ሙኪ ዒዛ ዴንቁስካፓ ቶኮ" ዴማ" ሎአማዮ:- «ጎዳሢዮ! ኔኤኒ ዋንዴ ሃይካ ዓላያታቶ ታኣኮ ጌርሲ ሃይቁንዳዋያታንቴኬ» ዒዛም ጌዔኔ።

33 ዬሱሴ ዒዛንታ ዒዛ ኮይላ" ዓላ ዓይሁዶ ዓላ ዬኤካሢ ዛጊ ዒናፓ ዲቃቲ ያያዮ:- 34 «ዒንሢ ዒዛ ዋካ ዴኡኬይ?» ጋዓዛ፡ ዒያታ ማሃዮ:- «ጎዳሢዮ! ሃኒ ሙኪ ዛጊ» ጌዔኔ።

35 ዒማ"ና ዬሱሴ ዓቢቲ ዬኤኬኔ። 36 ዬያሮ ዓይሁዶ ዓላ:- «ዋዚ ዒዛ ናሽካቲያ ሂንዳ ዛጉዋቲ!» ጌዔኔ።

37 ዒያቶይዳፓ ፔቲ" ፔቲ"ዘንሢ ጋዓንቴ:- «ዓኣፖ ባይቁሢኮ ዓኣፖ ዒ ቡሌ"ኔ፤ ዓካሪ ሃይ ዓሢ ሃይቁዋጉዲ ቃዙዋዮ ዓይጋ ዒ ሃሹራ?» ጌዔኔ።

ዬሱሴ ዓላዜሬ ሃይባ'ፓ ዒቁሴሢሢ

38 ዬሱሴ ዒማ"ና ዳጋዲ ዴኡፖ ቤዘ ዓላዳኔ፤ ዴኡፖ ዒቶ" ካራ" ሹቲና ዋዲንቴያ ዴኔ ቆኦቴኬ። 39 ዬሱሴ ዒያቶ ኮራ:- «ሹጫሢ ሸኢሹዋቲ» ጋዓዛ፡ ሃይቁሢኮ ጌራ፡ ማርታ:- «ጎዳሢዮ! ዒዚ ሃይቁንቴ ያይዶ ኬሊ"ኬ፤ ሃሢ ዛዛዓንዳኔ» ጌዔኔ።

40 ዬሱሴ ዒዛም ማሃዮ:- «ኔኤኒ ጉሙርቁቶ ያኣሲኮ ቦንቾ ኔ ዛጋንዳኔ፤ ቤርታታ ኔኤም ጌይባይ?» ጌዔኔ። 41 ዓላ ዬማና ሹጫሢ ሸኢሹኔ፤ ዬካፓ ዬሱሴ ለካ ዴ'ግ ጌይ ዛጋዮ:- «ታ ዓዳሢዮ! ኔታኣም ዋይዜሢር ታ ጋላታኔ፤ 42 ቢያ ዋዴና ኔ ታኣም ዋይዛሢያ ታ ዒራኔ፤ ጋዓንቴ ዬያ ታ ጋዓሢ ሃይካ ዒቁ ዓላ ዓላ ኔኤኒ ታና ዳኬያ ማዔሢ ዒሪ ጉሙርቃንዳጉዲ ጌይኬ» ጌዔኔ። 43 ዬሱሴ ዬያ ጌዒስካፓ:- «ዓላዜሬ! ሃኒ ኬሰኬ!» ጌይ ዑኡዘ ዴ'ግዲ ዒኤሌ"ኔ። 44 ሃይቁ፡ ዓላዜሬያ ዴኡፓፓ ኩጮና ቶኮ"ና ዒዛኮ ሱኡዲ ቱኮ"ና ጎይሢ ዓኣፖ ካራ"ኣ ዓፒሎ ቱርጮና ማርቲ ጎይሢ ዓኣንቴ ኬሰኬኔ፤ ዬካፓ ዬሱሴ:- «ቡሊ" ዒዛ ሃሹ"ዋቲ፡ ዒ ዴንዶም» ዒያቶም ጌዔኔ።

ኪሪሰቶሴ ዑፃ ማዲንቴ ፑርታ ማዳ

(ማቴ. 26፡1-5፤ ማር. 14፡1-2፤ ሉቃ. 22፡1-2)

45 ማይራም ዴዲሻኒ ሙኬ፡ ዓይሁዶ ዓላይዳፓ ሚርጌሢ ዒ ማዴ ባኮ ዛጋዮ ዬሱሴ ጉሙርቁኔ። 46 ፔቲ" ፔቲ" ዓላ ጋዓንቴ ፔርሴ ዓላ ባንሢ ዴንዲ ዬሱሴ ማዴ ባኮ ዒያቶም ኬኤዜኔ። 47 ዬያር ቁኤሶኮ ሱኡጎና ፔርሴ ዓላና ዋጎ ዋጋ ዓላ ቡኩሳዮ:- «ሓይ ዓሢ ሚርጌ ያኣሲ ዋልቁና ማዲንታ፡ ዓኪ ባኣዚ" ማዳሢር ኑ ዋዴቲ ኮሽካንዳይ? 48 ጉሪ ኑ ዒዛ ሃሹ"ቲ ዓሲ ቢያ ዒዛ ጉሙርቃንዳኔ፤ ሮሚ ዓላኣ ሙኪ ኑኡኮ ጌኤኩ ማኣርና ኑኡኮ ዴር"ና ቢያ ባይዛንዳኔ» ጌዔኔ።

49 ዬሮ ሌዖና ቄሌሶስ ሱኡጎ ማዒ ዓኣ፥ ዔያቶይዳፓ ፔቴ"ሢ፥ ቃያፓ፡- «ዒንሢ ዔኤቢ ፔቴ"ታ? ዔሩዋሰ፤ 50 ዴራ" ቢያ ባይቃሢዳፓ ፔቴ" ዓሲ ዴሮ" ዛሎ"ሮ ሓይቄቴ ኮሺ ማዔሢ ዒንሢ ዔሩዋዓዳ?» ጌዔኔ። 51 ዒዚ ዬያ ጌዔሢ ፔ ቶኦካ"ፓ ማሊ ዔከቱዋሴ፤ ጋዓንቴ ዬሮ ሌዖና ዒዚ ቄሌሶስ ሱኡጌ ማዔሢሮ ዬሱሴ ዴሮ" ዛሎ" ሃይቃንዳሢ ያኦሲ ማሊሢ ዒ ኬኬኤዜኔ። 52 ዒ ሃይቃንዳሢ ዴሮ" ዛሎ" ሌሊ ማዒባኦንቴ ዳከንቴ ዴማ ዴማ ላኦሊንቴ ዓኣ ያኦሲ ናኦቶ" ፔቴ"ይዳ ሱኩሳኒከ።

53 ዬያሮ ዬሮ ኬላ"ፓ ዓርቃዖ ዔያታ ዬሱሴ ዎዳኒ ዘርቴኔ። 54 ዬካፓ ሴካ ዬሱሴ ዓይሁዴ ዓሶባኦካ" ፔጌና ሃንቴባኦሴ፤ ጋዓንቴ ዬካፓ ኬሰኪ ዓሲ ናንጉዋ ዳውሎ" ኮይላ" ዓኣ ዔፕሬኤማ ጌይንታ ካታማ ዴንዲ፥ ዒኦካ ዒዛኮ ጊንዖ ሃንታዘንሢና ዎላ" ዴዔኔ።

55 ዓይሁዴ ዓሶኮ ዑሣ ዓኣዲያ ቦንቾ ኬላ" ዑኩሢሮ ሚርጌ ዓሳ ዬና ቦንቾ ኬሌ"ላ ሄላ"ንዳሢኮ ቤርታ ፔና ጌኤሺያ ዎጎ ኩንሢኒ ዓጫ"ፓ ዓጫ"ፓ ዬሩሳላማ ዴንዴኔ፤ 56 ዔያታ ዬሱሴ ኮዓያታሢሮ ጌኤዢ ማኣርይዳ፡- «ዓይጎ ዒንሢም ማላይ? ሃሮ" ቦንቾ ኬሎ" ቤዘ ዒ ሙካንዳያ ዒንሢም ማሎዋይ?» ጌይ ጌይ ዎሊ ያኦጫኔ። 57 ቄሌሶስ ሱኡጎና ፔርሴ ዓሶና ዬሱሴ ዓርቃኒ ዒ ዓኣ ቤዘ ዔራ ዓሲ ዓኣቶ ዔያቶም ኬኤዛንዳጉዲ ዓሲ ቢያም ቤርታ ኬኤዜያከ።

12

ሳውቃ ቲዠና ዬሱሴ ቲሽኬ ላኦሌሎ
(ማቴ. 26፥6-13፤ ማር. 14፥3-9)

1 ዓይሁዴ ዓሶኮ ዑሣ ዓኣዲያ ኬሎ" ቦንቻኒ ላሆ" ኬሊ" ዓታዛ ዬሱሴ ቢታኒያ ጎዖ ጉርዳ ዓኣዴኔ፤ ዬሱሴ ሃይባ"ፓ ዔቂሴ፥ ዓላዜሬ ናንጋሢ ዬሮ ጉርዴሎይዳከ። 2 ዬሱሴም ዒኦካ ዬሮ ዋንቴሎ ሙኡዚ" ጊኢጊሺንቴኔ፤ ዬሮ ሙዖ ሙኡዛዛ ማርታከ፤ ዬማና ሙዒኒ ዴዔ ዓሶይዳፓ ዓላዜሬ ፔቴ"ሢከ። 3 ዒማ"ና ማይራማ ሻንቾናቴ ሚርጌ ሚኢሺ ኬሳ"ንዳያ፥ ቦንቾንቴ፥ ናርዶሴ ጌይንታ ሳውቃ ቲሺ ደሎዜኮ ጊዲሚሺ ማዓንዳያ ዔኪ ሙኪ ዬሱሴኮ ቶካ" ዎሄኔ፤ ዬካፓ ዒዛኮ ቶኦኮ" ጋፕኖና ቶኮ ዑጩኔ፤ ዬሮ ኬኤደሎኮ ጋራ ቲዠ ሳዎና ኩሜኔ። 4 ዬሱሴኮ ጊንዖ ሃንታ ናኦቶ"ይዳፓ ፔቴ"ሢ፥ ዒዛ ዓኣሢ ዒንጋንዳ ዓሰቆርንቶ ካታማፓ ማዔ ዪሁዳ፡- 5 «ሓይ ሳውቃ ቲዠ ፔቴ" ዓሲ ሃይሦ ያኤታ ኬሊ" ማዴም ዒንጎንዶ ሚኢሺም ሻንቾንቴ፤ ሚኢሻ ማንቆ ዓሶም ዓይጎሮ ዒንጊንቴዎይ?» ጌዔኔ።

6 ዲዛ ዬያ ጌዔሢ ማንቆ ዓሶ ሚጪንቲቱዋንቲ ወሲ ማዔሢሮኬ፤ ዒማና ዲዛ ሚኢሹ ዓርቃያ ማዔሢሮ ሚኢሹ ዒ ጌሣ ቤዛፓ ዔኪ ዔኪ ዔሬያኬ።

7 ዬሱሴ፦ «ታኣኒ ዱኡኪንታንዳ ኬሎ"ሞ ዒዛ' ታና ገኢጊሻያ ማዔሢሮ ዒዛ ሃሹ"ዋቲ። 8 ማንቆ ዓሶ ቢያ ኬሊ" ዒንሢና ዋላ"ኬ። ታኣኒ ጋዓንቲ ቢያ ኬሊ" ዒንሢና ዋላ"ቱዋሴ» ጌዔኔ።

9 ዬማና ሚርጌ ዓይሁዴ ዓሲ ዬሱሴ ቢታኒያይዳታሢ ዔሪ ሙኬኔ፤ ዔያታ ሙኬሢ ዬሱሴ ዛሎ"ሮ ለሊቱዋንቲ ዬሱሴ ሃይባ"ፓ ዔቁሴ፤ ዓላዜሬያ ዛጋኒኬ። 10 ዬያሮ ቁኤሶኮ ሱኡጋ ዓላዜሬያ ዋዳኒ ዘርቲኔ። 11 ዓይጎሮ ጌዔቶ ዒዛይዳፓ ዔቁያና ሚርጌ ዓይሁዴ ዓሶ ፔኤኮ ዔኪ ዓኣዳ ዓሶ ሃሺ" ሃሺ" ዬሱሴ ጉሙርቃሢሮኬ።

ዬሱሴኮ ቦንቾና ዬሩሳሌሜ ጌሊያ

(ማቴ. 21፡1-11፤ ማር. 11፡1-11፤ ሉቃ. 19፡28-40)

12 ዚሮ ጉቲሎ ዑሣ ዓኣዲያ ቦንቾ ኬሎ" ቦንቻኒ ሙኬ፤ ሚርጌ ዓሶ ዬሱሴ ዬሩሳሌሜ ሙካያ ማዔሢ ዋይዜኔ። 13 ዬያሮ ዔያታ ዒማ"ና ዓኣዔ ሜኤፄ ዓርቂ ኬሰካዎ፦ «ፆኦሲ ጋላቲንቶም! ጎዳ ሱ"ንያና ሙካ፤ ዒሰራዔኤሌኮ ካኣታሢ ዓንጂንቲያኬ!» ጌይ ጌይ ዒላቲኔ።

14 ዬሱሴ ሃሬ ናይ ዳካ" ዴንቃያ ዒማ" ቶጌኔ፤ ዬይ ያዲ ማዔሢ፦

15 «ሃና" ኔኤኒ፤ ፂዮኔ ካታሜሌ፤ ዬሩሳሌሜ ዒጊጪፖ፤

ሓይሾ ኔኤኮ ካኣታ"ሢ ሃሬ ናይ ቶጊ ሙካኔ»

ጌይንቲ ፆኣፒንቲሢ ኩማንዳጉዲኬ።

16 ዬሱሴኮ ጊንያ ሃንታዞንሢሞ ዬይ ባካ ቤርታ ዔርቲባኣሴ፤ ጋዓንቲ ዬሱሴ ቦንቾና ሌካ ጫሪንጮ ዔውቲ ዋዶ"ና ዬይ ባካ ዒዛ ዛሎ" ፆኣፒንቲሢና ሃሣ ዒዛሞ ማዲንቲሢ ዔያታ ጳቂሲ ዔሬኔ።

17 ዬሱሴ ዓላዜሬ ዱኡፓፓ ዔኤሊ"፤ ሃይባ"ፓ ዔቁሳማና ዒዛና ዋላ" ዓኣ ዓሶ ቢያ ዒዚ ዓላዜሬ ሃይባ"ፓ ዔቁሴሢ ማርካዳኔ። 18 ሚርጌ ዓሶ ዬሱሴ ጎይሣ ዔካኒ ኬሰኬሢ ዬያ ፆኦሲ ዋልቆና ማዲንቲ ዓኮ ባኮ ዒ ማዴሢ ዋይዜሢሮኬ። 19 ዒማ"ና ፔርሴ ዓሶ፦ «ሃኣዛጉዋቲ፤ ዴራ" ቢያ ዒዛ ጊንያ ኬሰኬኔ! ኑ ፔቲ" ባኣዚ"ታያ ማዲኒ ዳንዳዑዋኣሢ ዒንሢ ዛጋ?» ዋሊ ኮይላ" ጌዔኔ።

20 ዬዮ ቦንቾ ኬሎ"ና ዚጊ ካኣሽኮሮ ዬሩሳሌሜ ዓኣዴ ዓሶ ባኣካ" ፔቲ" ፔቲ" ጊሪኬ ዓጪ ዓሲ ዓኣኔ። 21 ዔያታ ጌሊላይዳ ቤቲሳይዳ

ጌይንታ ዓጮ" ዓሢ ማዕ፥ ፒልጶስ ኮራ ሙኪ፡- «ጎዳሢሃ! ዩሱስ ዛጋኒ ኑ ኮዓኔ» ጌዔኔ።

²² ፒልጶስ ዴንዲ ዲንዲራሴም ኬኤዜኔ፤ ዩካፓ ዲንዲራሴና ፒልጶሴና ዴንዲ ጊንሣ ዩሱሴም ኬኤዜኔ። ²³ ዩሱሴ ዒያቶም፡- «ሓይሾ ዓካሪ ዓሲኮ ናዓሢ ቦንቹንታ ዋዳ" ሄለ"ኔ፤ ²⁴ ጎኔ ታ ዲንሢም ጋዓኔ፤ ዓሲ ሃይቂ ዱኡታሢጉዲ ጉሞቡሦኮ ፔቲ" ዓኣፒ ዱኡቂንቲባኣያታቲ ፔኤሮ ሌሊ ማዒ ዓታኔ፤ ጋዓንቲ ዱኡቂንቲያታቲ ሚርጌ ዓኣፒ ዓኣፓኔ። ²⁵ ፔኤኮ ናንጎ ጾኦሲፓ ባሽ ናሽካሢ ባይዛንዳኔ፤ ሓያ ዓጮ"ይዳ ፔ ናንጎይዳፓ ባሽ ጾኦሲ ናሽካሢም ጋዓንቲ ናንጊና ናንጊ ጌኢጊ ዓኣኔ። ²⁶ ታኣም ማዳኒ ኮዓሢ ታ ጊንዖ ሙኮንጎ፤ ታኣኒ ዓኣ ቤዘይዳ ታኣም ማዳሢያ ዒኢካ ማዓንዳኔ፤ ታኣም ማዳሢ ታ ዓዴ ዒዛ ቦንቻንዳኔ» ጌይ ማሄኔ።

ዩሱሴ ፔና ሄለ"ንዳ ሜታሢና ሃይቦ"ና ዛሎ" ኬኤዜሢ

²⁷ ዩካፓ ዩሱሴ፡- «ዓካሪ ታኣኮ ሽምፔላ ሚርጌና ሜታዴኔ፤ ታ ዓዳሢሃ! ሃያፓ ታና ኔ ዳቂሽ ጎዖንዶ?» ዩያ ታ ጎዑዋጉዲ ታኣኒ ሙኬሢ ሃና" ሜቲሎምኬ። ²⁸ ታ ዓዳሢሃ! ኔኤኮ ሱ"ንዖ ቦንቹ» ጌዔኔ። ዩካፓ፡- «ታኣኮ ሱ"ንዖ ታ ቦንቹኔ፤ ሃሣ ታ ቦንቻንዳኔ!» ጋዓ ዑኡሲ ጫሪንጫፓ ዋይዚንቲኔ።

²⁹ ዒኢካ ዓቂ ዓኣ ዓሳ ዩያ ዑኡዛ ዋይዛዖ፡- «ጉጉንሢ!» ጋዓዛ፡ ዛላ" ሃሣ፡- «ጾኦሲ ከኢታንቻ ዒዛና ጌሰታኔ» ጌዔኔ።

³⁰ ዩሱሴ ጋዓንቲ፡- «ሓይ ዑኡዛ ዲንሢም ኬኤዚንቲያ ማዓንዳኣፓዓቲም ታኣም ኬኤዚንቲያቲዋሴ፤ ³¹ ዓጫ" ሃይ ዋጊንታንዳ ዋዳ" ሃሢኬ፤ ሃያ ዓጮ" ዋይሣ ፃላሄ ዙላ" ኬኤሪንታንዳሢያ ሃሢኬ፤ ³² ታኣኒ ሳዓፓ ዴ"ግ ጌዔ ዋድ"ና ዓሳ ቢያ ታ ባንሢ ሙኪ ዳቃንዳጉዲ ታ ማሃንዳኔ» ጌዔኔ። ³³ ዩሱሴ ዩያ ጌዔሢ ዋዚጉዴ ጎይሢና ዒ ሃይቃንዳቲያ ዔርዛኒኬ።

³⁴ ዓሳኣ ማሃዖ፡- «ኑኡኮ ዋጎይዳ ፃኣፒንቲም ኑ ዛጋሢ ሚሲሔ ናንጊና ናንጋኔ» ጋዓያኬ፤ ዓካሪ ኔኤኒ ሳሲኮ ናዓሢ ዴ"ግ ጋዓንዳያ ኮይሳኔ ዋዳ" ጋዓይ? ዩይ ዓሲኮ ናዓሢ ዖናዳይ?» ዒዛ ኮራ ጌዔኔ።

³⁵ ዩሱሴ ዒያቶም፡- «ሓሢ ዳካ" ዋዴ ዲንሢም ፖዒኬ፤ ጎይፃኣ ዲንሢ ዓኣንቲ ዲንሢም ዱሙዋንቲ፥ ፖዓ ዓኣ ጎይሣ ዓኣንቲ ሃንቱዋቲ፤ ዱሚና ሃንታሢ ዓንኮ ዴንዳቲያ ዔራዋያኬ። ³⁶ ዲንሢ ፖዒ ናይ ማዓንዳጉዲ ዲንሢኮ ፖዒሢ ዓኣንቲ ፖዒሢ

ጉሙርቁዋቱ» ጌይ ማሄኔ። ዩሱስ ዬያ ዔያቶም ኬኤዛየ ዓኣፓፓ ዔያቶኮ ዓኣሺንቲ ባይቄኔ።

ዓይሁዶ ዓሶኮ ጉሙርቁዋየ ዓቲያ

37 ዩሱስ ዬያ ያኦሲ ዋልቄና ማዲንታ ዓኮ ባኮ ዔያቶ ቤርቶይዳ ማዴቶዋ ዓይሁዶ ዓሳ ዒዛ ጉሙርቁባኣሴ። 38 ዬይ ያዲ ማዔሢ ያኦሲ ማሊያ ኬኤዛ ዒሲያሴ፡-

«ጎዳሢየ! ኑኡኮ ማርካቶ ያኦኒ ጎኔኬ ጌዔይ?

ያኦሲ ዋልቃ ሃሣ ያኦም ጰዴይ?»

ጌዒ ኬኤዜ ቃኣላ" ኩማንዳጉዲኬ። 39 ዬያሮ ዔያታ ጉሙርቃኒ ዳንዳዒባኣሴ፤ ዓይጎሮ ጌዔቲ ያኦሲ ማሊያ ኬኤዛ ዒሲያሴ፡-

40 «ዔያታ ፔኤኮ ዓኣፖና ዛጊ

ሃሣ ዒኖና ጰቂሢ

ያኦሲ ባንሢ ማዒ ዔያታ ዳቁዋጉዲ

ዒዚ ዔያቶኮ ዓኣፖ ባይዜኔ፤

ሃሣ ዒኖዋ ዶጨሴ።» ሂዚ ጌዒ ፃኣፔሢኬ።

41 ዒሲያሴ ዬያ ጌዔሢ ሜሲጼኮ ቦንሻ ዛጌሢኬ፤ ዬያሮ ሂዚ ጌዒ ዩሱስ ዛሎ" ኬኤዜኔ።

42 ያዲ ማዔቲያ ዓይሁዶ ዓሶኮ ሱኡጎይዳፓ ሃሣ ሜሌ" ሚርጌ ዓሲያ ዩሱስ ጉሙርቄኔ፤ ጋዓንቲ ዓይሁዶ ዓሳ ፔኤኮ ቡኪንቶ ቤዛፓ ዔያቶ ኬሱ"ዋጉዲ ፔርሴ ዓሶ ዒጊጩሢሮ ፔጌና ዔያታ ዩሱስ ጉሙርቃያ ማዔሢ ዔርዙዋሴ። 43 ዬያ ዔያታ ማዴሢ ያኦሲ ዔያቶ ናሽካሢፓ ባሽ ዓሲና ናሽኪንታኒ ኮዓሢኬ።

44 ዩሱስ ዒማ"ና ዑኡዘ ዴጊዲ፡- «ታና ጉሙርቃሢ ታና ሌለቱዋንቲ ታና ዳኬሢያ ጉሙርቃኔ፤ 45 ታና ዛጋሢ ታና ዳኬሢያ ዛጋኔ፤ 46 ታና ጉሙርቃሢ ቢያ ዴሚዳ ናንጉዋጉዲ ታኣኒ ፖዔ ማዒ ሃያ ዓጮ" ሙኬኔ። 47 ታኣኮ ቃኣሎ" ዋይዚ ማዶይዳ ፔኤሹዋኣሢ ዋጋንዳሢ ታናቱዋሴ፤ ዓይጎሮ ጌዔቲ ታኣኒ ሙኬሢ ዓጮ" ዳቁሻኒ ማዓንዳኣፓዓቲም ዓጮ"ይዳ ዋጋንቲዋሴ። 48 ታና ኮዑዋኣሢ ታኣኮ ቃኣሎ"ዋ ዔኩዋ ዓሶይዳ ዋጋንዳያ ዓኣኔ፤ ዬይያ፡- ታኣኒ ኬኤዛ ቃኣላ" ጋፒንያ ኬሎ"ና ፔኤሮ ዋጋንዳኔ። 49 ዓይጎሮ ጌዔቶ ታኣኒ ታ ቢታንቶና ኬኤዚባኣሴ፤ ታኣኒ ጋዓ ባኮና ኬኤዛ ዓይሢያ ታኣም ዒንጌሢ ታና ዳኬ ዓዶኬ። 50 ዒዛኮ ዓይሢያ ናንጊና ናንጊ ሺምፖ ዒንጋሢ ታ ዔራኔ። ዬያሮ ታኣኒ ኬኤዛሢ ዓዴ ታኣም ኬኤዜሢኬ» ጌዔኔ።

13

ዩሱፊ ዒዛኮ ጊንፆ ሃንታዞንሢኮ ቶኮ ማስኬሢ

1 ዩሱፊ ዒይሁዶ ዓሶኮ ዑሣ ዓኣዲፆ ቦንቾ ኬሎ"ኮ ቤርታ ሓያ ዓጮ" ሃሺ" ለካ ዓዶ ባንሢ ዓኣዳንዳሢ ዒሬኔ፤ ዩያሮ ሃያ ዓጮ"ይዳ ዓኣ፤ ዒዛም ማዔዞንሢ ቢያ ዒ ናሽኬኔ፤ ሃሣ ማቶ ጉቤ ዒያቶ ዛሎ" ዒካኒ ጋፒንሢ ዒ ዒያቶ ናሽኬኔ።

2 ዩሱፊና ዒዛኮ ጊንፆ ሃንታዞንሢና ዋላ" ሙኡዚ" ሙዓንቴ፡- ሲሞኦኔ ናዓሢ፤ ዓሰቆሮንቶ ካታሞ ዓሢ፤ ዪሁዳ ዩሱፊ ዓኣሢ ዒንጋንዳጉዲ ፃላሄ ዒዛኮ ዒኖይዳ ፑርታ ማለሢ ጌልዜኔ። 3 ዓዴ ቢታንቶ ቢያ ዒዛም ዒንጌሢና ፆኦሲ ዳኬም ዒ ሙኬሢ ሃሣ ፆኦሲ ባንሢያ ማዒ ዴንዳንዳሢ ዩሱፊ ዒራፆ፤ 4 ሙፆይዳፓ ዒቁ፤ ዓፒሎ ፔኤኮ ጌሢ ዋኣሢ ማስቴሰካፓ ዑጨንቶ ማርፆ ዒኪ ኬርና ቴኡቴኔ፤ 5 ዩካፓ ቶኮ ማሰቶ ጋባዶይዳ ዋኣሢ ዋሃፆ ፔኤኮ ጊንፆ ሃንታዞንሢኮ ቶኮ ማሰኪ ማሰኪ ኬርና ዒ ቴኬ" ዑጨንቶ ማርፆሎና ዒያቶኮ ቶኮ ዑጨሢ ዓርቁኔ። 6 ዩሱፊ ዩያይዳ ጎይሣ ሲሞኦኔ ጌይንታ ጴፂሮሴ ኮራ ሙካዛ ጴፂሮሴ፡- «ጎዳሢዮ! ኔኤኒ ታ ቶኮ ማሰካንዳ?» ጌዒኔ።

7 ዩሱፊ ማሃፆ፡- «ታኣኒ ማዳ ባኮ ሃሢ ኔ ዒራዓኬ፤ ጊንፃፓ ጋዓንቴ ኔ ዒራንዳኔ» ጌዒኔ።

8 ጴፂሮሴ ማሃፆ፡- «ኔኤኒ ታ ቶኮ ፔቴ"ታፆ ማሰካዓኬ» ዒዛም ጋዓዛ፡ ዩሱፊ፡- «ታኣኒ ኔኤኮ ቶኮ ማሰኪባኣታቴ ታኣና ዋላ" ፔቴሞ ኔኤኮ ባኣሴ» ዒዛም ጌዒኔ።

9 ጴፂሮሴ ማሃፆ፡- «ጎዳሢዮ! ፆዲ ማዒ ታኣኮ ቶኮ ሌለቱዋንቴ ኩጮንታ ሃሣ ቶኣኮ"ዋ ታኣኮ ማሰኬ!» ጌዒኔ።

10 ዩሱፊ ማሃፆ፡- «ዑፆ ማሰቴሢኮ ዑፆ ጌኤሺታሢሮ ቶኮ ማሰቴሢዳፓ ዓታዛ ሜሌ" ዒዛም ኮይሱዋሴ፤ ዒንሢ ሃሢ ጌኤሺኬ፤ ጋዓንቴ ቢያሢ ዒንሢ ጌኤሺቱዋሴ» ዒያቶም ጌዒኔ።

11 ዩሱፊ፡- «ቢያሢ ዒንሢ ጌኤሺቱዋሴ» ጌዒሢ ዓኣሢ ዒዛ ዒንጋንዳሢ ፆናታቴያ ዒራሢሮኬ።

12 ቶኮ ዒያቶኮ ዒ ማሰኬሰካፓ ፔኤኮ ማኣዓሢ ማይንቴ ፔ ቤዘይዳ ዴዓፆ፡- «ታ ዒንሢሞ ዓይጎ ማዴቴያ ዒንሢ ጳቂሢ ዒራያ?»

13 ዒንሢ ታና፡- «ዒርዛሢ ሃሣ ጎዳ» ጋዓኔ፤ ታኣኒ ዒርዛሢ ሃሣ ጎዳ ማዒሢሮ ዒንሢ ጌዒሢ ጎኔኬ። 14 ዓካሪ ታኣኒ ዒንሢኮ ጎዳ ሃሣ ዒርዛሢታፆ ቶኮ ዒንሢኮ ማሰኬቶ ዒንሢ ዋሊኮ ቶኮ" ማሰካንዳያ ኮይሳኔ። 15 ታኣኒ ዒንሢሞ ማዴ ባኮ ዒንሢያ ማዳንዳጉዲ ማለታ ታ ዒንሢሞ ዒንጌኔ። 16 ጎኔ ታ ዒንሢሞ ጋዓኔ፤ ማዳሢ ፔ ጎዳፓ

ባሸቱዋሴ፤ ከኢትንታዘንሢና ሐሣ ከኢታሢዳፓ ባሸቱዋሴ። 17 ዬያ ባኮ ዲንሢ ዔሪ ማዶይዳ ፔኤሼቶ ዓንጂንቲያ ዲንሢ ማዓንዳኔ።

18 «ሐያ ታ ከኤዛሢ ዲንሢ ቢያሢ ዛሎ"ሮቱዋሴ፤ ታ ዶኔሬዘንሢ ታ ዔራኔ፤ ጋዓንቲ «ታኣና ዋላ" ካሦ ሙዔሢ ታኣኮ ሞርኬ ማዔኔ» ጌይንቲ ጌኤዢ ማፃኣፖ ቃኣላ" ኩማንዳጉዲኬ።

19 ዬይ ማዓንዳሢኮ ቤርታ ሃሢ ታኣኒ ዲንሢም ቤርታሲ ከኤዛሢ ዬይ ኩሜሰካፓ ታ ዶኑሞ ዲንሢ ጉሙርቃንዳጉዲኬ። 20 ጎኔ ታ ዲንሢም ጋዓኔ፤ ታኣኒ ዳኬሢ ጎኔኬ ጌይ ዔካሢ፡- ታና ዔካኔ፤ ታና ዔካሢያ ሃሣ ታና ዳኬሢያ ጎኔኬ ጌይ ዔካኔ» ዔያቶም ጌዔኔ።

ዒዛ ዓኣሢ ዲንጋንዳሢ ያና ማዔቲያ ዬሱሴ ከኤዛሢ
(ማቴ. 26፥20-25፤ ማር. 14፥17-21፤ ሉቃ. 22፥21-23)

21 ዬሱሴ ዬያ ጌዔሰካፓ ማሊ ሜታዳዎ፡- «ጎኔ ታ ዲንሢም ጋዓኔ፤ ዲንሢዳፓ ፔቲ"ሢ ዓኣሢ ታና ዲንጋንዳኔ» ጌይ ፔጋሲ ከኤዛኔ።

22 ዒዛኮ ጊንዖ ሃንታዘንሢ ዬያ ዒ ያናኬ ጌይ ጋዓቲያ ዔሪባኣሢሮ ዋሊ ሴካ ሃንጋ ዛጌኔ፤ 23 ዬሱሴ ዒዛ ናሽካ፤ ዒዛኮ ጊንዖ ሃንታዘንሢዳፓ ፔቲ"ሢ ዬሱሴ ሄሊ" ዴዒ ዓኣኔ። 24 ሲሞኦኔ ጌይንታ ጳፂርሴ ዬያ ዉታዎ፡- «ዒ ዬያ ያናኬ ጌይ ጋዓቲያ ሂንዳ ዬሱሴ ያኦጩ» ጌዔኔ።

25 ዬያሮ ዒዚ ዬሱሴ ባንሢ ዛላዲ ሂርኪ ጌዔሰካፓ፡- «ጎዳሢየ! ዬይ ያናዳይ?» ጌይ ዒዛ ያኦጩኔ።

26 ዬሱሴ ማሃዎ፡- «ሃይ፤ ካሦ ታ ዋዖና ዓይሢ ዔኪ ኩልጎንዳሢ ዒዛኬ» ጌዔኔ። ዬያ ጌዔሰካፓ ካሦ ዋዖና ዓይሢ ዔኪ ዓሰቆሮንቶ ካታሞ ዓሢ፤ ሲሞኦኔ ናኣዚ"፤ ዪሁዳ ኩልሴኔ። 27 ዪሁዳ ካሦ ኩኡሌሰካፓ ቤዘማና ፃላሄ ዒዛይዳ ጌሌኔ፤ ዒማ"ና ዬሱሴ ዪሁዳም፡- «ኔኤኒ ማዳኒ ማሌ ባኮ ሃሢ ዑኩና ማዴ» ጌዔኔ።

28 ዬሱሴ ዓይጎሮ ዬያ ጌዔቶሞ ሙዖይዳ ዴዔዘንሢዳፓ ያኦኒያ ዔሪባኣሴ። 29 ዪሁዳ ሚኢሾ ዓርቃያ ማዔሢሮ ዬሱሴኮ ጊንዖ ሃንታዘንሢዳፓ ፔቲ" ፔቲ"ዘንሢም ዒዚ፡- «ቦንቾ ከሎ"ም ኮይሳ ባኣዚ" ኑም ሻንቄ፤ ሃሣ ማንቆ ዓሶም ሚኢሾ ዲንጌ» ዪሁዳም ጌዔያ ማሌኔ።

30 ዪሁዳ ዬኖ ካሦ ኩኡሌሢዳፓ ቤዘማና ከሰኪ ዓኣዴኔ፤ ዬማና ሳዓ ዴሚኬ።

ዓኮ ዓይሢያ

13:16 ማቴ. 10፥24፤ ሉቃ. 6፥40፤ ዮሐ. 15፥20። 13:18 ዓይኔ. 41፥9።

13:20 ማቴ. 10፥40፤ ማር. 9፥37፤ ሉቃ. 9፥48፤ 10፥16።

31 ይሁዳ ከሰከ ዓላዴሰካፓ ይሱሴ፡- «ዓካሪ ዓሲኮ ናዓሢ ለንቸንቴኔ፤ ዒዛ ዛሎ"ና የአዛሢያ ለንቸንቴኔ፤ 32 የአሲ ዒዛ ዛሎ"ና ለንቸንቴያ ማዕቶ የአሲያ ፔ ናዓሢ ፔኤና ዋላ" ለንቸሳንዳኔ፤ ኔጉዋዎ፡ ሃሢ ዒዛ ለንቸሳንዳኔ። 33 ናይዮቴ! ታ ዒንሢና ዋላ" ሚርጌ ዋዴ ዴዓዓኬ፤ ዒንሢያ ታና ኮዓንዳኔ፤ ዓይሁዶ ዓሶ ዋይሢ ዓሶም <ታኣኒ ዴንዳ ሴዘ ዒንሢ ሙካኒ ዳንዳዒንዱዋሴ> ታ ጌዔሢጉዲ ሃሢ ታ ዒንሢማእ ያዲ ጋዓኔ። 34 ዋሊ ዒንሢ ናሽካንዳጉዲ ዓኪ ዓይሥሢ ታ ዒንሢ ዓይሣኔ፤ ታ ዒንሢ ናሽኬሢጉዲ ዒንሢያ ዋሊ ናሽኩዋቴ። 35 ዋሊ ዒንሢ ናሽኬቴ ዒንሢ ታኣኮ ጊንዩ ሃንታዘንሢ ማዕሢ ዓሲ ሲያ ዬያና ዔራንዳኔ» ጌዔኔ።

ጴዊርሴ «ታ ዒዛ ዔራዋሴ» ጋዓንዳሢ ይሱሴ ከኤዘሢ
(ማቴ. 26፡31-35፤ ማር. 14፡27-31፤ ሉቃ. 23፡31-34)

36 ዩካፓ ሲሞኦኔ ጌይንታ ጴዊርሴ ይሱሴ ኮራ፡- «ጎዳሢዮ! ኔኤኒ ዓንኮ ዳንዳንዳይ?» ጌይ ዒዛ የአጫዛ፡ ይሱሴ ማሃዎ፡- «ታኣኒ ዴንዳ ሴዘ ሃሢ ኔ ታ ጊንዩ ሙካኒ ዳንዳዒንዱዋሴ፤ ጊንዩፓ ኔ ጋዓንቴ ሙካንዳኔ» ጌዔኔ።

37 ጴዊርሴ ጊንሣ፡- «ጎዳሢዮ! ዓይጎር ሃሢ ታ ኔ ጊንዩ ሙካኒ ዳንዳዑዋይ? ታኣኒ ታኣኮ ሽምፓሢታዎ ኔ ጋይቴ ዓኣሢ ዒንጋንዳኔ» ጌዔኔ።

38 ይሱሴ፡- «ኔኤኒ ታ ጋይቴ ኔኤኮ ሽምፓሢ ዓኣሢ ዒንጋንዳ? ጎኔ ታ ኔኤም ጋዓኔ፤ ሃኖ" ኮይዳ ቁኢቃንዳሢኮ ሴርታ ሃይሢ ማይንቴ <ታ ዒዛ ዔራዋሴ> ኔ ታና ጋዓንዳኔ» ጌይ ዒዛም ማሄኔ።

14

ይሱሴ ፔኤኮ ጊንዩ ሃንታዘንሢ ደዲሼሢ

1 ዩካፓ ይሱሴ፡- «ዒንሢኮ ዒኖ" ማሊ ሜታደፓ፤ የአሲ ጉሙርቁዋቴ፤ ታናኣ ጉሙርቁዋቴ፤ 2 ታ ዓዶ ኮሮይዳ ሚርጌ ናንጎ ሴሲ ዓኣኔ፤ ያዲ ማዒባኣታቴ <ዒንሢ ናንጋንዳ ሴዘ ታ ጊኢጊሻኒ ዓኣዳንዳኔ> ታ ዒንሢም ጌይንዱዋያታንቴኬ። 3 ታኣኒ ዴንዲ ዒንሢም ሴዘ ጊኢጊሼሰካፓ ታኣኒ ዓኣ ሴዘይዳ ዒንሢያ ናንጋንዳጉዲ ላሚ ታ ሙኪ ዒንሢ ዔካንዳኔ። 4 ታኣኒ ዴንዳ ሴዘ ሄሊ"ሳ ጎይዩ ዒንሢ ዔራኔ» ጌዔኔ።

ለካ ዓዶ ባንሢ ሄሊ"ሳ ጎይዩ

5 ቶኦማስ ሲማኑ:- «ጎዳሂህ! ባንኮ ኔ ባኣዳቶዎ ኑ ዔሩዋሴ፤ ሂዳዎ ጎይዎ ኑ ዋዲ" ዔራሲ ዳንዳባንዳይ?» ዬሱስ ኮራ ጌዔኔ።

6 ዬሱስ ሲዛም:- «ጎኑሞና ጎይፃሂና ሸምፓሂያ ታናኬ፤ ታ ዛሎ"ና ማዒባኣታዎ ያኢያ ዓዶ ኮራ ሙካንዳይ ባኣሴ። 7 ታና ሲንሂ ዔሬያታቱ ታ ዓዶዎ ሲንሂ ዔሬያ ናንዳንቴኬ፤ ሃካፓ ሴካ ጋባንቴ ሲንሂ ዔራንዳኔ፤ ሲዛ ሲንሂ ዛጌኔ» ጌዔኔ።

8 ፒልጶሴ:- «ጎዳሂህ! ዓዶ ኦና ኔ ዳዌቱ ማይ ኑም ጊዳንዳኔ» ሲዛ ኮራ ጌዔኔ።

9 ዬሱስ ሲዛም:- «ፒልጶሴ! ሐያጉዴ ዋዴ ታ ሲንሂና ዋላ" ናንጋዛ ኔ ታና ዔሩዋዓዳ? ታና ዛጌሂ ዓዶ ዛጌኔ፤ ሂዳዎ ባካሪ ኔኢኒ (ዓዶ ኦና ዳዌ) ዋይቲ ጋዓይ? 10 ታኣኒ ዓዶና ዋላ" ባኣሂ ሃሃ ዓዴያ ታኣና ማዔሂ ኔ ጉሙርቁዋዓዳ? ሲንሂም ኬኤዛ ቃኣሎ" ታኣኒ ኬኤዛሂ ታ ቢታንቶናቱዋሴ፤ ጋባንቴ ማዶ" ቢያ ማዳሂ ታኣና ናንጋ፡ ዓዶኬ። 11 ታኣኒ ዓዶና ባኣሂጉዲ ዓዴያ ታኣና ባኣሂ ታ ሲንሂም ኬኤዛሂ ጉሙርቁዋቱ፤ ዬይ ዓቱቱ ታኣኒ ማዳ ዓኮ ባኮ ዛሎ"ሮታዎ ታና ጉሙርቁዋቱ። 12 ጎኔ ታ ሲንሂም ጋዓኔ፤ ታና ጉሙርቃሂ ታኣኒ ማዳ ማዶ" ማዳንዳኔ፤ ዬያፓ ዑሃ ባኣዳ ባኣዚ"ያ ማዳንዳኔ፤ ዓይጎሮ ጌዔቱ ታኣኒ ለካ ታ ዓዶ ባንሂ ዴንዳንዳኔ። 13 ዓዴ ናዓሂ ዛሎ"ና ቦንቹንታንዳጉዲ ታ ሱንዎና ሲንሂ ሸኢቃ ባኮ ቢያ ታ ሲንሂም ማዳንዳኔ። 14 ዓይጎ ባኣዚ"ታቶዎ ታ ሱንዎና ሲንሂ ሸኢቆቶ ታ ማዳንዳኔ» ጌዔኔ።

ዓያና ጌኤዡ ዛሎ" ሲንጊንቴ ሃጊ ማዓ ዋዛ

15 ዬሱስ ሃሃ ኬኤዛዎ:- «ታና ሲንሂ ናሽካያ ማዔቶ ታ ዓይሂያ ሲንሂ ካፓንዳኔ፤ 16 ታኣኒ ዓዶ ሸኢቃንዳኔ፤ ሲዚያ ናንጊና ሲንሂና ናንጋንዳ፡ ሜሌ" ዶዲሻያ ሲንሂም ሲንጋንዳኔ። 17 ዬያ ዶዲሻሂ ዓጫ" ዴንቁንዱዋኣሂሮና ዔሪንዱዋኣሂሮ ዔካኒ ዳንዳዑዋሴ፤ ዬይ ጎኑሞ ዔርዛ ዓያናኬ፤ ሲንሂ ጋባንቴ ዬያ ዔራንዳኔ፤ ዓይጎሮ ጌዔቱ ሲንሂና ዋላ" ናንጋንዳሂሮና ሲንሂኮ ጋሮይዳ ማዓንዳሂሮኬ።

18 «ዓዶና ሲንዶናባኣ ናይጉዲ ታ ሲንሂ ሲንሂሮ ሌሊ ሃሽ"ንዱዋሴ፤ ማዒ ታ ሲንሂ ኮራ ሙካንዳኔ። 19 ዳካ" ዋዴኮ ጊንፃፓ ዓጫ" ታና ዛጊንዱዋሴ፤ ሲንሂ ጋባንቴ ታና ዛፓንዳኔ፤ ታኣኒ ናንጊና ባይቁዋያ ማዔሂሮ ሲንሂያ ናንጊና ባይቁዋያ ማዒ ናንጋንዳኔ፤ 20 ታኣኒ ዓዶና ባኣሂ፤ ሲንሂያ ታኣና ባኣሂ፤ ታኣኒያ ሲንሂና ባኣሂ ዬሮ ኬሎ"ና ሲንሂ ዔራንዳኔ።

21 «ታኣኮ ዓይሢያ ዓካሢና ሃሣ ማደይዳ ፔኤሻሢ፥ ዒዚ ታና ናሽካኔ፤ ታና ናሽካሢ ታዓደያ ዒዛ ናሽካንዳኔ፤ ታኣ ዒዛ ናሽካንዳኔ፤ ታና ታዒዛም ፔጋሲ ዳዋንዳኔ» ጌዔኔ።

22 ዓሰቆሮንቶ ካታሞሲቱዋንቴ ሃንጎ ዪሁዳ፡- «ጎዳሢዮ! ኔና ዓጮ"ሞቱዋንቴ ኑሞ ኔ ፔጋሲ ዳዋንዳሢ ዎይቲዳይ?» ዒዛ ኮራ ጌዔኔ።

23 ዬሱሴ ዒዛም፡- «ታና ናሽካሢ ታቃኣሎ" ካፓንዳኔ፤ ታዓደያ ዒዛ ናሽካንዳኔ፤ ኦኡኒያ ዒዛ ኮይላ" ሙኪ ዒዛና ዎላ" ናንጋንዳኔ።

24 ታና ናሽኩዋኣሢ ታቃኣሎ" ካፒንዲዋሴ፤ ሃይ ዒንሢ ዋይዛ ቃኣላ" ታናዳኬ፥ ዓደሮ ማዓንዳኣፓዓቱም ታኣሮቱዋሴ» ጌዔኔ።

25 ዬሱሴ ሃሣ፡- «ሓሢ ታዒንሢና ዎላ" ዓኣዖ ሃያ ባኮ ታዒንሢም ኬኤዘኔ፤ 26 ዓዴ ታሱንዖና ዳካ፥ ደዲሻ ዓያኖ ጌኤዢ ጋዓንቴ ቢያ ባኣዚ" ዒንሢ ዔርዛንዳኔ፤ ታዒንሢም ኬኤዘ ባኮዋ ቢያ ዒንሢ ጸቂሳንዳጉዲ ማሃንዳኔ።

27 «ኮሹሞ ታዒንሢም ዒንጋንዳኔ፤ ሃሣ ታኮሹሞዋ ታዒንሢም ዒንጋንዳኔ፤ ታኣኒ ዒንሢም ዒንጋ ኮሹሞ ዓጮ" ዒንሢም ዒንጋሢጉዲቱዋሴ፤ ዒና" ዒንሢኮ ማሊ ሜታዲ ዒጊጮፓ» ጌዔኔ።

28 ዬሱሴ ሃሣ ኬኤዘዮ፡- « ታኣኒ ዒንሢ ኮራፓ ዓኣዳንዳኔ፤ ሃሣ ማዓዲ ታዒንሢ ባንሢ ሙካንዳኔ» ታጌዔሢ ዒንሢ ዋይዘኔ፤ ታና ዒንሢ ናሽካያ ማዔቶ ዓዴ ታጊዳፓ ባሼታሢሮ ታኣኒ ዓዴ ባንሢ ዓኣዲዖና ዒንሢ ዎዛዳንዳያታዖኬ። 29 ዬይያዲ ማዔዎድ"ና ዒንሢ ጉሙርቃንዳጉዲ ዬይ ማዓንዳሢኮ ቤርታዲ ታዒንሢም ሃሢ ኬኤዘያኬ። 30 ሓያ ዓጮ" ዎይሣ ፃላሄ ሙካሢሮ ሃካፓ ሴካ ታዒንሢና ዎላ" ሚርጌ ጌሰታዓኬ። ዒዚ ታጊዳ" ፔቱ" ባኣዚ"ያ ማዳኒ ዳንዳዑዋሴ፤ 31 ጋዓንቴ ታኣኒ ታዓደ ናሽካሢ ዓጮ" ዔራንዳጉዲ ዓዴ ታና ዓይሢ ባኮ ቢያ ታኣኒ ኩንሣንዳኔ፤ «ዓካሪ ሃካፓ ኑዴንዳም» ጌዔኔ።

15

ዬሱሴ ዎይኖ ሚዖኮ ፃጸ ማዔሢ

1 ዬካፓ ዬሱሴ፡- «ዎይኖ ሚዖኮ ጎኔ ፃጸሢ ታናኬ፤ ቱኪ" ኮሻ"ሢ ታዓደኬ፤ 2 ታጊዳ" ዓኣዖ ዓኣፑዋ ካኣፖ ቢያ ታዓዴ ቲቂ ኬኤራንዳኔ፤ ዓኣፖ ዓኣፓ ካኣፖ ጋዓንቴ ሚርጌ ዓኣፓንዳጉዲ ቲቂ ቲቂ ገኣጊሺ ኮሻ"ንዳኔ። 3 ታኣኒ ሃሢ ዒንሢም ኬኤዛ ቃኣሎ"ና ሃሢ ዒንሢ ገኣጊሺ ኮሺ"ንቴዘንሢኬ። 4 ታኣና ናንጉዋቱ፤ ታኣኒያ ዒንሢና ናንጋንዳኔ፤ ካኣፓ ፃጸይዳ ማዒባኣያታቶ ፔ ቶኣኪና ሌሊ

ዓላፒ ዓላፓኒ ዳንደዑዋአሢጉዲ ዒንሢያ ታኣና ናንገባኣያታቶ ዓላፒ ዓላፓኒ ዳንደዑዋሴ።

5 «ታኣኒ ወይኖ ሚያኮ ፃፂሢኬ፤ ዒንሢ ካኦፖኬ፤ ሚርጌ ዓላፒ ዓላፓንዳሢ ታኣና ናንገሢና ታኣኒያ ዒዛና ናንገሢኬ፤ ዓይጎር ጌዔቶ ታ ባኣንቴ ዓይጎ ባኣዚ"ያ ዒንሢ ማዳኒ ዳንደዑዋአሢጉ። 6 ታኣና ናንጉዋ ካኣፓ ዙላ" ኬኤሪንቴ ሜላ ካኣፖጉዲኬ፤ ዬካፓ ቡኩሲ፥ ታሚና ሚቺንታንዳኔ። 7 ታኣና ዒንሢ ናንጌቴ ሃሣ ታ ቃኣላ" ጋዓ ጎይያዋ ዒንሢ ናንጋቶ ዒንሢ ኮዔ ባኣዚ" ሺኢቄቴ ዴንቃንዳኔ። 8 ሚርጌ ዓላፒ ዒንሢ ዓላፓኣና ታ ዓዴ ቦንቺንታኔ፤ ዬያይዲያና ታኣኮ ጊንያ ሃንታዘንሢ ማዒያ ዒንሢ ዔርዛኔ። 9 ዓዴ ታና ናሽኬሢጉዲ ታኣኒያ ዒንሢ ናሽኬኔ፤ ዬያር ታ ናሹዋና ናንጉዋቴ። 10 ታኣኒ ታ ዓዶኮ ዓይሢያ ኩንሢሢና ዒዛኮ ናሹዋናኣ ናንጌሢጉዲ ዒንሢያ ታ ዓይሢያ ኩንሢያቶ ታ ናሹዋና ናንጋንዳኔ።

11 «ሓያ ታ ዒንሢሞ ኬኤዛሢ ታ ዋዛዴሢጉዲ ዒንሢ ዋዛዴንዳጉዲ ሓሣ ዒንሢኮዋ ዋዛ ዴኤፒ ማዓንዳጉዲኬ። 12 ታ ዓይሢያ ታ ዒንሢ ናሽኬሢጉዲ ዒንሢያ ዋሊ ናሽካንዳጉዲኬ።

13 ዓሲ ፔኤኮ ሽመፓሢ ፔ ላጌ ዛላ ዓኣሢ ዒንጋያይዳፓ ባሻ ናሹዋ ባኣሴ። 14 ዒንሢያ ታኣኒ ዒንሢ ዓይሣሢ ኩንሢያቶ ታኣኮ ላጌኬ። 15 ዓይሌ" ፔ ጎዳ ማዳ ባኮ ዔሩዋአሢጉ ሃይካፓ ሴካ ታ ዒንሢ ታ ዓይሌ" ጌይንዲዋሴ፤ ጋዓንቴ ታ ዓዶይዳፓ ታ ዋይዜ ባኮ ቢያ ዒንሢሞ ፔጋሲ ዔርዜሢጉ ታ ዒንሢ ታኣኮ ላጌ ጌዔኔ። 16 ታ ዒንሢ ዶኦሬያፓዓቴሞ ዒንሢ ታና ዶኦሪባኣሴ፤ ዴንዲ ዒንሢ ሚርጌ ዓላፒ ዓላፓንዳጉዲ፥ ዒንሢኮ ዓላፓኣ ናንጋያ ማዓንዳጉዲ፥ ታ ዒንሢሞ ቢታንቶ ዒንጌኔ። ዬያር ታ ሱንያና ዒንሢ ሺኢቃሢ ቢያ ዓዴ ዒንሢሞ ዒንጋንዳኔ። 17 ዓካሪ ታ ዒንሢ ዓይሣሢ ዋሊ ዒንሢ ናሽካንዳጉዲኬ» ጌዔኔ።

ዓጫ" ዒዛ ዓሶ ዒፃንዳሢ ዛሎ" ዬሱሴ ኬኤዜሢ

18 ሄሊ" ሳዖ ዬሱሴ፡- «ዓጫ" ዒንሢ ዒፃቶ ዒንሢኮ ቤርታ ታና ዒፃሢ ዔሩዋቴ፤ 19 ዒንሢ ዋንዴ ዓጫ"ሮ ማዕያታቶ ዓጫ" ፔኤሞ ማዕሢ ዔሪ ዒንሢ ናሽካንዳያታንቴኬ፤ ዓጫ"ሞ ዒንሢ ማዒባኣሢጉና ታ ዒንሢ ሃሣ ዓጫ"ፓ ዴማሲ ዶኦሬሢጉ ዓጫ" ዒንሢ ዒፃኔ። 20 ዓይሢንቴ ማዳሢ ፔኤኮ ጎዳሢዳፓ ባሹዋሴ ጌይ ታ ዒንሢሞ ኬኤዜሢ ጳቂሱዋቴ፤ ታና ዔያታ ዒዲ ዴኬያታቶ ዒንሢያ ዔያታ ዒዲ ዳካንዳኔ፤ ታኣኮ ቃኣሎ" ዔያታ ካፔያታቶ ዒንሢኮዋ

ቃእሎ" ካገኘዋል። 21 ታና ሎፓ ዳኬህ ያናታቴያ ዔያታ ዔሩዋአሂሮ ታ ዘሎ"ሮ ዬያ ቢያ ዔያታ ማዳንዳኔ። 22 ታኣኒ ሙኪ ዔያቶም ዋንዴ ኬኤዚባአያታቴ ጎሜ ዔያቶኮ ማዓዓታንቴ፤ ሃሂ ዔያታ ፔኤኮ ጎሞ ዘሎ" ሉ ዔሪባኣሴ። ጋዓንዳ ባኣዚ" ባኣሴ። 23 ታና ዒፃሂ ታ ዓዶ ዒፃኔ፤ 24 ሜሌ" ዓሲ ማዲባኣ ማዶ ዔያቶኮ ባኣካ" ታ ማዲባኣያ ማዓቶ ጎሜ ዔያቶኮ ማዒንዱዋያታንቴ ሃሂ ሃያ ያኣሲ ዋልቄና ማዲንቴ ዓኮ ባኮ ዔያታ ዘጌኔ፤ ጋዓንቴ ታናንታ ታ ዓዶንታ ዔያታ ዒፃኔ። 25 ዬይ ያዲ ማዓሂ፡- «ዔኤቢ ታ ፑርቲሴ ባኣዚ" ባኣንቴ ታና ዒፃኔ» ጌይንቴ ዔያቶኮ ዋጎይዳ ፃኣፒንቴ ቃኣላ" ኩማንዳጉዲኬ። 26 «ጋዓንቴ ዓዶይዳፓ ኬሰካያ ሃሂ ታኣኒያ ዓዶ ኮራፓ ዳካንዳ፤ ጎኩም ዔርዛ ዓያኖ ማዓ፥ ዶዲሻሂ ሙካዖ ታ ዘሎ" ዒ ማርካዳንዳኔ። 27 ዒንሂያ ቤርታፓ ዓርቃዖ ታኣና ዋላ" ዓኣሂሮ ታኣም ዒንሂ ማርካዳንዳኔ» ጌዔኔ።

16

1 ዬካፓ ሃሂ ዬሱሴ፡- «ዓካሪ ሃይሾ ሓያ ቢያ ታ ዒንሂም ኬኤዛሂ ዒንሂ ዳቢንቱዋጉዲ ጌይኬ። 2 ዓይሁዶ ዓሶኮ ቡኪንቶ ቤዛፓ ዒንሂ ኬሲ" ዳውሶንዶኔ፤ ዬካፓ ዑሃ ሓሃ ዒንሂ ዋዳሂ ቢያ ያኣሲም ኮሺ ማዴያ ማዒ ፓይዲንታንዳ ዋዴ ሙካንዳኔ። 3 ዬያ ዔያታ ማዳንዳሂ' ዓዶንታ ታናንታ ዔሩዋአሂሮኬ። 4 ሓያ ታ ዒንሂም ኬኤዛሂ ዋዳ" ሄላ"ዛ ታ ዒንሂም ዓይጎ ጌዔቴያ ዒንሂ ጸቂሃንዳጉዲኬ።

ዓያኖ ጌኤዢ ማዶ"

«ሓያ ባኮ ቤርታ ታ ዒንሂም ኬኤዚባኣሂ ታኣኒ ዒንሂና ዋላ" ዓኣሂሮኬ» ጌዔኔ። 5 ዬሱሴ ሃሃ፡- «ታና ዳኬህ ባንሂ ታ ዴንዳንዳኔ፤ ጋዓንቴ ዒንሂዳፓ ሄኤኒ ዓንኮ ዓኣዳይ?» ጌይ ታና ያኣጫንዳያ ባኣሴ። 6 ማዓቶም ሓያ ቢያ ታ ዒንሂም ኬኤዚሂሮ ዒንሂኮ ዒና" ያዶ ማሊሂና ኩሜኔ። 7 ታኣኒ ጋዓንቴ ጎኔ ዒንሂም ጋዓኔ፥ ታኣኮ ዓኣዲፃ ዒንሂ ማኣዶ"ንዳያኬ፤ ዋይቲ ጌዔቶ ታኣኒ ዓኣዲባኣያታቴ ዒንሂ ዶዲሻሂ ዒንሂ ኮራ ሙካዓኬ፤ ታኣኒ ዓኣዴቴ ጋዓንቴ ዬያ ዒንሂ ኮራ ታ ዳካንዳኔ። 8 ዬይ ሙኪ ዋዶ"ና ጎሜ ዘላ፥ ፂሉ"ሞ ዘላና ሃሂ ያኣሲ ዋጋንዳ ዋጎ ዘሎ"ሞ ዓሶም ኬኤዛንዳኔ። 9 ጎሞ ዘሎ"ሮ ኬኤዛንዳሂ' ታና ዔያታ ጌሙርቁዋኣሂ ጎሜ ማዓሂኬ፤ 10 ፂሉ"ሞ ዘሎ"ሮ ኬኤዛንዳሂ' ታኣኮ ዓዶ ባንሂ ዓኣዲፃና ሃይካፓ ሴካ ዒንሂ ታና ዘጌንዱዋኣሂ

ዛሎ"ኬ፤ 11 ዋጊያ ዛሎ" ከኤዛንዳሢ ሓያ ዓጮ" ዋይሣ ፃላሄ ፑርታና ዋጊንቴሢ ዛሎ"ኬ።

12 «ሓጊ ታ ዒንሢሞ ከኤዛንዳ መርጌ ባኣዚ" ዓኣኔ፤ ጋዓንቴ ሃሢ ዒንሢሞ ዴኤፃንዳኔ፤ 13 ጎኑሞ ዔርዛ ዓያና ሙኬ ዋዶ"ና ጎኑሞ ባንሢ ዒንሢ ዔኪ ዓኣዳንዳኔ፤ ዓይጎር ጌዔቴ ዬይ ከኤዛንዳሢ ዒ ዋይዜሢ ማዓንዳጎታቴሞ ፔ ቶኦካ"ፓ ዔኪቴዋሴ። ዒዚ ሴካ ቤርቲሞ ማዓንዳ ባኮ ከኤዛንዳኔ። 14 ታ ጊዳ"ፓ ዔኪ ዒንሢሞ ከኤዛንዳሢ ሓፋና ዒዚ ቦንቻንዳኔ። 15 ዓዶሮ ማዔ ባካ ቢያ ታኣርኬ፤ ታ ጊዳ"ፓ ዔኪ ዒንሢሞ ከኤዛንዳኔ፤ ታ ዒንሢሞ ጌዔሢ ዬያርኬ» ጌዔኔ።

ዬሱሴ ጊንፃ ሓንታዞንሢኮ ያዪፃ ዋዛና ለኣመንታንዳሢ

16 ሓሣ ዬሱሴ ከኤዛንዳ፡- «ዳካ" ዋዴኮ ጊንፃ ታና ዒንሢ ዴንቁንዱዋሴ፤ ጊንሣ ዳካ" ዋዴኮ ጊንፃፓ ታና ዒንሢ ዴንቃንዳኔ» ጌዔኔ።

17 ዒዛኮ ጊንፃ ሃንታዞንሢዳፓ ፔቴ" ፔቴ"ዞንሢ፡- «ሓይ «ዳካ" ዋዴኮ ጊንፃፓ ዒንሢ ታና ዴንቃዓኬ፤ ጊንሣ ዳካ" ዋዴኮ ጊንፃፓ ታና ዒንሢ ዴንቃንዳኔ፤ ሓሣ ሌካ ዓዶ ባንሢ ታ ዓኣዳንዳኔ፤ ኑሞ ጌይንታ ባካ ዓይጌንዴዳይ?» ዋሊ ኮይላ" ጌዔኔ። 18 ሓሣ ዔያታ፡- «ዓካሪ ሓይ «ዳካ" ዋዴኮ ጊንፃፓ ጌይንታ ባካ ዓይጌንዴዳይ? ዬይ ኑሞ ዔርታ ባኣዚ"ቴዋሴ» ጌዔኔ።

19 ዬሱሴ ዔያታ ዒዛ ያኦጫኒ ማላሢ ዔራዶ፡- «ዒንሢ ዋሊ ያኦጫሢ «ዳካ" ዋዴኮ ጊንፃፓ ታና ዒንሢ ዴንቁንዱዋሴ፤ ጊንሣ ዳካ" ዋዴኮ ጊንፃፓ ታና ዒንሢ ዴንቃንዳኔ፤ ታ ዒንሢሞ ጌዔሢሮዳ? 20 ጎኔ ታ ዒንሢሞ ጋዓኔ፤ ዒንሢ ዬኤካንዳኔ፤ ዓጫ" ጋዓንቴ ዋዛዳንዳኔ፤ ዒንሢ ያያንዳኔ፤ ጋዓንቴ ዒንሢኮ ያዪፃ ዋዛና ለኣመንታንዳኔ። 21 ለኣሊ ሾዓ ዋዶ"ና ቆፃ" ቆፃ"ያና ሜታዳኔ፤ ሾዔሢኮ ጊንፃ ጋዓንቴ ዓጮ"ይዳ ናይ ሾይንቴሢሮ ዋዛፓ ዔቆያና ዒዛ ፔኤኮ ቤርታኣ ሜታሢ ዋላ"ኔ። 22 ዬያጉዲ ዒንሢ ሃሢ ያያንዳኔ፤ ለሚ ታ ዒንሢ ጊንሣ ዛጋንዳኔ፤ ዒና"ኣ ዒንሢኮ ዋዛዳንዳኔ፤ ዒንሢኮ ዋዞዋ ዒንሢዳፓ ዔካንዳይ ባኣሴ።

23 «ዬናና ዒንሢ ዓይጎዋ ታና ያኦጫዓኬ፤ ጎኔ ታ ዒንሢሞ ጋዓኔ፤ ታ ዓዶ ታ ሱንፃና ዒንሢ ሺኢቁቶ ቢያ ባኣዚ" ዒንሢሞ ዒ ዒንጋንዳኔ። 24 ሓሢ ሃይሚ ሄላ"ንዳኣና ዓይጎ ባኣዚ"ያ ታ ሱንፃና ዒንሢ ሺኢቁባኣሴ፤ ሺኢቁዋቴ ዒንሢ ዔካንዳኔ፤ ዋዛ"ኣ ዒንሢኮ ኩሙሢ ማዓንዳኔ።

25 «ሓኖ ሄላ"ንዳኣና ኮኣኪንሢና ታ ዒንሢሞ ከኤዜኔ፤ ዓካሪ ሃካፓ ሴካ ኮኣኪንሢና ታ ዒንሢሞ ከኤዚንዱዋ ዋዴ ሙካንዳኔ፤

ጋዳንቲ ዓዶ ዛሎ" ቢያ ባኣዚ" ፔጋሲ ታ ዒንሢሞ ከኤዛንዳኔ።
 26 ዬኖና ዒንሢ ታ ሱንጾና ሸኢቃንዳኔ፤ ታኣኒያ ታ ዓዶ ዒንሢሞ
 ሸኢቃንዳኔ፤ ጌይንዱዋሴ። 27 ዓይጎሮ ጌዔቶ ዓዶ ፔ ቶኦከና ዒንሢ
 ናሽካሢሮኬ፤ ዓዶ ዒንሢ ናሽካሢ ዒንሢ ታና ናሽከሢሮና ያኦሲ
 ኮራፓ ታ ሙኬያ ማዔሢ ዒንሢ ጉሙርቄሢሮኬ። 28 ታ ዓዶ ኮራፓ
 ሓያ ዓጮ" ታ ሙኬኔ፤ ጊንሢ ሃሣ ሓያ ዓጮ" ሃሺ" ሌካ ዓዶ ባንሢ
 ታ ዓኣዳንዳኔ» ዔያቶሞ ጌዔኔ።

29 ዒዛኮ ጊንጾ ሓንታዘንሢያ፡- «ሃይሾ፡ ሃሢ ኔ
 ኮኣከንሢናቱዋንቲ ፔጌና ኦሞ ከኤዛኔ፤ 30 ኔኤኒ ቢያ ባኣዚ"
 ዔራያታሢ ሃሣ ያኣኒያ ኔና ያኦጮኒ ኮይሱዋኣሢ ኦ ሃሢ ዔሬኔ፤
 ዬያሮ ያኦሲ ኮራፓ ኔ ሙኬሢ ኦ ጉሙርቄኔ» ጌዔኔ።

31 ዬሱሴ ዔያቶሞ፡- «ሓሢ ዒንሢ ጎኔ ታና ጉሙርቄኔ ጌይጾዳ?
 32 ጋዳንቲ ዒንሢ ፔቲ" ፔቲ"ሢ ዒንሢሮ ዒንሢሮ ዣኣሊ፡ ታና ታኣሮ
 ሃሻ"ንዳ ዋዴ ሙካንዳኔ፤ ዬና" ዋዳ" ሃሢኬ፤ ጋዳንቲ ዓዶ ታኣና
 ዋላ" ዓኣሢሮ ታ ታኣሮ ሌሊ ማዓዓኬ። 33 ሓያ ታ ዒንሢሞ ከኤዛሢ
 ዒንሢ ታኣና ዋላ" ማዔሞ ዋዛ ዒንሢኮ ዓኣያ ማዓንዳጉዲ ጌይኬ፤
 ዓጮ"ይዳ ዒንሢ ዓኣንቲ ሜታ ዓኣኔ፤ ጋዳንቲ ዒንጪፖቲ፡ ታኣኒ
 ዓጮ" ባሽኔ» ጌዔኔ።

17

ዬሱሴኮ ሸኢጲፆ

1 ዬሱሴ ዬያ ከኤዜሢኮ ጊንፃ ሌካ ጫሪንጮ ባንሢ ዛጋፆ ሂዚ
 ጌይ ሸኢቄኔ፡- «ታ ዓዳሢዮ! ሓይሾ ዋዳ" ዓካሪ ሄሌ"ኔ፤ ናዓሢ ኔኤኮ
 ኔና ቦንቻንዳጉዲ ኔኤኮ ናዓሢ ቦንቹ፤ 2 ኔ ዒዛ ቦንቻንዳሢያኣ ኔኤኒ
 ዒዛሮ ማሂ ዒንጌሢሞ ቢያ ናንጊና ናንጊ ሸሞፖ ዒ ዒንጋንዳጉዲ፤
 ዓሶ ቢያሢ ዑፃ ቢታንቶ ኔ ዒንጌሢሮኬ። 3 ናንጊና ናንጎ ሸሞፖ
 ጌይፃ፡ ኔኤሮ ሌሊ ጎኔ ያኦሲ ማዔሢ፤ ኔናንታ ኔኤኒ ዳኬ፤ ዬሱሴ
 ከሪሰቶሴያ ዔሪሢኬ። 4 ኔኤኒ ታኣሞ ዒንጌ ማዶ" ኩንሢ ሳፆይዳ
 ታ ኔና ቦንቹ። 5 ታ ዓዳሢዮ! ዓጮ" ማዢንታንዳሢኮ ቤርታ ኔኤና
 ዋላ" ታኣኮ ዓኣ ቦንቹ ጎይፆ ሃሢ ኔ ኮራ ታና ቦንቹሴ።

6 «ዓጮ"ይዳፓ ደኣሪ ኔ ታኣሞ ዒንጌ ዓሶሞ ኔኤኮ ያኦሞ ታ ፔጋሲ
 ከኤዜኔ፤ ዔያታ ኔኤሮኬ፤ ኔኤኒ ዔያቶ ታኣሞ ዒንጌኔ፤ ዔያታኣ ኔ
 ቃኣሎ" ካፔኔ፤ 7 ኔ ታኣሞ ዒንጌ ባካ ቢያ ኔ ጊዳ"ፓ ማዔሢ ዔያታ
 ሃሣ ዔሬኔ። 8 ኔ ታኣሞ ዒንጌ ቃኣሎ" ታ ዔያቶሞ ዒንጌኔ፤ ዔያታኣ
 ዬያ ዒኬኔ፤ ኔ ኮይላ"ፓ ታ ሙኬሢያ ጎኔና ዔያታ ዔሬኔ፤ ሃሣ ኔ ታና
 ዳኬሢ ጉሙርቄ ዔያታ ዔኬኔ።

20 «ሃሢ ታ ኔና ሺኢቃሢ ሃንሢ፥ ዔያቶ ዛሎ"ሮ ሌሊቱዋንቴ ዔያታ ማርካዳ ቃኣሎ" ዛሎ"ና ታና ጉሙርቃንዳ ዓሰንታሞ ዋላ"ኬ። 21 ታ ኔና ሺኢቃሢ ቢያሢ ዋላ" ፔቲ" ማዓንዳጉዲኬ፤ ዬያጉዲ ሃሃ ዓዳሢዮ! ኔኤኒ ታኣና ዋላ" ፔቲ" ማዔሢጉዲ ታኣኒያ ኔኤና ዋላ" ፔቲ" ማዔሢጉዲ ዔያታኣ ኦኡና ዋላ" ፔቲ" ማዓንዳጉዲኬ፤ ሃሃ ኔኤኒ ታና ዳኬያ ማዔሢያ ዓጫ" ጉሙርቃንዳጉዲኬ። 22 ኦኡኒ ፔቲ" ማዔሢ ጎይፆ ዔያታኣ ዋላ" ፔቲ" ማንጎዳጉዲ ታኣሞ ኔኤኒ ዓንጌ ቦንሾ ታ ዔያቶሞ ዓንጌ። 23 ታኣኒ ኔና ሺኢቃሢ ታኣኒ ዔያቶና፤ ኔኤኒያ ታኣና ማዔሢጉዲ ዔያታኣ ጉቤና ፔቲ" ማዓንዳጉዲኬ፤ ሃሃ ኔኤኒ ታና ዳኬሢና ኔታና ናሽኬሢጉዲ ዔያቶዋ ኔኤኒ ናሽካሢ ዓጫ" ዔራንዳጉዲኬ።

* **17:11** ታኣሞ ኔኤኒ ዒጊጌ ኔ ሱጎይና ዒይቶ ካፔ፡ ጋዛ ፔፔ" ፔፔ" ሚናኣ ማፃኣጎ
«ታኣሞ ኔኤኒ ዒጊጌዘገሣ ሲያ ኔ ሱጎይና ኔ ዒይቶ ካፔ» ጋዓኢ። † **17:12** ኔ ታኣሞ
ዒጊጌ ኔ ሱጎይና ታ ዒይቶ ካፔ፡፡ ጋዛ ፔፔ" ፔፔ" ሚናኣ ማፃኣጎ «ኔ ታኣሞ ዒጊጌዘገሣ
ሲያ ኔ ሱጎይና ታ ካፔ።» ጋዓኢ። **17:12** ዓይኑ. 41፡9፤ ዮሐ. 13፡18።

24 «ታ ዓዳሂኖ! ዓጫ" ማዢንቱዋንቲ ኔ ታና ናሽኬሂረ ታኣም ኔኤኒ ዒንጌ ቦንቾ ዔያታ ዛጋንዳጉዲ ሃንሂ፤ ኔ ታኣም ዒንጌዘንሂ ታኣኒ ዓኣ ቤዘይዳ ታኣና ዋላ" ዔያታ ናንጋንዳጉዲ ታ ኮዓኔ።
25 ዒሎ" ዓዳሂኖ! ዓጫ" ኔና ዔሪባኣሴ፤ ታኣኒ ጋዓንቲ ኔና ዔሬኔ፤ ሃንሂያ ሃሣ ኔ ታና ዳኬሂ ዔሬኔ። 26 ኔኤኒ ታና ናሽኬ ናሹዋ ጎይፆ ዔያታ ዋሊ ናሽካንዳጉዲ ሃሣ ታኣኒያ ዔያቶና ማዓንዳጉዲ ገንሣ ሃሣ ዔያታ ኔና ዔራንዳጉዲ ታ ዔያቶ ማሄኔ፤ ዬኖ ጎይፆ ቃሲ" ቃሲ" ታ ማዳንዳኔ» ጌዔኔ።

18

ዬሱሴኮ ሞርኮና ዓዲንቲፆ

(ማቴ. 26፥47-56፤ ማር. 14፥43-50፤ ሉቃ. 22፥47-53)

1 ዬሱሴ ዬያ ጌዔሰካፓ ዒዛኮ ገንፆ ሃንታዘንሂና ዋላ" ቈድሮኣኔ ዋሮ ሱኮ ዴንዳፆ፡ ዒኣካ ቱኮ"ና ሚፃ ዓኣ ቤዘ ዔያቶና ዋላ" ጌሌኔ።
2 ዔያታ ዬኖ ቤዘሎይዳ ቢያ ዋዴ ቡከንታያ ማዔሂ ዓኣሂ ዒንጋ፡ ዪሁዳ ዔራያኬ። 3 ዬያሮ ዪሁዳ ፖኦሊሶንታ ቄኤሶኮ ሱኡጎና ፔርሴ ዓሶናም ዓይሂንቲ ማዳሰኬንሂንታ ዔኪ ዬኖ ቤዘሎ ሙከኔ፤ ዔያታ ዒማ"ና ፓኖሴ ጌይንታ ፖዓ ባኮንታ ኩሻንታ ፖዒሲ ሃሣ ያልዚ ዓንጋሞዋ ዔኪ ዬዔኔ። 4 ዬሱሴ ዒዛ ሄላ"ንዳ ባኮ ቢያ ዔራፆ ዔያቶ ባንሂ ዓኣዲ፡- «የና ዒንሂ ኮዓይ?» ጌዔኔ።

5 ዔያታ ማሃፆ፡- «ናዚሬቲ ካታሞ ዓሂ፡ ዬሱሴ ኦ ኮዓኔ» ጌዔኔ። ዬማና ዒዚ ዔያቶም፡- «ዬይ ታናኬ» ጌዔኔ። ዓኣሂ ዒንጋ፡ ዪሁዳ ዬያ ሙከ ዓሶና ዋላ" ዔቂ ዓኣኔ። 6 ዬሱሴ፡- «ዬይ ታናኬ» ዔያቶም ጋዓዛ ገንሂም ዴንዲ ዔያታ ሎኦሜኔ። 7 ዬሱሴ ሃሣ፡- «የና ዒንሂ ኮዓይ?» ጌይ ላሚ ዔያቶ ያኦጫዛ፡ ዔያታ፡- «ናዚሬቲ ካታሞ ዓሂ፡ ዬሱሴ ኦ ኮዓኔ» ጌዔኔ።

8 ዒዚ ዔያቶም፡- «ታናኬ ታ ዒንሂም ጌዔኔ፤ ዓካሪ ዒንሂ ታና ኮዓያ ማዔቶ ሃኣቶ ሓሹ"ዋቲ፡ ዔያታ ዴንደም» ጌዔኔ። 9 ዬይ ያዲ ማዔሂ፡- «ታ ዓዳሂኖ! ኔ ታኣም ዒንጌ ዓሶይዳፓ ፔቲ"ታፆ ታ ባይዚባኣሴ» ጌዔ ቃኣላ" ኩማንዳጉዲኬ።

10 ዒማ"ና ሲሞኦኔ ጎፆ ጳዒርሴ ጩንቻ ዓፓሮ ዓርቄሂሮ ቱጊ ቄኤሶኮ ሱኡጋሂም ዓይሂንቲ ማዳሂኮ ዋኖ ቆፂ" ቲቄኔ፤ ዬያ ዓይሂንቲ ማዳሂኮ ሱንፃ «ማልኮሴ» ጌይንታኔ። 11 ዬሱሴ ጋዓንቲ ጳዒርሴ ኮራ፡- «ዓፓሮ ኔኤኮ ጎንጎሮይዳ ዳኬ፤ ዓዴ ታኣም ዒንጌ፡ ሃያ ሜታሂ ታ ዔካኑዋያ ኔኤም ማላ?» ጌዔኔ።

ዩሱስ ቄሌሶስ ሱኡጋሢ ሃኣና ቤርቶ ሺኢኬሢ

12 ዩካፓ ፖኦሊሶንሢንታ ዔያቶ ዓይሣሢንታ ሃሣ ዓይሁዶ ዓሶም ዓይሢንቲ ማዳዘንሢንታ ዋላ" ማዒ ዩሱስ ዓርቂ ሱሲና ቱኬ"ኔ። 13 ዩያይዳሰካፓ ቤርታሲ ቃያፓሶ ባይሲ፣ ሃኣና ኮራ ዔኪ ዔያታ ዓኣዴኔ፤ ቃያፓ ዩኖ ሌዖ ቄሌሶስ ሱኡጋሢ ማዒ ዓኣኔ። 14 ቃያፓ ቤርታ፡- «ፔቱ" ዓሲ ዴሮ" ዛሎ"ሮ ሓይቄቶ ኮሺኬ» ጌይ ዓይሁዶኮ ዋይሣ ዓሶ ዘሬሢኬ።

ጳዒሮሴ «ዩሱስ ታ ዔሩዋሴ» ጌዔሢ

(ማቴ. 26፥69-70፤ ማር. 14፥66-68፤ ሉቃ. 22፥55-57)

15 ሲሞኦኔ ጌይንታ ጳዒሮሴንታ ሃሣ ሜሌ" ዩሱሴኮ ጊንዖ ሃንታሰኬያንታ ዩሱሴኮ ጊንዖ ዓኣዴኔ፤ ዩይ ሜሌ" ዩሱሴኮ ጊንዖ ሃንታሢ ቄሌሶስ ሱኡጋሢና ዋላ" ዔርታሢሮ ዩሱሴና ዋላ" ቄሌሶ ሱኡጋሢኮ ዲሮ ጋሮ ጌሌኔ። 16 ጳዒሮሴ ዒማ"ና ማርሾ ካራ" ዔቂ ዓኣንቱ ዩይ ቄሌሶስ ሱኡጋሢና ዔርታ፡ ዩሱሴኮ ጊንዖ ሃንታሢ ሙካዖ ካሮ" ካፓ ዉዱሮ ናዔሎም ኬኤዚ ዒዛ ጋሮ ጌልዜኔ፤ 17 ዩና ካሮ" ካፓ ዉዱሮ ናዔላ ጳዒሮሴ ኮራ፡- «ኔኤኒ ሃያ ዓሢኮ ጊንዖ ሃንታዘንሢዳፓ ፔቱ"ሢቱዋዓዳ?» ጋዓዛ፡ ዒዚ ጋዓንቱ «ታ ዒዛቱዋሴ» ጌዔኔ።

18 ዩማና ጨኢሺ ጨኢሺካያታሢሮ ዓይሢንቲ ማዳዘንሢና ዲሮ ጋሮ ካፓዘንሢና ዒኢካ ታሚ ዔኤሢ ካሸታንቱ፡ ጳዒሮሴያ ዔያቶና ዋላ" ዔቂ ካሸታኔ።

ቄሌሶስ ሱኡጋሢ ዩሱስ ዖኦጩ ዖኦጪዖ

(ማቴ. 26፥59-66፤ ማር. 14፥55-64፤ ሉቃ. 22፥66-71)

19 ዒማ"ና ቄሌሶስ ሱኡጋሢ ዩሱስ ኮራ ዒዛኮ ጊንዖ ሃንታዘንሢና ዒዛኮ ዔርዚያና ዛሎ" ዖኦጩኔ። 20 ዩሱስ ዒዛም፡- «ታኢኒ ዓሲም ቢያ ፔጌና ኬኤዜኔ፤ ዓይሁዶ ዓሳ ቢያ ቡኪንታ ቤዘይዳ ማዔቶዋ ጌኤዙ ማኣሮይዳ ቢያ ኬሊ" ታ ዔርዛ ዋዶ"ና ዓኣቕታ ኬኤዜ ባኣዚ" ዓይጌያ ባኣሴ፤ 21 ዓካሪ ኔ ሃሢ ዓይጎሮ ታና ዖኦጪይ? ታ ኬኤዛንቱ ዋይዜ ዓሶ ዖኦጩ፤ ታ ኬኤዜ ባኮ ዔያታ ዔራኔ» ጌዔኔ።

22 ዩሱስ ዩያ ጋዓዛ ዒኢካ ዔቂ ዓኣ፡ ዓይሢንቲ ማዳዘንሢዳፓ ፔቱ"ሢ፡- «ቄሌሶስ ሱኡጋሢም ኔ ሂዚ ጌይ ማሃ?» ጌይ ዩሱስ ባዔኔ።

23 ዩሱፍ ማሃድ:- «ፑርታ ባካዚ" ታ ከኤዜያ ማዕቶ ዩኖ ፑርቴሎ ታኣም ከኤዜ፤ ታኣኒ ከኤዜ ባካ ፒዜ ማዕቶ ኔ ታና ዓይጎር ባዔይ?» ዒዛ ኮራ ጌዔኔ።

24 ዩካፓ ሃኣና ዩሱፍ ሱዞና ቱኡቴ ጎይሣ ዓኣንቴ ቄኤሶኮ ሱኡጋሢ ቃያፓ ኮራ ዳከኔ።

ጳዒርሴ ዩሱፍ ላሚ «ታ ዔሩዋሴ» ጌዔሢ

(ማቴ. 26፡71-75፤ ማር. 14፡69-72፤ ሉቃ. 22፡58-62)

25 ዒማ"ና ሲሞኦኔ ጎዖ ጳዒርሴ ዔቂ ታሞ ካሽታንቴ ሜሌ" ዓሲሰከንሢ ሃሣ:- «ኔኤኒ ዩሱፍኮ ጊንዖ ሃንታዘንሢዳፓ ፔቴ"ሢቴዋዓዳ?» ጋዓዛ፡ ዒዚ:- «ታ ዒዛቴዋሴ» ጌዔኔ።

26 ጳዒርሴ ዋዮ ቲቂ ዓሢኮ ዒጊኒ ማዔያ ሃሣ ቄኤሶ ሱኡጋሢኮ ዓይሢንቴ ማዳዘንሢዳፓ ፔቴ"ሰከይ:- «ዩኖ ቱኮ"ና ሚፃ ዓኣ ቤዜሎይዳ ታ ኔና ዔያቶና ዋላ" ዓኣንቴ ዴንቂባይ?» ዒዛ ኮራ ጌዔኔ።

27 ጳዒርሴ ላሚ ሃሣ:- «ታ ዒዛ ዔሩዋሴ» ጌዔኔ፤ ዩማና ኔጉዋዖ ኮይዳ ቂኢቄኔ።

ዩሱፍኮ ጳላዖሴ ቤርቶ ሺኢኪዖ

(ማቴ. 27፡1-2፤ 27፡11-14፤ ማር. 15፡1-5፤ ሉቃ. 23፡1-5)

28 ዩካፓ ዩሱፍ ዔያታ ቃያፓ ማኣራፓ ዔኪ ሮሜ ዓፎ" ዋይሣሢ ማኣሪ ዔኪ ዓኣጳኔ፤ ዩና ዋዳ" ጉቴ" ዓሚ"ናከ፤ ዓይሁዶ ዓሳ ዑሣ ዓኣጳይዖ ቦንቾ ከሎ"ና ሙዖ ሙዓኒ ዔያቶ ኮይሳሢር ዔያቶ ዒኢሱዋጉዲ ጌይሢና ዓፎ" ዋይሣሢኮ ማኣር ጳር ጋር ጌሊባኣሴ። 29 ዩያር ዓፎ" ዋይሣ፡ ጳላዖሴ ዔያቶ ባንሢ ከሰካዮ:- «ሓያ ዓሢ ዑፃ ዒንሢ ሺኢሻ ጌኤዛ ዓይጌንዴዳይ?» ጌይ ዔያቶ ዖኦፎኔ።

30 ዔያታ ማሃድ:- «ሓይ ዓሢ ፑርታ ማዲባኣ ዓሲ ማዕቶ ኔኤም ኑ ዒዛ ዓኣሢ ዒንጋዓታንቴከ» ጌዔኔ።

31 ጳላዖሴያ:- «ዒንሢ ዒንሢር ዒዛ ዔኪ ዓኣጳጋፓ ዒንሢ ዋጎ ጎይዖ ዒዛ ዑፃ ዋጉዋቴ» ዔያቶም ጋዓዛ፡ ዓይሁዶኮ ዋይሣ ዓሳ:- «ኑኡኒ ዓሲ ዋዳኒ ቢታንቶ ኑኡኮ ባኣሴ» ጌዔኔ። 32 ዩይ ያዲ ማዔሢ ዩሱፍ ዋዚጉዴ ሓይቢና ሓይቃንዳቴያ ከኤዚንቴ ቃኣላ" ኩማንዳጉዲከ።

33 ጳላዖሴ ጊንሣ ማዒ ፔ ጋር ጌላዖ ዩሱፍ ዔኤሊ:- «ኔኤኒ ዓይሁዶ ዓሰኮ ካኣቲዳ?» ጌይ ዖኦፎኔ።

34 ዩሱስ ማሃድ፡- «ኔኤኒ ዬያ ጋዓሢ ኔ ቶኦካፓ ዔኪሞ? ማሌ" ዓሳ ታ ዛሎ" ዬያ ኔኤሞ ኬኤዜምዳይ?» ዒዛ ኮራ ጌዔኔ።

35 ጲላዎሴ ዒማ"ና፡- «ታኣኒ ኔ ኮራ ዓይሁዴ ዓሲ ማላ? ኔና ዓኣሢ ዒንገዜንሢ ኔኤኮ ፃጸና ቄኤሶኮ ሱኡጎናኬ፤ ኔኤኒ ማዴ ባካ ዓይጌንዴዳይ» ዩሱስ ኮራ ጌዔኔ።

36 ዒዚ ማሃድ፡- «ታ ካኣቱማ ሃያ ዓጫ"ፓቱዋሴ፤ ታ ካኣቱማ ሃያ ዓጫ"ፓታቶ ዓይሁዴ ዓሶኮ ዎይሣ ዓሶ ኩጫ ታ ዓርቂንቱዋጉዲ ታኣም ዓይሢንቲ ማዳዘንሢ ታ ዛሎ" ሄኤዶ ያልቲያ ናንዳንቲኬ፤ ጋዓንቲ ታ ካኣቱማ ሃያ ዓጫ"ፓቱዋሴ» ጌይ ማሄኔ።

37 ጲላዎሴያ፡- «ሂዳቶ ኔ ካኣቲኬ ጌይሢዳ?» ዒዛ ኮራ ጋዓዛ፤ ዩሱስ ማሃድ፡- «ሂዶ፤ ኔ ታና ጌዔሢጉዴያኬ፤ ታኣኒ ሾይንቲሢና ሃያ ዓጫ" ሙኬሢ ጎኡሞ ዛላ ማርካዳኒኬ፤ ጎኡሞይዳፓ ማዔሢ ቢያ ታኣኮ ዑኡዞ ዋይዛኔ» ጌይ ማሄኔ።

38 ጲላዎሴ ዒማ"ና፡- «ጎኡሞ ዓይጌንዴዳይ?» ጌዔኔ። ዩካፓ ለማ ሃሣ ዓይሁዴ ዓሶ ባንሢ ኬሰኪ ዔያቶም፡- «ታኣኒ ሃያ ዓሢኮ ዓይጎ ፑርታ ባኣዚ"ያ ዴንቁባኣሴ፤ 39 ጋዓንቲ ዒንሢኮ ዔርቲሢ ጎይያ ዑሣ ዓኣዲያ ቦንቾ ኬሎ"ና ቢያ ዎዴ ፔቲ" ቱኡቲ ዓሲ ታ ዒንሢም ቡላ"ያኬ፤ ዬያር ሃሢ ዓይሁዴ ዓሶኮ ካኣታ"ሢ ታ ዒንሢም ቡላ"ንዳጉዲ ዒንሢ ኮዓ?» ጌዔኔ።

40 ዔያታ ጋዓንቲ፡- «ዬያቱዋንቲ ባርባኔ ኑሞ ቡሌ"!» ጌይ ጌይ ዒላቲኔ። ባርባኔ ጎሣሢ ካይዚ ጌሌ፤ ሱላኬ።

19

ፖኦሊሳ ዩሱስ ቦሢ ሺሬሢ

(ማቲ. 27፥27-32፤ ማር. 15፥15-21)

1 ዩካፓ ጲላዎሴ ዩሱስ ዔኪ ጳርቂሴኔ። 2 ዒማ"ና ፖኦሊሶንሢ ካኣታ" ቶኦካ ዓጋ ባኮ ማሊሲ ዓንገሢ ማራያ ዩሱስኮ ቶኦካ" ዓጌኔ፤ ዘቄ ዲንኪ ዓፒላኣ ዔያታ ዒዛ ማይሴኔ። 3 ዬያይዴሰካፓ ዔያታ ዒዛ ባንሢ ሙኪ ሙኪ ዒዛ ቦሢሢና፡- «ዓይሁዴ ካኣቲዮ! ኮሹሞ ኔኤሞ ማዎንጎ!» ጌይ ጌይ ሃሣ ዒዛ ባዒያ ባዔኔ።

4 ጲላዎሴ ጌንሣ ዙሎ" ኬሰካዎ፡- «ሓይሹ፤ ታ ዓይጎ ዳቢንቲያ ዒዛይዳ ዴንቁባኣሢ ዒንሢ ዔራንዳጉዲ ዒዛ ታ ዒንሢም ኬሳ"ንዳኔ» ዔያቶ ኮራ ጌዔኔ። 5 ዒማ"ና ዩሱስ ዬኖ ዓንገያ ማርናዘ ቶኦካ" ዓጌ፤ ዘቄ ማኣዓሢያ ማይንቲ ዙሎ" ኬሰኬኔ፤ ጲላዎሴ ዓሶም፡- «ዓካሪ ዓሢ ሃይሹ!» ጌዔኔ።

6 ቄኤሶኮ ሱኡጎና ዔያቶም ዓይሢንቲ ማዳዘንሢና ዩሱስ ዴንቃዎ፡- «ሱዪ! ሱሱዪ!» ጌይ ጌይ ዒላታዛ፤ ጲላዎሴ ጋዓንቲ፡-

«ታኣኒ ታ ዛሎ"ና ዓይኅ ዳቢንቲያ ዒዛይዳ ዳንቁባኣሴ፤ ዒንሢ ኮዔቶ ዒዛ ዔኪ ዓኣዲጋፓ ሱፁዋቲ» ዒያቶም ጌዔኔ።

7 ዓይሁድ ዓሳ ዒማ"ና፡- «ኑኡኮ ዋጌ ዓኣኔ፤ ሓይ ዓሢ ፔና ያኦሲ ናይ ማሄሢሮ ኑ ዋኅ ኅይዮና ሓይቢ ዒዛም ኮይሳኔ» ጌዔኔ።

8 ዬያ ቢያ ጌኤዞ ዋይዜሢኮ ጊንፃ ጲላዖሴ ሚርጌና ዒጊጩኔ፤

9 ዒማ"ና ሃሣ ጊንሣ ዒ ጋሮ ጌላዖ ዬሱሴ ኮራ፡- «ኔ ዓንካፓዳይ?»

ጌይ ያኦጫዛ፤ ዬሱሴ ጋዓንቲ ዓይኅዋ ዒዛም ማሂ ኬኤዚባኣሴ።

10 ዬያሮ ጲላዖሴ፡- «ኔ ታኣም ኬኤዙዋይ? ታ ኔና ቡላ"ኒ ሃሣ ሱፃኒያ ቢታንቶ ታኣኮ ዓኣሢ ኔ ዔራዋዓዳ?» ዒዛ ኮራ ጌዔኔ።

11 ዬሱሴ ማሃዮ፡- «ያኦሲዳፓ ኔኤም ቢታንቶ ዒንጊንቲባኣያ ማዔቶ ታ ዑያይዳ ኔኤኮ ዓይኅ ቢታንቶዋ ናንጋዓታንቲኬ፤ ኔኤም ዓኣሢ ታና ዒንጌሢኮ ባሼ ኅሜ ማዓንዳኔ» ጌዔኔ።

ዬሱሴ ሓይቃንዳጉዲ ዋጊንቲሢ

(ማቴ. 27፡15-31፤ ማር. 15፡6-20፤ ሉቃ. 23፡13-25)

12 ዬያ ዬሱሴ ጌሰቲ ባኮ ጲላዖሴ ዋይዛዖ ቡሊ" ዒዛ ሃሻ"ኒ ኮዓዛ፤ ዓይሁድ ዓሳ ጋዓንቲ፡- «ሓያ ዓሢ ኔ ቡሊ"ቶ ኔኤኒ ሮሜ ዓጮ" ካኣቲኮ ላጌቱዋሴ፤ ዓይኅሮ ጌዔቲ ፔና ካኣቲ ማሃሢ ቢያ ሮሜ ካኣቲኮ ዋርኬ ማዓያኬ» ጌይ ጌይ ዒላቲኔ።

13 ጲላዖሴ ዬያ ዋይዛዖ ዬሱሴ ካሮ" ባንሢ ኬሲ"፡- «ዳልኅ ፓልዒንቲ ሹጫሢ» ጌይንታ ቤዘይዳ ዓኣ፤ ዋኅ ዋኅ ያይታ ዳዔኔ፤ ዬና ቤዜላ ዔብሬ ዓሶ ሙኡጮና «ጋባታ» ጌይንታኔ። 14 ዬና ኬሊ"ላ ዑሣ ዓኣዲያ ቦንቾኮ ጊኢጊንቶ ኬሊ" ማዓዛ፤ ዬማና ዓባ" ሳዛ ጫርጋያኬ፤ ዒማ"ና ጲላዖሴ ዓይሁድ ዓሶ ኮራ፡- «ሓይሾ፤ ዒንሢኮ ካኣቲ!» ጌዔኔ።

15 ዔያታ ጋዓንቲ፡- «ባይዜ! ባባይዜ! ሱፃ!» ጌዒ ጌዒ ዒላታዛ፤ ጲላዖሴ ማሃዮ፡- «ዒንሢኮ ካኣቲ ታ ሱያንዶ?» ዔያቶ ኮራ ጌዔኔ፤ ቄኤሶኮ ሱኡጋ ዒማ"ና፡- «ሮሜ ዓጮ" ካኣቲዳፓ ዓታዛ ሜሌ" ካኣቲ ኑኡኮ ባኣሴ» ጌይ ዒዛም ማሄኔ።

16 ዬማ"ና ዬሱሴ ሱፃንታንዳጉዲ ጲላዖሴ ዓኣሢ ዔያቶም ዒንጋዛ፤ ፖኦሊሳ ዬሱሴ ዔኪ ዳንዴኔ።

ዬሱሴኮ ሱፃንቶ

(ማቴ. 27፡32-44፤ ማር. 15፡21-32፤ ሉቃ. 23፡26-43)

17 ዬካፓ ዬሱሴ ዒ ሱፃንታንዳ፤ ፑርቲሴ ዓሶ ሱያ ሚያ ኬዲ «ቶኦኪ ሜጌሢ ማላ ቤሲ» ጌይንታ ቤዘ ኬሰኬኒ፤ ዬና ቤዜላ ዔብሬ ዓሶ ሙኡጮና «ኅልኅታ» ጌይንታኔ። 18 ዬና ቤዘይዳ ዔያታ ዒዛና ዋላ" ላምዖ ዓሲ፤ ፔቲ"ሢ ሻውሎ" ዛላ" ፔቲ"ሢ ሚዛቆ ዛላ" ማሂ ዬሱሴ ባኣካ" ሱፃኔ። 19 ጲላዖሴ ዒማ"ና፡- «ዓይሁድ

ካላታ"ሢ፡ ናዚሬቶ ዓጮ" ዓሢ፡ ዩሱሴ» ጋዓያ ፃኣፒ ፑርቲሴ ዓሶ ሱያ ሚያ ዑፃ ጌሢኔ። ²⁰ ዩሱሴ ሱዲንቴ ቤዛ ካታሞኮ ዑኬ ማዕሢሮ ሚርጌ ዓይሁዶ ዓሳ ዬኖ ፃኣፒ ጌሦናዝ ናባቤኔ፤ ዬና ፃኣፒንቴሢ ዔብሬ ዓሶ ሙኡጮና ላኣቲኔ ሙኡቹና ሃሣ ገንሣ ገሪኬ ሙኡቹናከ። ²¹ ዓይሁዶ ዓሶኮ ቄኤሶ ሱኡጋ ጰላያሴ ኮራ፡- «ኔኤኒ ላይሁዶ ካኣቲኬ» ጌይ ፃኣፒፖ፤ ሓይ ዓሢ ታኣኒ ዓይሁዶ ካኣቲኬ ጋዓኔ ጌይ ፃኣፒ» ጌዔኔ።

²² ጰላያሴ ጋዓንቴ፡- «ታኣኒ ፃኣፒሢ ማይ ፃኣፒ ሃሺ"ኔ» ጌይ ማሄኔ።

²³ ፖኦሊሶንሢ ዩሱሴ ሱዲስካፓ ዖዶዞ ቦንቾ ማኣዓሢ ሌሊ ዓታዛ ዒዛኮ ሃንጎ ዓፒሎ ዔኪ ፔቴ" ፔቴ" ፖኦሊሶም ሄላ"ንዳጉዲ ዖይዶ ቤሲ ፓቄኔ፤ ጋዓንቴ ዬና ቦንቾ ዓፒሌላ ገኢጊሺ ሲከንቴባኣያ ሎፓ ሉ ሄላ"ንዳኣና ፔቴ" ማዒ ኮሺ"ንቴ ዓፒላከ፤ ²⁴ ዬያሮ ፖኦሊሶንሢ፡- «ዬና ዓፒሌላ ዖኦም ሄላ"ንዳቴያ ዒፃ ኑ ዓጋንዳኔ፤ ኑ ዳዳርዚንዳዋሴ» ዋሊ ኮይላ" ጌዔኔ። ዬይ ያዲ ማዕሢ፡-

«ታኣኮ ዓፒሎ ዔይታ ጊሸቴኔ፤

ታኣኮ ፔቴ" ማሂ ሲኮና ዓፒሎይዳ ዲማሲ ዔሮ ባኮ ዔይታ ዓጌኔ»

ጌይንቴ ማፃኣፖ ቃኣላ" ኩማንዳጉዲ ፖኦሊሳ ዬኖ ዓጎ ባኮ ዓጌኔ።

²⁵ ዩሱሴ ሱዲንቴ፡ ፑርቲሴ ዓሶ ሱያ ሚያ ኮይሎ"ይዳ ዒዛኮ ዒንዶና ዒንዶ ጌርና ቄሌዮጰ ጎዖሢ ማቾ ማይራሞና ማግዴላ ዓጮ" ማይራማኣ ዔቂ ዓኣኔ፤ ²⁶ ዩሱሴ ዒዛኮ ዒንዶና ዒ ናሽካ ዒዛኮ ገንያ ሃንታዞንሢ ዒዛ ኮይሎ"ይዳ ዔቂ ዓኣሢ ዛጋዖ ዒንዶ ኮራ፡- «ዒንዴ! ሃይሾ፡ ኔኤኮ ናዓሢ!» ጌዔኔ።

²⁷ ዬካፓ ዒዛኮ ገንያ ሃንታዞንሢ፡- «ኔኤኮ ዒንዳ ሃናሾ!» ዒዛም ጌዔኔ፤ ዬማፓ ዒዛኮ ገንያ ሃንታዞንሢ ማኣሪ ዒዞ ዔኪ ዓኣዴኔ።

ዩሱሴኮ ሓይቦ"

(ማቴ. 27፡45-56፤ ማር. 15፡33-41፤ ሉቃ. 23፡44-49)

²⁸ ዬካፓ ዩሱሴ ቢያ ባካ ኩሜሢ ዔራዖ ማፃኣፖይዳ ፃኣፒንቴ ቃኣላ" ኩማንዳጉዲ «ታና ዴኤቤኔ» ጌዔኔ።

²⁹ ዬኖ ቤዞይዳ ፔቴ" ሶልኪ፡ ገኢጉዋ ዑሺ ኩንሢ ጌሦና ሜሄ ዓኣኔ፤ ዬያሮ ዒኢካ ዓኣ ዓሳ ዬያ ዑዠይዳ ዓፒላ ቱርጫ ማላ ባኣዚ" ዓገ ዋኦሺ ማላ ሚሢና ዔኪ ዳንጎ ባንሢ ዑኪሳዛ፡ ³⁰ ዩሱሴ

ዬኖ ዑዝሎ ፀንጸሰካቸው፡- «ዓካሪ ኩሜኔ» ጋዓዖ፣ ቶኦኮ" ዛላሲ ፔ ሸምፓሢ ዓኣሢ ዒንጌኔ።

ዬሱሴኮ ጎኦቦ" ዋርዖና ጫርጎናሢ

31 ዬያ ባኮኮ ገንፃፓ ዓይሁዶኮ ዋይሢ ዓሳ ሱዲንቴ ዓሶኮ ዘኦሎ" ሜንሢ፣ ሱዖና ሚዖይዳፓኦ ዒያቶ ኬይሳንዳጉዲ ጲላዖሴ ኮራ ሸኢቄኔ፤ ዬያ ዒያታ ሂዳሢ ዓይሁዶ ዓሶኮ ሐውሾ ኬሎ"ም ገኢጊንቴ ኬሊ" ማዔሢሮ ሃሣ ዬና ኬሌ"ላ ዴኤፒ ቦንቾ ኬሊ" ማዔሢሮ ዒያቶኮ ሐውሾ ኬሎ"ና ሌዛ ሱዖና ሚዖይዳ ዴዑዋጉዲኬ።

32 ዬያሮ ፖኦሊሶንሢ ዴንዲ ዬሱሴና ዋላ" ሱዲንቴ ዓሶንሢኮ ዘኦሎ" ሜንሢ፤ 33 ዬካፓ ዬሱሴ ባንሢ ዒያታ ሙካዖ ዒዚ ቤርታዲ ሐይቄያ ማዔሢ ዛጊ ዘኦሎ" ዒዛኮ ዒያታ ሜንሢባኦሴ።

34 ጋዓንቴ ፖኦሊሶንሢዳፓ ፔቴ"ሰኬይ ዒዛኮ ጎኦቦ" ዋርሢና ጫርጋዛ ቤዘማና ጎኦባ"ፓ ሱጉሢና ዋኦሢና ኬሰኬኔ። 35 ዬያ ዛጊሢ ዒንሢ ጉሙርቃንዳጉዲ ማርካዴኔ፤ ማርካታኦ ዬይ ጎኔኬ፤ ዒ ኬኤዜ ባካ ጎኔ ማዔሢ ዒዚ ዒራኔ። 36 ዬይ ያዲ ማዔሢ ማፃኦፖይዳ፡- «ዒዛኮ ሜጌፃፓ ፔቴ"ታዖ ሜቃባኬ» ጌይንቴሢ ኩማንዳጉዲኬ። 37 ሃሣ ሜሌ" ማፃኦፔይዳ፡- «ዒዛ ጫርጌዘንሢ ሃጊ ዒዛ ዛጋንዳኔ» ጋዓኔ።

ዬሱሴኮ ዱኡኪንቶ

(ማቴ. 27፥57-61፤ ማር. 15፥42-47፤ ሉቃ. 23፥50-56)

38 ዓይሁዶ ዓሶኮ ዋይሢ ዓሶ ዒጊጪሢና ዬሱሴ ዓሲ ዒ ማዔሢ ዒርዙዋዖ ናንጋ፣ ዓርማቴያሴ ዓጮ" ዓሢ፣ ዮሴፔ ዬሱሴኮ ሌዛ ዓካኒ ጲላዖሴ ኮራ ሸኢቃዛ፣ ጲላዖሴ ዒዛ ዓኮንጎ ጌዔኔ፤ ዬያሮ ዮሴፔ ዴንዲ ሌዛ ዓኬኔ። 39 ሐያኮ ቤርታ ዲሞና ዬሱሴ ኮራ ሙኬ፣ ኒቆዲሞሴ ጎዖሢ ዶንጊታሚ" ዶሎዜ ማዓንዳ ካርቤ ዋላንጎና ዋላ" ሲኢሪ ዒኪ ሙኬኔ። 40 ዬንሢ ላምዖ ዓሶንሢ ዬሱሴኮ ሌዛ ዓኪ ዓይሁዶ ዓሳ ሃይቄ ዓሶ ሱኡዳ ጎይዖ ሳውቃ ቴሺና ቴሽኪ ቫኦዛ ዓፒላና ዒዛ ሱኡዴ። 41 ዬሱሴ ሱዲንቴ ቤዘይዳ ፔቴ"ሚሢቱኮ"ና ቤሲ ዓኣኔ፤ ዬኖ ቤዜሎይዳ ዖኦኒያ ዱኡቲባኦ ዓኪ ዱኡፒ ዒቴ ዓኣኔ። 42 ዬና ኬላ" ዓይሁዶ ዓሶኮ ሐውሾ ኬሎ"ም ገኢጊንቶ ኬሊ" ማዔሢሮ ሃሣ ጊንሣ ዱኡፖ ቤዛኦ ዑኬ ማዔሢሮ ዬሱሴ ዒያታ ዒኢካ ዱኡኬኔ።

19:36 ኬሊ. ማፃ 12፥46፤ ፓይ. ማፃ 9፥12፤ ዓይኑ. 34፥20፤ ዛካ. 12፥10፤ ዮሐ. ዖፔዳ 1፥7። 19:39 ዮሐ. 3፥1-2።

20

ዩሱፊኮ ሐይባ'ፓ ዔቂያ

(ማቴ. 28፥1-8፤ ማር. 16፥1-8፤ ሉቃ. 24፥1-12)

1 ወዴ ኬሊ" ጉቴ" ዓሚ" ደማ ሚኒሪ ሚግዴላ ዓጮ" ማይራማ ዩሱፊኮ ዱኡፖ ቤዘ ዴንዴኔ፤ ዒኢካ ዒዛ ሄላ"ያ ዱኡፖ ዔቶ" ካሮ" ዎደና ሹጫሢ ዱኡፖ ዔቶ" ካሮ"ፓ ኮላዲ ዓኣንቴ ዴንቄኔ። 2 ዩያሮ ዒዛ ሲሞኦኔ ጌይንታ ጳዒሮሴና ዩሱፊኮ ዒዛ ናሽካያ ማዔ፥ ሜሌ" ዒዛኮ ጊንያ ሃንታሢና ኮራ ጳሽኪ ዴንዳያ፡- «ጎዳ ዱኡፖይዳፓ ቱጊ ዔኮናኔ፤ ዓንካ ዒዛ ጌሦናቴያ ኑ ዔሩዋሴ» ጌዔኔ።

3 ዩማና ጳዒሮሴና ሓንጎ ዩሱፊኮ ጊንያ ሃንታሢና ዎላ" ኬሰካያ ዱኡፖ ቤዘ ዴንዴኔ። 4 ዒማ"ና ላሞዎንሢ ዎላ" ጳሽኬኔ፤ ጋዓንቴ ባጋሢ ጳዒሮሴ ጳሽኪ ቢራዎ፥ ቤርታዲ ዱኡፖ ቤዘ ሄሌ"ኔ። 5 ሂርኪ ጌይ ዒዚ ዱኡፖ ዔቶ" ዛጋዎ፥ ዩሱፊኮ ሱኡዶና ዓፒላ ሌሊ ዓኣንቴ ዴንቄኔ፤ ጋዓንቴ ዒ ዔቶ" ጋሮ ጌሊባኣሴ። 6 ዩካፓ ሲሞኦኔ ጎያ ጳዒሮሴ ጊንያ ሙኪ ዒኢካ ሄላ"ያ፥ ዱኡፖ ዔቶ" ጋሮ ጌሌኔ፤ ዒዚያ ዩሱፊኮ ሱኡዶና ዓፒላ ሌሊ ዓቲ ዓኣንቴ ዴንቄኔ፤ 7 ዩሱፊኮ ቶኦኮ" ማሮና ቱርጫ ሃንጎ ዑያ ሱኡዶና ቱርጮና ዎላ"ቱዋንቴ ደማዲ ሜሌ" ቤሰካ ቁሪንቴ ዓኣንቴ ዒ ዴንቄኔ። 8 ዩካፓ ሓሣ ዩይ ቤርታ ሄሌ"፥ ዩሱፊኮ ጊንያ ሃንታሢ ዱኡፖ ዔቶ" ጌሊ ዛጋያ ዩይ ጎኔ ማዔሢ ጉሙርቄኔ። 9 ዒማ"ና፡- «ሐይባ"ፓ ዒዚ ዔቃንዳያ ኮይሳኔ» ጋዓ ጌኤዢ ማፃኣፖ ቃኣሎ" ዔያታ ማሊ ጳቂሢ ዔሪባኣያኬ። 10 ዩካፓ ዩንሢ ላሞዎ ዩሱፊኮ ጊንያ ሃንታዘንሢ ማዒ ፔ ማኣሪ ዓኣዴኔ።

ዩሱፊኮ ሚግዴላ ዓጮ" ማይራሞዎ ጴዴሢ

(ማቴ. 28፥9-10፤ ማር. 16፥9-11)

11 ዒማ"ና ሚግዴላ ዓጮ" ማይራማ ዩኤኪ ዩኤኪ ዱኡፖ ኮይላ" ዔቂ ዓኣዎ፥ ሂርኪ ጌይ ዱኡፖ ዔቶ" ጋሮ ዛጌኔ። 12 ዒዛ ዛጋንቴ ዩሱፊኮ ሌዛ ዓኣ ቤዘይዳ ቦኦሬ ማኣያ ማይንቴያ፥ ላሞዎ ከኢታንቸሰኬንሢ ፔቴ" ኬሮ" ኬዴ" ፔቴ"ሢ ቶኮ" ዛላ" ዴዒ ዓኣንቴ ዒዛ ዴንቄኔ። 13 ዩንሢ ማይራሞ ኮራ፡- «ዔና! ዓይጎሮ ኔ ዩኤካይ?» ጋዓዛ፥ ዒዛ ማሃዎ፡- «ታ ጎዳሢ ሃካፓ ዔኮናኔ፤ ዓንካ ጌሦናቴያ ታ ዔሩዋሴ» ጌዔኔ።

14 ዩያ ዒዛ ጋዓያ ጊንሢሞ ሺሪ፥ ዩሱፊኮ ዔቂ ዓኣንቴ ዴንቄኔ፤ ጋዓንቴ ዩይ ዩሱፊኮ ማዒሢ ዒዛ ዔሪባኣሴ። 15 ዩሱፊኮ ዒዛ ኮራ፡- «ዔና ኔ ዓይጎሮ ዩኤካይ? ሓሣ ኔ ዎና ኮዓይ?» ጌዔኔ፤ ዒዛሞ ዩይ ዓሢ ሚያ ቱኮ"ና ቤዛ ማዳ ዓሲ ማሌሢሮ፡- «ጎዳሢዮ! ኔኤኒ

ዲዛ ዔኬቲ ዋካ ኔ ዲዛ ጌሄቶ ሓዳራ ታኣሞ ኬኤዘ፤ ታኣኒ ዲዛ ዔካንዳኔ» ጌዔኔ።

16 ዲማ"ና ዩሱሴ፡- «ማይራሜ» ዲዛ ኮራ ጋዓዛ፥ ዲዛ ዲዛ ባንሢ ሺራዖ ዔብሬ ዓሲ ሙኡቺና «ሬቡኒ» ጌዔኔ፤ ዩኖኮ ቡሊ"ዓ «ዔርዛሢዮ!» ጌይሢኬ።

17 ዩሱሴ ዲዛሞ፡- «ሓጊ ታኣኒ ሌካ ታ ዓዶ ባንሢ ኬሰኪባኣሢሮ ታና ዓርቂፖ፤ ጋዓንቲ ታ ጌርሲንሢ ኮራ ዓኣዲጋፓ ታኣኒ ሌካ ታ ዓዶና ዲንሢ ዓዶና ባንሢ፤ ሃሣ ታ ጎዳ ማዔ ያኣዛሢና ዲንሢኮዋ ጎዳ ማዔ ያኣዛሢ ባንሢ ታ ዔውታንዳኔ ጌዔኔ» ጌይ ዔያቶሞ ኬኤዘ» ጌዔኔ።

18 ዩያር ሜግደላ ዓጮ" ማይራማ ዩሱሴኮ ጊንዖ ሃንታዞንሢ ኮይላ" ዴንዳዖ ጎዳ ዲዛ ዛጌሢና ዲዚ ዲዛሞ ጌዔ ባኮዋ ዔያቶሞ ኬኤዘ።

ዩሱሴ ዲዛኮ ጊንዖ ሃንታዞንሢም ጴዴሢ

(ማቴ. 28፥16-20፤ ማር. 16፥14-18፤ ሉቃ. 24፥36-49)

19 ዩኖ ዉዶ ኬሎ" ዋንቶ ዩሱሴኮ ጊንዖ ሃንታዞንሢ ዓይሁደኮ ዋይሣ ዓሶ ዒጊጨሢሢ ካሮ" ፔኤኮ ዑፃ ዋዲ ጋራ ቡኪንቲ ዓኣንቲ ዩሱሴ ዔያታ ቡኪንቲ ዴዒ ዓኣ ማኣሬሎ ጌላዖ ባኣካ" ዔያቶኮ ዓቂ፡- «ኮሹሞ ዒንሢም ማዖንጎ!» ዔያቶሞ ጌዔኔ። 20 ዩያ ጋዓዖ ፔኤኮ ኩጨንታ ጎኦቡ"ንታ ዔያቶ ዳዋዛ፥ ዔያታ ጎዳ ዛጊ ሚርጌና ዋዛዴኔ። 21 ዩካፓ ዩሱሴ ላሚ ሃሣ፡- «ኮሹሞ ዒንሢም ማዖንጎ! ታ ዓዴ ታና ዳኬሢጉዲ ታኣኒያ ዒንሢ ዳካኔ» ዔያቶሞ ጌዔኔ። 22 ዩያ ጌይ ዔያቶ ዑፃ ዑኡዛዖ፡- «ዓያና ጌኤሺ ዔኩዋቲ፤ 23 ዒንሢ ዓሶኮ ጎሞ ዓቶሞ ጌዔቶ ዔያቶሞ ዓቶሞ ጌይንታንዳኔ፤ ዓሶኮ ጎሞ ዒንሢ ዓቶሞ ጌይባኣቶ ጎማ ዔያቶኮ ዓቶሞ ጌይንታዓኬ» ጌዔኔ።

ዩሱሴና ቶኦማኣሴና ጌሰቲ ባኮ

24 ዩሱሴ ዲዛኮ ጊንዖ ሃንታዞንሢ ኮይላ" ሙኬ ኬሌ"ሎ ታጵ ላሞዖንሢዳፓ ፔቲ"ሢ፥ ሱ"ንፃ «ሜንቲ» ጌይንታ ቶኦማኣሴ ዔያቶና ዋላ" ባኣሴ። 25 ዩያር ሃንጎ ጊንዖ ሃንታዞንሢ ቶኦማኣሴ ኮራ፡- «ጎዳ ኑ ዛጊሰካይ!» ጋዓዛ፥ ዲዚ፡- «ዓጮ ዓንጎና ዲዛኮ ጳርቂንቲ ኩጮ ታ ኬኤሎ"ና ሄሊ" ዛጉዋዖ ሃሣ ዲዛኮ ጎኦቡ" ዲኢደዋ ኩቻ ዓርቂ ዛጉዋዖ ታ ዩያ ጎኔኬ ጋዓዓኬ» ጌዔኔ።

26 ሳሊ" ኬሊ"ኮ ጊንዖፓ ዲዛኮ ጊንዖ ሃንታዞንሢ ሃሣ ፔቲ" ማኣሬዳ ዓኣንቲ ቶኦማኣሴ ዔያቶና ዋላ" ዓኣኔ፤ ዲማ"ና ዔያታ ዓኣ ማኣሮኮ ካራ" ዋዲንቲ ዓኣንቲ ዩሱሴ ሙኪ ዔያቶኮ ባኣካ" ዔቃዖ፡-

«ኮሹሞ ዲንሢሞ ማዖንሳ!» ጌዔኔ። 27 ዩካፓ ቶኦማኣሴ ኮራ፡- «ሓኒ ሙኪ፡ ኔ ኬኤሎ"ና ታ ኩጮ ካኣሚ ዛጌ፤ ሓሣ ኔ ኩጮና ታ ጎኦ" ዓርቂ ዛጌ፤ ዓልቲዎ ሃሺ" ጉሙርቃ ዓሲ ማዔ» ጌዔኔ።

28 ቶኦማኣሴ ዩማና፡- «ኔ ታኣኮ ጎዳ ሃሣ ያኣዛሢ!» ጌዔኔ።

29 ዩሱሴያ ቶኦማኣሴም፡- «ኔ ታና ዛጌሢ ጉሙርቄ፤ ጋዓንቲ ታና ዛጉዋዖ ጉሙርቃዘንሢ ጋላቲንቲያኬ» ጌዔኔ።

ሓኖ" ማፃኣፔሎኮ ማሊያ

30 ዩሱሴ ሃኖ" ማፃኣፖይዳ ፃኣፒንቲባኣ ሚርጌ ያኦሲ ዋልቄና ማዲንታ ዓኪ ባኣዚ" ዒዛኮ ጊንዖ ሃንታዘንሢ ሴርታ ማዲኔ፤

31 ጋዓንቲ ዩሱሴ ያኦሲ ናይ ሃሣ ሜሲሔ ማዔሢ ዲንሢ ጉሙርቃንዳጉዲና ጉሙርቂ ዔኪ ዒዛ ሱንዖና ናንጊና ናንጊ ሼምፖ ዲንሢ ዴንቃንዳጉዲ ሓይ ፃኣፒንቲኔ።

21

ዩሱሴ ዒዛኮ ጊንዖ ሃንታ ላንካዎንሢሞ ጴዴሢ

1 ዩካፓ ዩሱሴ ዲብራዶሴ ጌይንታ ባዘ" ዓጫ ዒዛኮ ጊንዖ ሃንታዘንሢሞ ለሚ ሃሣ ጴዴኔ፤ ዒ ዩካ ዔያቶም ጴዴሢ ሂዲኬ፡-

2 ሲሞኦኔ ጌይንታ ጴዳርሴ፡ ሱንዖ «ሜንቲ» ጌይንታ ቶኦማኣሴ፡ ጌሊላ ዓጮ"ኮ ቃናፓ ናቲናዔኤሌ፤ ሓሣ ዜብዲዮሴ ናኣቶ"ንሢና ሜሊ" ለምዖ ዒዛኮ ጊንዖ ሃንታሰኬንሢንታ ዋላ" ዓኣንቲ፡ 3 ሲሞኦኔ ጌይንታ ጴዳርሴ ዔያቶ ኮራ፡- «ሞሎ ዓርቃኒ ታ ዓኣዳንዳኔ» ጋዓዛ፡

ዔያታ ሃሣ፡- «ኦኡኒያ ኔኤና ዋላ" ዓኣዳንዳኔ» ጌዔኔ፤ ዩካፓ ዔያታ ኬሰኪ ዓኣዲ ዋኣዖና ፒንቆ ጎንጎይዳ ዓይዖር ጌሌኔ፤ ጋዓንቲ ዩኖ ዋንቲሎ ፔቲ" ሞሎታዖ ዔያታ ዓርቂባኣሴ። 4 ዚር ጉቲ"ሎ ሳዓ ካራዛ ዩሱሴ ዩኖ ባዜ"ሎ ዓጫ ዔቂ ዓኣንቲ ዒዛኮ ጊንዖ ሃንታዘንሢ ዩይ ዩሱሴ ማዔሢ ዔሪባኣሴ። 5 ዒማ"ና ዩሱሴ፡-

«ዔዛታ! ዋላ ዲንሢ ኮራ ዓኣ?» ጋዓዛ፡ ዔያታ ማሃዖ፡- «ፔቲ"ታዖ ኦ ኮይላ" ባኣሴ» ጌዔኔ።

6 ዒዚ ዔያቶም፡- «ሞላሢ ዓርቆ ሮኦጮ ማላ ሱዞ ዋኣዖና ፒንቆ ጎንጎኮ ሚዛቆ ዛሎ"ና ዓጉዋቲ፡ ዲንሢ ዴንቃንዳኔ» ጌዔኔ። ዩያር ሞላሢ ዓርቆ ሱዞ ባዘ"ይዳ ዔያታ ዓጌኔ፤ ዩማና ሚርጌ ሞላ ዓርቂንቲሢሮ ዩኖ ሞላሢ ዓርቆ ሮኦጮ ማላ ሱዜሎ ጎቻኒ ዔያቶ ባሼኔ።

7 ዒማ"ና ዩሱሴ ዒዛ ናሽካ ዒዛኮ ጊንዖ ሃንታሢ ጴዳርሴ ኮራ፡- «ሓይ ጎዳታንቲሞ!» ጋዓዛ፡ ሲሞኦኔ ጎዖ ጴዳርሴ፡- «ሓይ

ጎዳታንቴሞ!» ዬይ ጌዔሢ ዋይዛያ ማድ"ሮ ጌይ ማአዓሢ ፔኤኮ ዒ ኬሲ" ዓአሢሮ ዑኩና ሃንጎ ማአዓሢ ፔኤኮ ማይንቴ ሊካ ባዘ"ይዳ ጹሊ" ጌሌኔ። 8 ዓቴ" ዬሱሴኮ ጊንያ ሃንታዞንሢ ጋዓንቴ ፃአድ ዓጮ"ይዳገ ፃኤታ ታአካ ማዓያ ሃኪ ዋአያ ሳዛ" ዓአሢሮ ሞላሢ ኩሜ፥ ሮኦጮ ማላ ሱዜሎ ጎቺ ጎቺ ዋአያና ፒንቆ ጎንጎና ሙኬኔ። 9 ዬኖ ጎንጌሎይዳገ ዔያታ ኬዳ"ያ ሞሎ ጊዳ" ዓጎና ታሚ ቄንሢና ካሣኦ ዴንቄኔ። 10 ዬሱሴ ዔያቶሞ፡- «ሐሢ ዒንሢ ዓርቄ ሞላሢ ሃኒ ባውዋቲ» ጌዔኔ።

11 ዬያሮ ሲሞኦኔ ጎያ ጰደሮሴ ዋአያና ፒንቆ ጎንጌሎ ጋሮ ጌላያ ፃኤታና ዶንጊታሚ" ሐይሠ ኮሺ" ዴኤፒ ዴኤፒ ሞላ ኩሜ፥ ሮኦጮ ማላ ሱዜሎ ሳያ ባንሢ ጎቺኔ፤ ዬያጉዴ ሚሮጌ ሞሎ ዓርቄቶዋ ዬና ሞላሢ ዓርቆ ሮኦጮ ማላ ሱዜላ ዴጰባኦ። 12 ዬካፓ ዬሱሴ ዔያቶ ኮራ፡- «ሐኒ ሙኪ ሙዑዋቲ» ጋዓዛ፥ ዬይ ጎዳ ዬሱሴ ማዔሢ ቢያሢ ዔሬሢሮ ዒዛኮ ጊንያ ሃንታዞንሢዳገ ፔቲ"ታያ፡- «ኔኤኒ ያናዳይ?» ጌይ ዒዛ ያኦጫኒ ጫርቄይ ባኦ። 13 ዒማ"ና ዬሱሴ ሙካያ ካሠና ዬያጉዴ ሃሣ ሞላሢና ዔኪ ዔያቶሞ ዒንጌኔ።

14 ዬሱሴ ሃይባ"ፓ ዔቄሰካፓ ዒዛኮ ጊንያ ሃንታዞንሢ ዒዛ ዛጋንቴ ዬና ሃይሣሶኬ።

ዬሱሴና ጰደሮሴና

15 ዬኖ ሙያ ሙዔሰካፓ ዬሱሴ ሲሞኦኔ ጌይንታ ጰደሮሴ ኮራ፡- «ዮና ናዓሠ፥ ሲሞኦኔ! ሐኦቶይዳገ ኔ ታና ናሽካ?» ዒዛ ኮራ ጋዓዛ፥ ዒዚ ማሃያ፡- «ሂዮ፥ ጎዳሢዮ! ታ ኔና ናሽካሢ ኔ ታና ዔራኔ» ጌዔኔ።

ዬሱሴያ ዒዛሞ፡- «ዓካሪ ታኦኮ ዔቃሎ ማራናኦቶ" ዛጌ» ጌዔኔ።

16 ላሚ ሃሣ፡- «ዮና ናዓሠ፥ ሲሞኦኔ! ኔ ታና ናሽካ?» ዒዛሞ ጋዓዛ፥ ዒዚ ማሃያ፡- «ሂዮ፥ ጎዳሢዮ! ታ ኔና ናሽካሢ ኔ ታና ዔራኔ» ጌዔኔ።

ዬሱሴ ዒዛሞ፡- «ታኦኮ ጎሎጮ ማራናኦቶ" ሄንቄ» ጌዔኔ።

17 ሐይሣሲ፡- «ዮና ናዓሠ፥ ሲሞኦኔ! ኔ ታና ናሽካ?» ዒዛ ኮራ ጋዓዛ፥ ሐይሣሲ፡- «ኔ ታና ናሽካ?» ጌይ ዒዛ ያኦጫሢሮ ጰደሮሴ ያያያ፡- «ታ ጎዳሢዮ! ኔኤኒ ቢያ ዔራኔ፥ ታኦኒ ኔና ናሽካሢ ኔ ታና ዔራኔ» ጋዓዛ፥ ዬሱሴ ማሃያ፡- «ታኦኮ ዴኤፖ ማራቶ ሄንቄ፤ 18 ጎኔ ታ ኔኤሞ ጋዓኔ፤ ኔኤኒ ዴጌ ዓኦያ ኔኤኮ ኬርና ቱኦቶ ቃልሾ ኔ ኩቻ ኔ ቱኪ" ኮዔ ቤሲ ዓኦዳኔ፤ ኔ ጋርቻዛ ጋዓንቴ ኔኤኒ ኩጮ ለካ ዓቂሳዛ ሜሌ" ዓሲ ኔና ቱኡሲ ኔ ኮዒባኦ ቤሲ ኔና ዔኪ ዓኦዳንዳኔ» ዒዛሞ ጌዔኔ። 19 ዬያ ዒ ጌዔሢ ጰደሮሴ ዋማጉዴ ሐይቢና ያኦሲ

ዲ ቦንቸንዳያ ኮይሳቴያ ዲዛ ዔርዘርኬ፤ ዬሳፓ ጳጳርሴ ኮራ፡- «ታ ጊንዖ ሙኬ» ጌዔኔ።

ዬሱሴና ሜሌ "ዲዛኮ ጊንዖ ሃንታሢና

²⁰ ጳጳርሴ ሺሪ ዬሱሴ ዲዛ ናሽካ፥ ሜሌ" ዲዛኮ ጊንዖ ሃንታሢ ዲዛ ጊንዖ ዓኣዳንቴ ዴንቄኔ፤ ዬይ ጊንዖ ሃንታሢ ፔቴ"ና ዔያታ ካሦ ሙዓኣና ዬሱሴ ባንሢ ዛላዲ ሂርኪ ጋዓዖ፡- «ጎዳሢዮ! ኔና ዓኣሢ ዲንጋንዳሢ ዖናዳይ?» ጌይ ዲዛ ዖኦጩሢ። ²¹ ጳጳርሴ ዬያ ዛጋዖ፡- «ጎዳሢዮ! ሃይ ዓሢ ዋይታንዳይ?» ጌይ ዬሱሴ ኮራ ዖኦጩኔ።

²² ዬሱሴ ማሃዖ፡- «ታኣኒ ሙካንዳያ ሄላ"ንዳኣና ዲ ሸምፖና ናንጋንዳጉዲ ታ ዲዛ ጌዔቶ ኔና ዓይጌ ጌልዜይ? ኔኤኒ ኔኤሮ ታ ጊንዖ ሙኬ» ዲዛም ጌዔኔ።

²³ ዬያ ዛሎ"ና ጌርሲንሢ ባኣካ"፡- «ሓይ ዬሱሴ ጊንዖ ሃንታሢ ሓይቂንዱዋሴ» ጌይንታ ሓይሴ ኬኤዚንቴኔ፤ ጋዓንቴ ዬሱሴ፡- «ታኣኒ ሙካንዳያ ሄላ"ንዳኣና ዲ ናንጋንዳጉዲ ታ ጌዔቶ ኔና ዓይጌ ጌልዜይ?» ጋዓንዳፓዓቴም «ኔ ሃይቂንዱዋሴ» ዲዛም ጌይባኣሴ።

²⁴ ዬያ ባኮ ቢያ ማርካዴሢና ዬንሢ ባኮንሢ ፃኣፔሢ ዲዛ ዬያ ዬሱሴኮ ጊንዖ ሃንታሢ፤ ዲዛኮ ማርካዴፃኣ ጎኔ ማዔሢ ኑዔራኔ።

²⁵ ዬሱሴ ማዴ ሜሌ" ሚርጌ ባኣዚ" ሃሣ ዓኣኔ። ታ ማላ ጎይዖታቴ ዲዚ ማዴ ባኮ ቢያ ፔቴ" ፔቴ" ፃኣፒንቴያ ማዔቶ ዬያ ፃኣፒንቴ ማፃኣፖ ዓጫ" ሃይ ፔ ቶኣኪና ዓርቃኒ ዳንዳዒንዱዋያንቴኬ።

ጌሌዝ ማግኒት

**The Holy Bible in the Maale language of Ethiopia,
using Ethiopic script**

copyright © 2015 The Word for the World International and The Bible Society of Ethiopia

Language: Maale

Translation by: The Word for the World

Contributor: Bible Society of Ethiopia

Maale New Testament

by Bible Society of Ethiopia.

This translation is made available to you under the terms of the Creative Commons Attribution-No Derivatives license 4.0.

You may share and redistribute this Bible translation or extracts from it in any format, provided that:

You include the above copyright and source information.

You do not make any derivative works that change any of the actual words or punctuation of the Scriptures.

Pictures included with Scriptures and other documents on this site are licensed just for use with those Scriptures and documents. For other uses, please contact the respective copyright owners.

2019-12-29

PDF generated using Haiola and XeLaTeX on 11 Nov 2022 from source files dated 29 Jan 2022

bbcfb90a-3ae3-5452-983d-6c4c02375929